

四庫全書

子部

欽定四庫全書

子部

本草綱目卷十八上

詳校官太醫院醫官臣姜晟

編修臣倉聖脈覆勘

總校官庶吉士臣何思鈞

校對官中書臣潘奕雋

謄錄監生臣黃熙純

欽定四庫全書

本草綱目卷十八目錄

草之七

蔓草類七十三種

附四十
一種

菟絲子

本經難
火蘭附

五味子

本經

蓬蘽

本經

覆盆子

別錄

懸鉤子

拾遺

蛇莓

別錄

使君子

開寶

木鼈子

開寶

番木鼈

綱目

馬兜鈴

開寶即土
青木香

槿藤子

開寶

預知子

開寶

牽牛子

別錄

旋花

本經太乙金鎖即鼓子花

紫葳

本經即凌霄花骨路支附

營實牆薜

本經

月季花

綱目

桔樓

本經即天花粉

王瓜

本經即土瓜

葛

本經

黃環

本經即鼓跋子

天門冬

本經

百部

別錄白
并附

何首烏

別錄

車薺

別錄

菝葜

別錄

土茯苓

綱目

白薇

本經

女萎

李當
之

赭魁 本經

鵞抱 圖經

伏雞子 拾遺 仰盆
人肝 藤附

千金藤 開寶 陳
鬼炭 附

九仙子 綱目

山豆根 開寶

黃藥子 開寶

解毒子 唐本即苦藥子奴
會子藥實根附

白藥子

唐本陳甘白藥會州白
藥銜洞根突厥白附

威靈仙

開寶

茜根

本經血
藤附

剪草

日華

防己

本經

通草

本經

通脫木

法象天
壽根附

釣藤

別錄倒
掛藤附

黃藤

綱目

白菟藿

本經

白花藤

唐本

白英

本經即鬼
目排風子

蘿摩

唐本

赤地利

唐本

紫葛

唐本

烏薺莓

唐本即
五葉藤

葎草

唐本

羊桃

本經

絡石

本經

木蓮

拾遺地
錦附

扶芳藤

拾遺

常春藤

拾遺

千歲藥

別錄

忍冬

別錄即
金銀花

甘藤

嘉祐甜藤
甘露附

含水藤

海藥

天仙藤

圖經

紫金藤

圖經

南藤

開寶烈
節附

清風藤

圖經

百稜藤

圖經

省藤

拾遺

紫藤

開寶

落鴈木

唐本折傷木風
延母每始王木附

千里及

拾遺即
千里光

藤黃

拾遺

右附方舊一百三十七新三百二十八

附錄諸藤

一十九種

本草綱目卷十八目錄

欽定四庫全書

本草綱目卷十八上

明 李時珍 撰

草之七

蔓草類二十四種 附二種

菟絲子

本經上品

釋名菟縷

別錄

菟蘂

別錄

菟蘆

本經

菟丘

廣雅

赤綱

別錄

玉女

爾雅

唐蒙

爾雅

火燄草

綱目

野狐絲

綱目

金線草

禹錫

春秋云或謂菟

絲無根也其根不屬地茯苓是也抱朴子云菟絲之草下有伏菟之根無此菟則絲不得生于上然實不

屬也伏菟抽則兔絲死又云菟絲初生之根其形似兔握故割其血以和丹服立能變化則菟絲之名因此也弘景曰舊言下有茯苓上有菟絲不必爾也頌曰抱朴所說今未見豈別一類乎孫炎釋爾雅云唐也蒙也女蘿也菟絲也一物四名而本草唐蒙為一名詩云蔦與女蘿毛萇云女蘿菟絲也而本草菟絲無女蘿之名惟松蘿一名女蘿豈二物皆是寄生同名而本草脫漏乎震亨曰菟絲未嘗與茯苓共類女蘿附松而生不相關涉皆承訛而言也時珍曰毛詩注女蘿即兔絲吳普本草兔絲一名松蘿陸佃言在木為女蘿在草為兔絲二物殊別皆由爾雅釋詩誤以為一物故也張揖廣雅云菟丘兔絲也女蘿松蘿也陸璣詩疏言兔絲蔓草上黃赤如金松蘿蔓松上生枝正青無雜蔓者皆得之詳見木部松蘿下又兔絲茯苓說見茯苓下

集解

別錄曰菟絲子生朝鮮川澤田野蔓延草木之上九月采實暴乾色黃而細者為赤網色淺而大者為菟絲功用並同弘景曰田野墟落中甚多皆浮生藍紵麻蒿上其實仙經俗方並以為補藥須酒浸一宿用宜丸不宜煮大明曰苗莖似黃絲無根株多附田中草被纏死或生一葉開花結子不分明子如碎黍米粒八月九月以前采之頌曰今近道亦有之以寬甸者為勝夏生苗初如細絲遍地不能自起得他草梗則纏繞而生其根漸絕於地而寄空中或云無根假氣而生信然時珍曰按寧獻王庚辛玉冊云火燄草即菟絲子陽草也多生荒園古道其子入地初生有根及長延草物其根自斷無葉有花白色微紅香亦襲人結實如牝豆而細色黃生于梗上尤佳惟懷孟林中多有之入藥更良

子修治

斂曰凡使勿用天碧草子真相似只是味酸澆并粘也菟絲采得去殼了用苦酒浸二日

漉出以黃精自然汁相對浸一宿至明用微火煎至乾入臼中燒熱鐵杵一去三千餘杵成粉用之時珍曰凡用以溫水淘去沙泥酒浸一宿曝乾搗之不盡者再浸曝搗須臾悉細又法酒浸四五日蒸曝四五次研作餅焙乾再研末或云曝乾乾時入紙條數枚同搗即刻成粉且省力也

氣味辛甘平無毒

之才曰得酒良薯蕷松枝為之使惡藿菌

主治續絕傷

補不足益氣力肥健人

本經

養肌強陰堅筋骨主莖中

寒精自出溺有餘瀝口苦躁渴寒血為積久服明目

輕身延年

別錄

治男女虛冷添精益髓去腰疼膝冷消

渴熱中久服去面黧悅顏色

甄權

補五勞七傷治鬼交

泄精尿血潤心肺

大補肝臟風虛

好古

發明

數曰菟絲子稟中和凝正陽之氣一莖從樹感枝而成從中春上陽結實故偏補人衛氣助人

筋脈頌曰抱朴子仙方單服法取實一斗酒一斗浸曝乾再浸又曝令酒盡乃止搗篩每酒服二錢日二服此藥治腰膝去風兼能明目久服令人光澤老變為少十日外飲啖如湯沃雪也

附方

舊六新五

消渴不止

菟絲子煎汁任意飲之以止為度

事林廣記陽氣虛

損

簡便方用菟絲子熟地黃等分為末酒糊丸梧子大每服五十丸氣虛人參湯下氣逆沉香湯下

經驗方用菟絲子酒浸十日水淘杜仲焙研蜜炙一兩以薯蕷末酒煮糊丸梧子大每空心酒下五十丸

白濁遺精

扶菟丸治思慮太過心腎虛損真陽不固新有遺瀝小便白濁夢寐頻泄菟絲子五

兩白茯苓三兩石蓮肉二兩為末酒糊九梧子大每服三五十丸空心鹽湯下和劑局方小便

淋瀝

菟絲子煮汁

飲范汪方

小便赤濁

乾心腎不足精少血燥口煩熱頭暈怔忡菟絲

子麥門冬等分為末蜜丸

腰膝疼痛

或頑麻無力菟絲子洗一兩牛

膝一兩同入銀器內酒浸一寸五分暴為末將原酒煮糊九梧子大每空心酒服三二十九經驗方

肝傷目暗

菟絲子三兩酒浸三日暴乾為末雞子白和丸梧子大空心溫酒下二十九聖惠

方身面卒腫

洪大用菟絲子一升酒五升漬二三宿每飲一升日三服不消再造肘后方

婦人橫生

菟絲子末酒服二錢一加車前子等分聖惠方

眉鍊癰瘡

菟絲子炒

研油調傳之山居四要穀道赤痛

菟絲子熬黃黑為末雞子白和塗之肘后方痔如

蟲咬 上方同

苗氣味甘平無毒

玉冊云汁伏三黃硫汞結草砂

主治研汁塗面去

面黥

本經

按碎煎湯浴小兒療熱肺

引景

附方

舊二新

面瘡粉刺

菟絲子苗絞汁塗之

小兒頭瘡

菟絲

苗煮湯頻洗

目中赤痛

野狐漿草搗汁點之聖惠方

之

子母秘錄

附錄難火蘭

拾遺藏器曰味酸溫無毒主冷氣風痺開胃下食去腹脹久服明目生已中胡

國狀似菟絲

子而微長

五味子

本經上品

釋名莖薹

爾雅音知除

玄及

別錄會及

恭曰五味皮肉甘酸核中辛苦都有鹹味

此則五味具也本經但云味酸當以木為五行之先也

集解

別錄曰五味子生齊山山谷及代郡八月采實陰乾弘景曰今第一出高麗多肉而酸甜次出

青州冀州味過酸其核並似豬腎又有建平者少肉核形不相似味苦亦良此藥多膏潤烈日暴之乃可搗篩恭曰蔓生木上其葉似杏而大子作房如落葵大如蓂子出蒲州及藍田山中今河中府歲貢之保昇曰蔓生莖赤色花黃白子生青熟紫亦具五色味甘者佳頌曰今河東陝西州郡尤多杭越間亦有之春初生苗引赤蔓於高木其長六七尺葉尖圓似杏葉三四月開黃白花類蓮花狀七月成實叢生莖端如豌豆許大生青熟紅紫入藥主曝不去子今有數種大抵相近雷斅言小類皮皺泡者有白撲鹽霜一

重其味酸鹹苦辛甘皆全者為真也時珍曰五味今有南北之分南產者色紅北產者色黑入滋補藥必用北產者乃良亦可取根種之當年就

旺若二月種子次年乃旺須以架引之

修治 毀曰凡用以銅刀劈作兩片用蜜浸蒸從已至申却以漿浸一宿焙乾用時珍曰入補藥熟用

入救藥
生用

氣味酸溫無毒

好古曰味酸微苦鹹味厚氣輕陰中微陽入手太陰血分足少陰氣分時

珍曰酸鹹入肝而補腎辛苦入心而補肺甘入中宮益脾胃之才曰茯苓為之使惡萎蕤勝烏頭主

治益氣欬逆上氣勞傷羸瘦補不足強陰益男子精

本經 養五臟除熱生陰中肌

別錄 治中下氣止嘔逆補虛

勞令人體悅澤

甄權

明目暖水臟壯筋骨治風消食反

胃霍亂轉筋痙瘳奔豚冷氣消水腫心腹氣脹止渴

除煩熱解酒毒

大明

生津止渴治瀉痢補元氣不足收

耗散之氣瞳子散大

李杲

治喘欬燥嗽壯水鎮陽

好古

發明

成無己曰肺欲收收急食酸以收之以酸補之芍藥五味之酸以收逆氣而安肺杲曰收肺氣補

氣不足升也酸以收逆氣肺寒氣逆則宜此與乾薑同治之又五味子收肺氣乃火熱必用之藥故治嗽以之為君但有外邪者不可驟用恐閉其邪氣必先發散而後用之乃良有痰者以半夏為佐喘者阿膠為佐但分兩少不同耳宗奭曰今華州以西至秦多產之方紅熟時彼人采得蒸爛研濾汁熬成稀膏量

酸甘入蜜煉勻待冷收器中肺虛寒人作湯時時飲之作果可以寄遠本經言其性溫今食之多致虛熱小兒益甚藥性論謂其除熱氣日華子謂其暖水臟除煩熱後學至此多惑今既用治肺虛寒則更不取其除熱之說震亨曰五味大能收肺氣宜其有補腎之功收肺氣非除熱乎補腎非暖水臟乎乃火熱嗽必用之藥寇氏所謂食之多致虛熱者蓋收補之驟也何惑之有又黃昏嗽乃火氣浮入肺中不宜用涼藥宜五味子倍子斂而降之思邈曰五六月宜常服五味子湯以益肺金之氣在上則滋源在下則補腎其法以五味子一大合木臼搗細覓瓶中以百沸湯投之入少蜜封置火邊良久湯成任飲元素曰孫真人千金月令言五月常服五味以補五臟之氣遇夏月季夏之間困乏無力無氣以動與黃芪麥門冬少加生黃蘗煎湯服之使人精神頓加兩足筋力涌出也蓋五味子之酸輔人參能瀉丙火而補庚金收斂

耗散之氣好古曰張仲景八味丸用此補腎亦兼述
類象形也璣曰五味治喘嗽須分南北生津止渴潤
肺補腎勞嗽宜用北者風寒在肺宜用南者慎微曰
抱朴子云五味者五行之精其子有五味淮南公羨
門子服之十六年面色如玉女入水不需入火不灼

附方

新十一

久嗽肺脹

五味二兩粟殼白錫炒過半兩
為末白錫丸彈子大每服一九

水煎服

衛

久欬不止

丹溪方用五味子五錢甘草
一錢半五倍子風化消各二

錢為末乾噲

攝生方用五味子一兩真茶四錢晒

研為末以甘草五錢煎膏丸綠豆大每服三十九沸

痰嗽并喘

五味子白礬等分為末每服三
錢以生豬肺灸熟蘸末細嚼白

湯下數日
即愈也

遇一道人傳此兩服病遂不發

湯下漢陽庫兵黃六病此百藥不效於岳陽

普濟方

陽事不

起

新五味子一斤為末酒服方寸七日三服忌猪魚蒜醋盡一劑即得力百日以上可御十女四時勿

絕藥功能知

腎虛遺精

北五味子一斤洗淨水浸按去核再以水洗核取盡餘味

千金方

通置砂鍋中布濾過入好冬蜜二斤炭火慢熬成膏瓶收五日出火性每空心服一二茶匙百滾湯下

劉公石保

腎虛白濁

及兩脅并背脊穿痛五味子一兩炒亦為末醋糊丸梧子大每

醋湯下三十九

五更腎泄

凡人每至五更即溲泄一二次經年不止者名曰腎

經驗良方

泄蓋陰盛而然脾惡濕濕則濡而困困則不能治水性下流則腎水不足用五味子以強腎水養五臟

吳茱萸以除脾濕則泄自止矣五味子去梗二兩茱萸湯泡七次五錢同炒香為末每旦陳米飲服二錢

許叔微
本事方
女人陰冷

五味子四兩為末以口中玉泉和丸兔矢大頻納陰中取效近效

方 爛弦風眼

五味子蔓荆子煎湯頻洗之 談野翁種子方

赤遊風丹

漸大腫

五味子焙研熱酒服一合自消神效 保幼大全

蓬蘽

音累 本經上品

校正

自果部移入此

釋名覆盆

別錄

陵蘽

別錄

陰蘽

別錄

寒莓

會編

割田蘽

音苞時珍曰蓬

蘽與覆盆同類故別錄謂一名覆盆此種生于丘陵之間藤葉繁衍蓬蘽累累異於覆盆故曰蓬蘽陵蘽即藤也其實八月始熟俚人名割田蘽

集解

別錄曰蓬蘽生荆山平澤及宛句弘景曰蓬蘽是根名方家不用乃昌容所服以易顏者也覆

盆是實名李當之云是人所食莓子以津汁為味其核微細今藥中用覆盆小異未詳孰是恭曰覆盆蓬

藁乃一物異名本謂實非根也李云莓子者近之矣然生處不同沃地則子大而甘瘠地則子細而酸此乃子有酸味根無酸味陶以根酸子甘列入果部重出二條殊為孟浪志曰蓬藁乃覆盆之苗莖覆盆乃蓬藁之子也按切韻莓音茂其子覆盆也藁者藤也則蓬藁明是藤蔓矣陶言蓬藁是根蘇言是子一物異名皆非矣頌曰蓬藁是覆盆苗處處有之秦吳尤多苗短不過尺莖葉皆有刺花白子赤黃如半彈丸大而下有蒂承之如柿蒂小兒多食之五月采實其苗葉采無時江南謂之莓然其地所生差晚三月始有苗八九月花開十月實用則同士良曰今觀采取之家說蓬藁似蠶莓子紅色而大其味酸甘葉似野薔薇有刺覆盆子小其苗各別諸家本草不識故皆說蓬藁是覆盆子之根大明曰莓子是蓬藁子也樹莓是覆盆子也宗奭曰蓬藁非覆盆也別是一種雖枯敗而枝梗不散今人不見用此葍器曰其類有三

種惟四月熟狀如覆盆而味甘美者為是覆盆子餘不堪入藥璣曰蓬蘽微人謂之寒莓沿塹作叢蔓生莖小葉密多刺其實四五十顆作一朶一朶大如盞而霜後始紅蘇頌圖經以此註覆盆莖粗葉疎結實大而亦四五月熟何嘗差晚耶覆盆莖粗葉疎結實大而疎散不似寒莓莖細葉密結實小而成朶一則夏熟一則秋熟豈得同哉時珍曰此類凡五種予嘗親采以爾雅所列者校之始得其的諸家所說皆未可信也一種藤蔓繁衍莖有倒刺逐節生葉葉大如掌狀類小葵葉面青背白厚而有毛六七月開小白花就蒂結實三四十顆成簇生則青黃熟則紫黯微有黑毛狀如熟榧而扁冬月苗葉不凋者俗名割田蘆即本草所謂蓬蘽也一種蔓小於蓬蘽亦有鈎刺一枝五葉葉小而面背皆青光薄而無毛開白花四五月實成子亦小於蓬蘽而稀疎生則青黃熟則烏赤冬月苗凋者俗名插田蘆即本草所謂覆盆子爾雅所

謂莖缺盆也此二者俱可入藥一種蔓小於蓬蘽一枝三葉葉面青背淡白而微有毛開小白花四月實熟其色紅如櫻桃者俗名蔣田蘽即爾雅所謂蘽者也故郭璞註云蘽即莓也子似覆盆而大赤色酢甜可食此種不入藥用一種樹生者樹高四五尺葉似櫻桃葉而狹長四月開小白花結實與覆盆子一樣但色紅為異俗亦名蘽即爾雅所謂山莓陳藏器本草所謂懸鉤子者也詳見本條一種就地生蔓長數寸間黃花結實如覆盆而鮮紅不可食者本草所謂蛇莓也見本條如此辨析則蓬蘽覆盆自定矣李當之陳士良陳藏器寇宗奭汪璣五說近是而久明悉陶弘景以蓬蘽為根覆盆為子馬志蘇頌以蓬蘽為苗覆盆為子蘇恭以為一物大明以樹生者為覆盆皆臆說不可據

氣味酸平無毒

別錄曰鹹土良
曰甘酸微熱

主治安五臟益精氣

長陰令人堅強志倍力有子久服輕身不老

本經療暴

中風身熱大驚

別錄

益顏色長髮耐寒濕

恭

發明

見覆盆子下

附方

新

長髮不落

蓬蘽子榨油日塗之聖惠方

苗葉

同覆盆

覆盆子

別錄上品

校正

自果部移入此

釋名

爾雅音奎

缺盆

爾雅

西國草

圖經

畢楞伽

圖經

大麥莓

音母

插田蔗

音芭

烏蔗子

綱目當之曰子似覆盆之形故名之宗與曰益腎臟縮小便服之當

覆其溺器如此取名也時珍曰五月子熟其色烏赤故俗名烏蔗大麥苺插田蔗亦曰栽秧蔗甄權本草

一名馬瘦一名陸荆殊無義意

集解

別錄曰五月采藏器曰佛說蘇密那花點燈正言此花也此花有三種以四月熟狀如覆盆味

甘美者為是餘不堪入藥今人取苺苺當覆盆誤矣宗輿曰處處有之秦州永興華州尤多長條四五月紅熟山中人及時采賣其味酸甘外如荔枝大如櫻桃軟紅可愛失時則就枝生蛆食之多熟收時五六分熟便可采烈日曝乾今人取汁作煎為果采時著水則不堪煎時珍曰蓬蘽子以八九月熟故謂之割田蔗覆盆以四五月熟故謂之插田蔗正與別錄五月采相合二蔗熟時色皆烏赤故能補腎其四五月熟而色紅者乃藕田蔗也不入藥用陳氏所謂以苺苺當覆盆者蓋指此也

正誤

說曰覆盆江東名懸鉤子大小形狀氣味功力同北土無懸鉤南土地無覆盆是土地有前後生

非兩種物也時珍曰南土覆盆極多懸鉤是樹生覆盆是藤生子狀雖同而覆盆色烏赤懸鉤色紅赤功

亦不同

今正之

修治

說曰覆盆子五月采之烈日曝乾不爾易爛雷曰凡使用東流水淘去黃葉并皮蒂取子以酒

拌蒸一宿以東流水淘兩遍又晒乾方用時珍曰采得搗作薄餅晒乾密貯臨時以酒拌蒸尤妙

氣味甘平無毒

權曰甘辛微熱

主治益氣輕身令髮不白

別錄

補虛續絕強陰健陽悅

澤肌膚安和五臟溫中益力療癆損風虛補肝明目

竝宜擣節每旦水服三錢

志

男子腎精虛竭陰痿能

令堅長女子食之有子

權

食之令人好顏色榨汁塗

髮不白

藏器

益腎臟縮小便取汁同少蜜煎為稀膏點

服治肺氣虛寒

宗典

發明

時珍曰覆盆蓬萊功用大抵相近雖是二物其實一類而二種也一早熟一晚熟兼用無妨其

補益與桑椹同功若樹

莓則不可混采者也

附方

一新

陽事不起

覆盆子酒浸焙研為末每旦酒服三錢集簡方

葉氣味微酸鹹平無毒主治按絞取汁摘目中去膚

赤出蟲如絲線

藏器

明目止淚收濕氣

時珍

發明

項曰按崔元亮海上集驗方治目暗不見物冷淚浸淫不止及青盲天行目暗等疾取西國草

一名畢楞伽一名覆盆子日曝乾搗極細以薄綿裹之用飲男乳汁浸如人行八九里久用點目中即仰臥不過三四日視物如少年禁酒麵油物時珍曰按洪邁夷堅志云漳州趙太尉母病爛弦疳眼二十年有老嫗云此中有蟲吾當除之入山取草蔓葉咀嚼留汁入筒中遂以皂紗蒙眼滴汁漬下弦轉盼間蟲從紗上出數日下弦乾復如法滴上弦又得蟲數十而愈後以治人多驗乃覆盆子葉也蓋治眼妙品

附方

新牙疼點眼

用覆盆子嫩葉搗汁點目皆三四次有蟲隨眵淚出成塊也無新葉

乾者煎濃汁亦可即大麥毒也

摘左方臙瘡潰爛

覆盆葉為末用酸漿水洗後糝之日一次

以愈為度

直指方

根主治痘後目瞤取根洗擣澄粉日乾蜜和少許點

於瞤丁上日二三次自散百日内治之久即難療

時珍

口議活幼

懸鉤子拾遺

校正自果部移入此

釋名沿鉤子日箭爾雅山莓爾雅木莓郭璞樹莓日華藏

上有刺如懸鉤故名

集解藏器曰生江淮林澤間莖上有刺其子如莓子酸美人多食之璣曰樹莓枝梗柔軟有刺頗類

金櫻四五月結實如覆盆子采之擎蒂而中實味酸
覆盆則蒂脫而中虛味甘為異時珍曰懸鉤樹生高
四五尺其莖白色有倒刺其葉有細齒青色無毛背
後淡青頗似櫻桃葉而狹長又似地棠花葉四月開
小白花結實色紅今人亦通呼為蘼子爾雅云蘼山
莓也郭璞注云今之木莓也實似蘼莓而大可食孟
詵大明並以此
為覆盆誤矣

氣味酸平無毒主治醒酒止渴除痰去酒毒

藏器

搗汁

服解射工沙虱毒

時珍

葉主治燒研水服主喉中塞

藏器

根皮氣味苦平無毒主治子死腹中不下破血婦人

赤帶下久患赤白痢膿血腹痛殺蟲毒卒下血並濃

煮汁飲之

藏

附方新血崩不止

木苒根四兩酒一盞煎七分
空心溫服 羅仙乾坤生意

崩中

痢下

治婦人崩中及下痢日夜數十起欲死者以此
入腹即活懸鉤根薔薇根柿根菰蔞各一斛剉

入釜中水淹上四五寸煮減三之一去滓取汁煎至
可丸凡梧子大每溫酒服十九日三服 千金翼

蛇苒

別錄
下品

釋名蛇薦

音地苒

會編蠶苒

璣曰近地而生故曰地苒
瑞曰蠶老時熱紅于地其

中空者為蠶苒中實極紅者為
蛇殘苒人不取之恐有蛇殘也

集解

弘景曰蛇莓園野多有之子赤色極似莓子而

不堪啖亦無以此為藥者保昇曰所在有之生下濕地莖頭三葉花黃子赤儼若覆盆子根似敗醬四月五月采子二月八月采根宗奭曰田野道旁處處有之附地生葉如覆盆子但光潔而小微有皺紋花黃比蒺藜花差大春末夏初結紅子如荔枝色瑣曰蛇莓莖長不盈尺莖端惟結實一顆小而光潔誤食服人非若覆盆苗長大而結實數顆微有黑毛也時珍曰此物就地引細蔓節節生根每枝三葉葉有齒刻四五月開小黃花五出結實鮮紅狀似覆盆而面與蒂則不同也其根甚細本草用汁當是取其莖葉并根也仇遠群史訛作蛇繆草言有五葉七葉者又言俗傳食之能殺人亦不然止發冷涎耳

汁氣味甘酸大寒有毒主治胸腹大熱不止

別錄傷寒

大熱及溪毒射工毒甚良

弘景

通月經協瘡腫傳蛇傷

明大主孩子口噤以汁灌之

孟詵

傳湯火傷痛即止

時珍

附方

舊二新

口中生瘡

天行熱甚者蛇毒自然汁半升稍稍嚥之

傷寒類要

傷

寒下蠱

生瘡以蛇毒汁服二合日三服仍水漬烏梅令濃入崖蜜飲之

肘后方

水中毒

病

蛇毒根搗末服之并導下部亦可飲汁一二升夏月欲入水先以少末投中流更無所畏又辟射工

家中以器貯水浴身亦宜投少許

肘后

使君子

宋開寶

釋名留求子

志曰俗傳潘州郭使君療小兒多是獨用此物後醫家因號為使君子也時珍

曰按嵇含南方草木狀謂之留求子療
嬰孺之疾則自魏晉已用但名異耳

集解

志曰生交廣等州形如卮子稜瓣深而兩頭尖
似訶梨勒而輕頌曰今嶺南州郡皆有之生山

野中及水岸其莖作藤如手指大其葉如兩指頭長
二寸三月生花淡紅色久乃深紅有五瓣七八月結
子如拇指大長一寸許大類卮子而有五稜其殼青
黑色內有仁白色七月采之宗奭曰其仁味如椰子
醫家亦兼用殼時珍曰原出海南交趾今閩之紹武
蜀之眉州皆栽種之亦易生其藤如葛繞樹而上葉
青如五加葉五月開花一簇一二十葩紅色輕盈如
海棠其實長寸許五瓣合成有稜先時半黃老則紫
黑其中仁長如樞仁色味
如栗久則油黑不可用

氣味甘溫無毒主治小兒五疳小便白濁殺蟲療瀉

痢

寶開

健脾胃除虛熱治小兒百病瘡癰

時珍

發明

時珍曰凡殺蟲藥多是苦辛惟使君子樞子甘而殺蟲亦異也凡大人小兒有蟲病但每月上

旬侵晨空腹食使君子仁數枚或以殼煎湯嚥下次日蟲皆死而出也或云七生七煨食亦良忌飲熱茶犯之即瀉此物味甘氣溫既能殺蟲兼益脾胃所以能敵虛熱而止瀉痢為小兒諸病要藥俗醫乃謂殺蟲至盡無以消食鄙俚之言也木有窠屋有蟻國有盜福耶禍耶修養者先去三蟲可類推矣

附方

新六

小兒脾疳

使君子盧會等分為末米飲每服一錢

儒門事親小兒痞

塊

腹大肌瘦面黃漸成疳疾使君子仁三錢木鼈子仁五錢為末水九龍眼大每以一丸用雞子一箇

破頂入藥在內飯上蒸熟空心食之

楊起簡便單方小兒蛔痛

口流涎未使君子仁為末

米飲五更調服一

錢全効心鑑

小兒虛腫

頭面陰囊俱浮用使君子一兩去殼蜜五錢炙

並為末每食後米湯

服一錢簡便方

頭瘡面瘡

使君子仁以香油少許浸三五個臨臥時

細嚼香油送下久

蟲牙疼痛

使君子煎湯頻漱

集簡方

木鼈子

宋開寶

校正

自木部移入此

釋名木蟹

志曰其核似蟹蟹狀故以為名

集解

志曰出朗州及南中七八月采實頌曰今湖廣諸州及杭越全岳州皆有之春生苗作藤生葉

有五極狀如山藥青色面光四月生黃花六月結實似枯樓而極大生青熟紅黃色肉上有紋刺每一實有核三四十枚其狀扁而如鼈八九月采之嶺南人取嫩實及苗葉作茹蒸食宗與曰木鼈子蔓莢一枯

但根不死春旋生苗葉如蒲萄其子一頭尖者為雄
凡植時須雌雄相合麻纒定及其生也則去雄者方
結實時珍曰木鼈核形扁礪砢大如
圓碁子其仁青綠色入藥去油者

仁氣味甘溫無毒

時珍曰苦微甘有小毒

主治折傷消結腫惡

瘡生肌止腰痛除粉刺黥婦人乳癰肛門腫痛

關寶

醋磨消腫毒

大明

治疔積痞塊利大腸瀉痢痔瘤瘰癧

時珍

發明

璣曰按劉續霏雪錄云木鼈子有毒不可食昔
薊門有人生二子恣食成痞其父得一方以木

鼈子煮豬肉食之其幼子當夜長子明日死友人馬
文誠方書亦載此方因著此為戒時珍曰南人取其

苗及嫩實食之無恙則其毒未應至此或者與豬肉不相得或犯他物而然不可盡咎木鼈也

附方

舊一新

酒疸脾黃

木鼈子

磨醋服一二盞見利效劉長春濟急方

脚

氣腫痛

木鼈子仁每個作兩邊麩炒過切碎再炒去油盡為度每兩入厚桂半兩為末熱酒服二

錢令醉得汗愈夢秘

濕瘡脚腫

兩去皮甘遂半兩為

校方也

永類方

未以猪腰子一箇去膜切片用藥四錢在中濕紙包

煨熟空心米飲送下服後便中兩脚如大便行者只喫白粥二三日為妙

楊琪醫方摘要

陰疝偏墜

磨醋調黃藥芙蓉末

傳之即愈

久瘡有母

木鼈子穿山甲炮等分為末

壽域神方

每服三錢空心溫酒下

方摘

腹中痞塊

木鼈子仁五兩用豬腰子二副批開入在內容定煨熟同搗爛入黃連

要

三錢末蜜餅和丸綠豆大每小兒疳疾木鼈子仁使
白湯下三十丸醫方集成

為泥米飲九芥子大每服五分米疳病目矇不見物
飲下一二日服孫天仁集效方用木鼈

子仁二錢胡黃連一錢為末米糊丸龍眼大倒睫拳
入雞子內蒸熟連雞子食之為妙同上

毛因風入脾經致使風庠不住手擦日久赤爛拳毛
入內將木鼈子仁槌爛以絲帛包作條左患塞右

鼻右患塞左鼻其毛自分上下次肺虛久嗽木鼈子
服蟬蛻藥為妙孫天仁集效方欬冬花

各一兩為末每用三錢焚之吸烟良久吐涎以茶潤
喉如此五六次後服補肺藥一方用木鼈子一箇雄

黃一錢聖濟錄小兒鹹鱗大木鼈子三四箇磨水飲以雪
糕壓下即吐出痰重者三服效

水瀉不止木鼈仁五箇母丁香五箇麝香一分
研末米湯調作膏納臍中貼之外以

膏藥護住

吳

痢疾禁口

木鼈仁六箇研泥分作二
分用麵燒餅一箇切作兩

是扶壽精方

半只用半餅作一竅納藥在內乘熱覆在病人臍上
一時再換半箇熱餅其痢即止遂思飲食邵真人

經驗方

腸風瀉血

木鼈子以桑柴燒存性候冷為末每
服一錢煨葱白酒空心服之名烏金

散方

普 肛門痔痛

孫用秘寶方用木鼈仁三枚砂盆
搗如泥入百沸湯一盞乘熱先煎

後洗日用三次仍塗少許

瀕湖集簡方用木鼈仁

帶潤者雌雄各五箇乳細作七九盞覆濕處勿令乾

每以一丸唾化開貼痔上其痛即止一夜一丸自消

也江夏鐵佛寺蔡和尚病此痛不可忍有人傳此而

愈用治數

療癰經年木鼈仁二箇去油研以雞子白

人皆有效

之每日一

小兒丹瘤木鼈子仁研如泥醋調傅之

服半月效

耳

外科精義

卒熱腫

木鼈子仁一兩赤小豆大黃各半兩為末每以少許生油調塗之

聖惠方

風牙

腫痛

木鼈子仁磨醋搽之
普濟方

番木鼈

綱目

釋名馬錢子

綱目

苦實把豆

綱目

火失刻把都

時珍曰狀似馬之蹏

錢故名
馬錢

集解

時珍曰番木鼈生回回國今西土印州諸處皆有之蔓生夏開黃花七八月結實如枯樓生青

熟赤亦如木鼈其核小於木鼈而色白彼人言治一百二十種病每證各有湯引或云以豆腐制過用之

良或云能毒狗至死

欽定四庫全書

本草綱目

十六

仁氣味苦寒無毒主治傷寒熱病咽喉痺痛消痞塊

竝含之嚥汁或磨水噙嚥

時珍

附方

新

喉痺作痛

番木鱉青木香山豆根等分為末吹之

楊拱賢方摘要

纏喉

風腫

番木鱉仁一箇木香三分同磨水調能膽五分以雞毛掃患處取效

唐珪經驗方

癰瘡入目

苦實把豆兒即馬錢子半箇輕粉水花銀珠各五分片腦麝香枯礬少許為末左目

吹右耳右目吹左耳日

病欲去胎

苦實把豆兒研膏納入北戶三四寸

簡方

集

馬兜鈴

宋開寶

校正

併入唐本草獨行根

釋名都淋藤

唐本

獨行根

唐本

土青木香

唐本

雲南根

綱目

三

百兩銀藥

宗奭曰蔓生附木而上葉脫時其實尚垂狀如馬項之鈴故得名也時珍曰其根吐

利人微有香氣故有獨行木香之名嶺南人用治蠱
隱其名為三百兩銀藥肘后方作都淋蓋誤傳也

集解

志曰獨行根生古堤城旁所在平澤叢林中皆
有之山南名為土青木香一名兜鈴根蔓生葉

似蘿摩而圓且澀花青白色其子大如桃李而長十
月以後枯則頭開四系若囊其中實薄扁似榆莢其
根扁而長尺許作葛根氣亦似漢防己二月八月采
根頌曰馬兜鈴今關中河東河北江淮蔓浙州郡皆
有之春生苗作蔓繞樹而生葉如山蘼葉而厚大背
白六月開黃紫花頗類枸杞花七月結實如大棗狀
似鈴作四五瓣其根名雲南根微似木
香大如小指赤黃色七八月采實暴乾

實修治

穀曰凡采得實去葉及蔓以生絹袋盛於東屋角畔待乾劈開去革膜取淨子焙用

氣味苦寒無毒

權曰平時珍曰微苦辛果曰味厚氣薄陰中微陽入手太陰經

主治

肺熱欬嗽痰結喘促血痔瘻瘡

實

肺氣上急坐息不

得欬逆連連不止

甄權

清肺氣補肺去肺中濕熱

元

發明

時珍曰馬兜鈴體輕而虛熱則懸而四開有肺之象故能入肺氣寒味苦微辛寒能清肺熱苦

辛能降肺氣錢乙補肺阿膠散用之非取其補肺乃取其清熱降氣也邪去則肺安矣其中所用阿膠糯

米則正補肺之藥也湯劑中用多亦作吐故崔氏方用以吐蟲其不能補肺又可推矣

附方

舊三新二

水腫腹大

喘急馬兜鈴

前湯

肺氣喘急

馬兜鈴

鈴二兩去殼及膜酥半兩入鹽內拌勻慢火炒乾甘草灸一兩為末每服一錢水一盞煎六分溫呷或噙之簡一切心痛不拘大小男女大馬兜鈴一箇燈

要濟眾方解蛇蠱毒飲食中得之咽中如有物噉不下吐不出心下熱悶兜鈴一兩煎水服即吐出

崔行功纂要方痔瘻腫痛以馬兜鈴於瓶中燒烟熏病處良日華本草

獨行根氣味辛苦冷有毒大明曰無毒志曰有毒主不可多服吐利不止

治鬼疰積聚諸毒熱腫蛇毒水磨為泥封之日三四

次立瘥水煮一二兩取汁服吐蠱毒又搗末水調塗

丁腫大效唐本治血氣大利大腸治頭風瘙痒禿瘡時珍

精義 出

附方

舊一
新四

五種蠱毒

肘后方云席辨刺史言嶺南俚人多於食中毒人漸不能食胸

背漸脹先寒似瘴用都淋藤十兩水一斗酒二升煮三升分三服毒逐小便出十日慎食毒物不瘥更服

土人呼為三百兩銀藥又支太醫云兜鈴根一兩

為末水煎頓服當吐盡出未盡再服或為末水調服

亦驗 中草蠱毒

此術在西良之西及嶺南人中此毒入咽欲死者用兜鈴苗一兩為末溫水調

服一錢即消化蠱

腸風漏血

馬兜鈴藤穀精草荆三稜川烏頭炒過三味各

等分煎水先煎後

丁腫復發

馬兜鈴根搗爛用蜘蛛網裹傳少時根出肘

洗之 普濟方

后惡蛇所傷

青木香半兩煎湯飲之 袖珍方

榼藤子

宋開寶

校正

自木部移入此

釋名象豆

開寶

榼子

日華

合子

拾遺時珍曰其子象榼形故名之

集解

藏器曰按廣州記云榼藤子生廣南山林間作藤著樹如通草藤其實三年方熟角如弓袋子

若雞卵其外紫黑色其殼用貯丹藥經年不壞取其中仁入藥灸用時珍曰子紫黑色微光大一二寸圓而編人多剔去肉作藥瓢垂于腰間也

仁氣味瀋甘平無毒主治五痔蠱毒飛尸喉痺以仁

為粉微熬水服一二匕亦和大豆澡面去黥黯

藏器

治

小兒脫肛血痢瀉血竝燒灰服或以一枚割瓢熬研

空腹熱酒服二錢不過三服必效

開實

解諸藥毒

時珍

木

附方

舊三新一

喉痺腫痛

楸藤子燒研酒服一錢

聖惠方

五痔下血

楸藤

子燒存性米飲服二錢有功效寇氏衍義

腸風下血

華陀中藏經用楸藤子二箇不蛀皂莢子

四十九箇燒存性為末酒一盞起口服極效

聖惠方用楸藤子三枚厚重

者濕紙七重包煨熟去殼取肉為末每服一錢食前黃芪湯下日一服

附錄合子草

拾遺藏器曰子及葉有小毒主蠱毒及蛇咬搗傳瘡上蔓生岸旁葉尖花白子

中有兩片

如合子

預知子

宋閻實

釋名聖知子

日華

聖先子

日華

盍合子

日華

仙沼子

日華

相傳

取子二枚綴衣領上遇有蟲毒則聞其有聲當預知之故有諸名時珍曰仙沼疑是仙囊之訛

集解

志曰預知子有皮殼其實如皂莢子頌曰舊不著所出州土今淮蜀黔壁諸州皆有之作蔓生

依大木上葉綠有三角面深背淺七月八月有實作房生青熟深紅色每房有子五七枚如皂莢子班褐色光潤如飛蛾今蜀人極貴重之云亦難得采無時其根冬月采之陰乾治蟲其功勝于子也山民目為聖無憂

子仁氣味苦寒無毒

大明曰溫雙仁者可帶

主治殺蟲療瘰癧治

諸毒去皮研服有效

開寶

治一切風補五勞七傷其功

不可備述治瘰癧氣塊消宿食止煩悶利小便催生

中惡失音髮落天行溫疾塗一切蛇蟲蠱咬治一切

病每日吞二七粒不過三十粒永瘥

大明

附方新預知子丸

治心氣不足精神恍惚語言錯忘

忘少睡

夜多異夢寤即驚魘或發狂眩暴不知人並

宜服此預知子去皮白茯苓枸杞子石菖蒲伏神栢

子仁人參地骨皮遠志山藥黃精蒸熟朱砂水飛等

分為末煉蜜丸芡子大每嚼一丸人參湯下和劑

局耳卒聾閉

八九月取石榴開一孔留蓋入米醋滿中蓋定麴裏煑火中煨熟取出入少仙

沼子黑李子未取水滴耳中腦痛勿驚如此二夜又點一耳 聖惠方 癰風有蟲 眉落聲變

預知子膏用預知子雄黃各二兩為末以乳香三兩同水一斗銀鍋煮至五升入二末熬成膏瓶盛之每服一匙溫酒調下有蟲如尾隨大便而出 聖惠方

根氣味苦冷無毒主治解蠱毒石臼搗篩每用三錢

溫水服立已

蘇頌

牽牛子

別錄下品

釋名黑丑

綱目

草金鈴

炮炙論

盆甌草

綱目

狗耳草

救荒弘景曰此

藥始出田野人牽牛謝藥故以名之時珍曰近人隱其名為黑丑白者為白丑蓋以丑屬牛也金鈴象子

形盆甌狗耳象葉形段成式酉陽雜俎云盆甌草蔓如薯蕷結實後斷之狀如盆甌是矣

集解

弘景曰牽牛作藤生花狀如藟豆黃色子作小房實黑色形如棗子核恭曰此花似旋花作碧

色不黃亦不似藟豆頃曰處處有之二月種子三月生苗作藤蔓繞蘿牆高者或二三丈其葉青有三尖角七月生花微紅帶碧色似鼓子花而大八月結實外有白皮裏作毬每毬內有子四五枚大如蕎麥有三稜有黑白二種九月後收之宗奭曰花朵如鼓子花但碧色日出開日西萎其核如木猴梨子而色黑謂子似蕎麥非也時珍曰牽牛有黑白二種黑者處處野生尤多其蔓有白毛斷之有白汁葉有三尖如楓葉花不作瓣如旋花而大其實有蒂裹之生青枯白其核與棠楸子核一樣但色淺黑爾白者人多種之其蔓微紅無毛有柔刺斷之有濃汁葉圓有斜尖歧如山藥莖葉其花小于黑牽牛花淺碧帶紅色其

實蒂長寸許生青枯白其核白色稍粗人亦采
嫩實蜜煎為果食呼為天茄因其蒂似茄也

子修治

數曰凡采得子曬乾水淘去浮者再晒拌酒
蒸從已至未曬乾收之臨用春去黑皮時珍

曰今多只碾取頭末去皮麩
不用亦有半生半熟用者

氣味苦寒有毒

權曰甘有小毒說曰多食稍冷呆曰
辛熱雄烈泄人元氣大明曰味蒼得

青木香
乾薑良

主治下氣療脚滿水腫除風毒利小便治

痲痺氣塊利大小便除虛腫落胎
甄權取腰痛下冷膿

瀉蠱毒藥并一切氣壅滯
大明和山茱萸服去水病
孟詵

除氣分濕熱三焦壅結
李杲逐痰消飲通大腸氣祕風

秘殺蟲達命門

時珍

發明

宗與曰牽牛丸服治大腸風秘壅結不可久服亦行脾胃氣故也好古曰牽牛以氣藥引則入

氣以大黃引則入血利大腸下水積色白者瀉氣分濕熱上攻喘滿破血中之氣震亨曰牽牛屬火善走黑者屬水白者屬金若非病形與證俱實不脹滿不大便秘者不可輕用驅逐致虛先哲深戒呆曰牽牛非神農藥也名醫續注云味苦寒能除濕氣利小便治下注腳氣此說氣味主治俱誤矣何也凡用牽牛少則動大便多則泄下水乃瀉氣之藥其味辛辣久嚼猛烈雄壯所謂苦寒安在哉夫濕者水之別稱有形者也若肺先受濕濕氣不得施化致大小便不通則宜用之蓋牽牛賦南方熱火之化所生火能平金而泄肺濕去則氣得周流所謂五臟有邪更相平也今不問有濕無濕但傷食或有熱證俱用牽牛尅

化之藥豈不誤哉况牽牛止能泄氣中之濕熱不能
除血中之濕熱濕從下受之下焦主血血中之濕宜
苦寒之味反以辛藥泄之傷人元氣且牽牛辛烈比
之諸辛藥泄氣尤甚其傷人必矣經云辛泄氣辛走
氣辛泄肺氣病者無多食辛况飲食失節勞役所傷
是胃氣不行必大乘之腸胃受火邪名曰熱中脾胃
主血當血中泄火以黃芩之苦寒泄火當歸身之辛
溫和血主地黃之苦寒涼血益血少如紅花之辛溫
以泄血絡桃仁之辛溫除燥潤腸仍不可專用須于
補中益氣泄陰火之藥內加而用之何則上焦元氣
已自虛弱若反用牽牛大辛熱氣味俱陽之藥以泄
水泄元氣利其小便竭其津液是謂重虛重則必死
輕則天人故張文懿云牽牛不可耽嗜脫人元氣見
人有酒食病痞者多服牽牛丸散取快一時藥過仍
痞隨服隨效後復痞以致久服脫人元氣猶不知
悔也張仲景治七種濕熱小便不利無一藥犯牽牛

者仲景豈不知牽牛能泄瀉利小便乎為濕病之根在下焦是血分中氣病不可用辛辣之藥泄上焦太陰之藥是血病瀉氣使氣血俱損也經云毋盛盛母虛虛母絕人長命此之謂也用者戒之白牽牛亦同時珍曰牽牛自宋以後北人常用取快及劉守真張子和出又倡為通用下藥李明之目擊其事故著此說極力闢之然東漢時此藥未入本草故仲景不知假使知之必有用法不應捐棄况仲景未用之藥亦多矣執此而論蓋矯枉過中矣牽牛治水氣在脾喘滿腫脹下焦鬱遏腰背脹重及大腸風祕氣祕卓有殊功但病在血分及脾胃虛弱而痞滿者則不可取快一時及常服暗傷元氣也一宗室大人年幾六十平生苦腸結病旬日一行甚於生產服養血潤燥藥則泥膈不快服消黃通利藥則若罔知如此三十餘年矣時珍珍其人體肥膏粱而多憂鬱日吐酸痰盜汗乃寬又多火病此乃三焦之氣壅滯有升無降津

液皆化為痰飲不能下滋腸腑非血燥比也潤劑留
滯消黃芩入血分不能通氣俱為痰阻故無效也乃
用牽牛末皂莢膏丸與服即便通利自是但覺腸結
一服就順亦不妨食且復精爽蓋牽牛能走氣分通
三焦氣順則痰逐飲消上下通快矣外甥柳喬素多
酒色病下極脹痛二便不通不能坐臥立哭呻吟者
七晝夜醫用通利藥不效遣人叩予予思此乃濕熱
之邪在精道壅脹隧路病在二陰之間故前阻小便
後阻大便秘病不在大腸膀胱也乃用棟實茴香穿山
甲諸藥入牽牛加倍水煎服一服而減三服而平牽
牛能達右腎命門走精隧人所不知惟東垣李明之
知之故明之治下焦陽虛天真丹用牽牛以鹽水炒
黑入佐沉香杜仲破故紙官桂諸藥深得補瀉兼施
之妙方見醫學發明又東垣治脾濕太過通身浮腫
喘不得臥腹如鼓海金沙散亦以牽牛為君
則東垣未盡棄牽牛不用但貴施之得道耳

附方

舊八新三十

搜風通滯

風氣所攻臟腑積滯用牽牛子以童尿浸一宿長流水上

洗半日生絹袋盛掛風處令乾每日鹽湯下三十粒極能搜風亦消虛腫久服令人體清瘦斗門方

三焦壅塞

胸膈不快頭昏目眩涕唾痰涎精神不爽利膈丸用索牛子四兩半生半炒不蛀皂

英酥炙二兩為末生薑自然汁煮糊丸梧子一切積大每服二十九丸荊芥湯下王家博濟方

氣宿食不消黑牽牛頭為末四兩用蘿蔔剉空安末蓋定紙封蒸熟取出入白芫莖末一錢搗丸梧子

大每服一二十丸白湯下名順氣丸普濟方男婦五積五般積氣成聚用黑牽牛一斤生搗

末八兩餘滓以新瓦炒香再搗取四兩煉蜜丸梧子大至重者三十五丸陳橘皮生薑煎湯臥時服半夜

未動再服三十九當下積聚之物尋胸膈食積牽牛常行氣每服十九甚妙博濟方

兩巴豆霜三箇研末水丸梧子大每服二三十丸食後隨所傷湯下儒門書親氣築奔衝不可

悉牛郎凡用黑牽牛半兩炒檳榔二錢半為末每服一錢紫蘇湯下普濟方追蟲取積同

上用酒下腎氣作痛黑曰牽牛等分炒為末每服三亦消水腫錢用緒腰子切縫入茴香百粒

川椒五十粒抄牽牛末入內扎定紙包煨熟空傷寒心食之酒下取出惡物效楊仁齋直指方

結胸心腹硬痛用牽牛頭末一錢白大便不通簡要方用糖化湯調下鄭氏家傳方

牽牛子半生半熟為末每服二錢薑湯下未通再以茶服一方加大黃等分一方加生檳榔等分

大腸風秘結滿牽牛子微炒搗頭末一兩桃仁去皮炙麩炒半兩為末熟蜜丸梧子大每湯服

三十九寇氏行義水蠱脹滿白牽牛黑牽牛各取頭末二錢大麥麵四兩和作燒餅臥時烙

熱食之以茶下降氣

諸水飲病

張子和云病水之人如長川泛溢非盪杓

可取必以神禹治水之法治之故名禹功散用黑牽

牛頭末四兩茴香一兩炒為末每服一二錢以生薑

自然汁調下當轉下

陰水陽水

黑牽牛頭末三兩大黃末三兩陳米飯鍋

糕一兩為末糊丸梧子大每服五十

丸薑湯下欲利服百丸

水腫尿瀼

末每

服方寸匕以小使

濕氣中滿

足脛微腫小利不利氣

利為度千金方

濕氣中滿

急欬喘黑牽牛末一兩

厚朴制半兩為末每服二錢薑湯下或

水氣浮腫

氣

臨時水丸每服馬下三十九

普濟方

水氣浮腫

坐臥不得用牽牛子二兩微炒搗末以烏牛尿浸一

宿平旦入蔥白一握煎十餘沸空心分二服水從小

便中出

脾濕腫滿

方見海

風毒脚氣

捻之沒指者牽

聖惠方

脾濕腫滿

風毒脚氣

牛子搗末蜜丸

小豆大每服五丸生薑湯下取小便利乃止
亦可吞之其子黑色正如棗小核肘后方小兒腫

病

大小便不利黑牽牛白牽牛各二兩炒取頭末并
華水和丸綠豆大每服二十九蘿蔔子煎湯下

聖濟總錄

小兒腹脹

水氣流腫膀胱實熱小便赤瀝牽牛
生研一錢青皮湯空心下一如木香

減半丸服

鄭氏小兒方

疳氣浮腫

常服自消黑牽牛白牽牛各
半生半炒取末陳皮青皮等

分為末糊丸綠豆大每服三歲兒

服二十九米湯下

鄭氏小兒方

疳氣耳聾

疳氣攻
腎耳聾

陰腫牽牛末一錢豬腰子半箇去膜薄切摻

入內加少鹽濕紙包煨空心食

鄭氏方
小兒雀

目

牽牛子末每以一錢用羊肝一片同麵
作角子二箇炙熟食米飲下

普濟方
風熱赤眼

白牽牛末以蔥白煮研丸綠豆大每服五
九蔥湯下服訖睡半時

衛生家寶方
面上風刺

黑牽牛酒浸三宿為末先以薑汁擦面後用藥塗之 摘玄方 面上粉刺 瘰子如米

末對入面脂藥中日 聖惠方 面上雀斑 黑牽牛末雞子清調日洗之 聖惠方 夜傳旦洗 摘玄方

馬脾風病 小兒急驚肺脹喘滿胸高氣急脊縮鼻張

急治死在旦夕白牽牛半生半炒黑牽牛半生半炒大黃煨槓榔各取末一錢每用五分蜜湯調下痰盛

加輕粉一字名牛黃 小兒夜啼 黑牽牛末一錢水調奪命散 全幼心鑑 傳臍上即止 生生

編 臨月滑胎 牽牛子一兩赤土少許研末覺胎轉痛時白榆皮煎湯下一錢 王衮傳濟方

小便血淋 牽牛子二兩半生半炒為末每服二錢湯下良久熱茶服之 經驗良方 腸

風瀉血 牽牛五兩牙皂三兩水浸三日去皂以酒一升煮乾焙研末蜜丸梧子大每服七丸空心

酒下日三服下出黃物不妨病減
後日服五九米飲下
本方
痔漏有蟲
黑白牽牛各一

兩炒為末以豬肉四兩切碎炒熟
飯三匙壓之取下白蟲為效
又方白牽牛頭末四

兩沒藥一錢為細末欲服藥時先日勿夜飲次早空
心將豬肉四兩炙切片蘸末細嚼食取下膿血為

效量人加減用忌酒色
油膩三日
儒門事親
漏瘡水溢
乃腎虛也牽牛末

腎中竹葉包定煨熟空心食溫酒送下
借腎入腎一
縱一橫兩得其便
蒸水既泄不復淋瀝
直指方

一切癰疽
各一合布包搥碎以好醋一盞熬至八分

露一夜次日五更溫服
以大便出膿
濕熱頭痛
黑牽牛七

粒砂仁一粒研末并華水調汁仰
灌鼻中待涎出即愈
聖濟錄
氣滯腰痛
牽牛不

以新瓦燒赤安于上自然一半生一半熟不得撥動
取末一兩八硫黃末二錢半同研勻分作三分每分
用白麵三匙水和捍開切作碁子五更初以水一盞
煮熟連湯溫下痛即已未住隔日再作予常有此疾
每發一服痛即止

許學士本事方

旋花

本經上品

釋名旋當

蘇恭

筋根

本經

續筋根

綱目

鼓子花

綱目

純腸草

本經

美草

別錄

天劍草

綱目

纏枝牡丹

恭曰

旋花

即平澤旋當

也其根似筋故一名筋

筋

根炳曰旋當當作當旋音福鋤用根入藥別有旋覆
音璇伏用花入藥今云旋當誤矣頌曰別錄言其根
主續筋故南人呼為續筋根一名純腸草象形也宗
輿曰世俗謂之鼓子花言其花形肖也時珍曰其花

不作瓣狀如軍中所吹鼓子故有旋花鼓子之名
一種千葉者色似粉紅牡丹俗呼為纏枝牡丹

集解

別錄曰旋花生豫州平澤五月采陰乾保昇曰此旋菑花也所在川澤皆有蔓生葉似薯蕷而

狹長花紅色根無毛節蒸煮堪啖味甘美名筋根二月八月根日乾宗輿曰今河北汴西關陝田野中甚多最難鋤艾治之又生四五月開花其根寸截置土灌溉涉旬苗生韓保昇說是矣時珍曰旋花田野墜塹皆生逐節蔓延葉如波菜葉而小至秋開花如白牽牛之花粉紅色亦有千葉者其根白色大如筋不結子 頌曰黔南施州出一種旋花粗莖大葉無花不作蔓恐別是一種也

正誤

別錄曰花一名金沸弘景曰旋花東人呼為山薑南人呼為美草根似杜若亦似高良薑腹中

冷痛煮服甚效作丸散服辟穀止飢近有人從江南還用此術與人斷殺皆得半百日不飢不瘦但志淺

皆深不能久服爾其葉似薑花赤色味辛狀如豈薹
此旋花即其花也今山東甚多又註旋覆花曰別有
旋薑根出河南來北國亦有形似芎藭惟合旋薑膏
用之餘無所入恭曰旋花乃旋薑花也陶說乃山
薑爾山薑味辛都非此類又因旋覆花名金沸遂作
此花別名皆誤矣又云從北國來者根似芎藭與高
良薑全無彷彿亦誤也

氣味花甘根辛溫無毒

時珍曰花根莖葉並甘滑微苦能制雄黃

主治面

肝黑色媚好益氣根主腹中寒熱邪氣

本經

利小便久

服不飢輕身續筋骨合金瘡

別錄

搗汁服主丹毒熱

藏器

補勞損益精氣

時珍

發明

時珍曰凡藤蔓之屬象人之筋所以多治筋病
旋花根細如筋可啖故別錄言其久服不飢時

珍自京師還見北土車夫每載之云暮歸煎
湯飲可補損傷則益氣續筋之說尤可徵矣

附方

舊一
新一

被斫斷筋

旋菴根搗汁漚瘡中仍以滓傅
之日三易半月即斷筋便續此

方出蘇景中療奴有效
者王肅外臺秘要

秘精益髓

太乙金鎖丹用五
色龍骨五兩覆盆

子五兩蓮花蕊四兩未開者陰乾鼓子花三兩五月
五日采之雞頭子仁一百顆並為末以金櫻子二百
枚去毛木臼搗爛水七升煎濃汁一升去渣和藥杵
二千下九梧子大每空心溫鹽酒下三十九服之至
百日水不泄如要泄以冷水調車前末
半合服之忌葵菜 薩謙齋瑞竹堂方

紫葢

本經
中品

校正

自木部
移入此

本草綱目

釋名凌霄

蘇恭

陵茗

本經

陵時

郭璞

女歲

甄權

菱華

本經

武威

吳普

瞿陵

吳普

鬼目

吳氏

時珍曰

俗謂赤艷

曰紫歲歲此花

赤艷故名附木而上高數丈故曰凌霄

正誤

孔景曰

是瞿麥根方用至少博物志云郝晦行

之不應乃在太行山北得紫歲華必當奇異今瞿麥處處有

既平生處亦不相關爾雅云茗一名陵茗郭璞注云

一名陵時又名凌霄此為真也頌曰孔穎達詩疏亦

云茗一名陵時今本草無陵時之名惟鼠尾草有之

豈所傳不同抑陶蘇之誤耶時珍曰按吳氏本草紫

歲一名瞿陵陶弘景誤作瞿麥字爾鼠尾止名陵翅

無陵時蘇頌亦

誤矣並正之

集解

別錄曰

紫歲生西海川谷及山陽恭曰此凌霄

花也連莖葉用時云有茗之華云其黃矣爾雅

云陵若黃華葉白華茱山中亦有白花者頌曰今處
處皆有多生山中人家園圃亦或栽之初作蔓生依
大木久延至巔其花黃赤夏中乃盛今醫家多采花
乾之入女科藥用時珍曰凌霄野生蔓纔數尺得木
而上即高數丈年久者藤大如杯春初生枝一枝數
葉尖長有齒深青色自夏至秋開花一枝十餘朵大
如牽牛花而頭開五瓣赭黃色有細點秋深更赤八
月結莢如豆莢長三寸許其子輕薄如榆仁馬兜鈴
仁其根長亦如兜鈴
根狀秋後采之陰乾

花
氣味酸微寒無毒

普曰神農雷公岐伯辛扁鵲
苦鹹黃帝甘無毒權曰畏鹵

鹹時珍曰花不可近鼻開傷
腦花上露八月令人昏朦

主治婦人產乳餘疾崩

中癥瘕血閉寒熱羸瘦養胎
本經
產後奔血不定淋瀝

主熱風風癰大小便不利腸中結實甄權酒蘊熱毒風

刺婦人血膈遊風崩中帶下大明

莖葉氣味苦平無毒主治痿躄益氣別錄熱風身痒遊

風風癰瘡血帶下花及根功同大明治喉痺熱痛涼血

生肌時珍

發明時珍曰凌霄花及根甘酸而寒莖葉帶苦手足

崩漏諸疾及血熱生風之證也

附方舊二新婦人血崩凌霄花為末每酒服二錢後服四物湯丹溪纂要

後下血

凌霄花浸酒頻飲之 普濟方

消渴飲水

凌霄花一兩搗碎水一盞半煎一盞

分二服

嬰兒不乳

百日內小兒無故口青不飲乳用凌霄花大藍葉芒消大黃等

聖濟錄

分為末以羊髓和九梧子大每研一丸以乳送下便可喫乳熱者可服寒者勿服昔有人休官後雲遊湖

相修合此方救危

久近風癰

凌霄花或根葉為末每服三錢溫酒下服畢解

甚多 普濟方

髮不住手梳口噤冷水溫則吐去再噉再梳至二十

口乃止如此四十九日絕根百無所忌 方賢奇效

方通身風痒

凌霄花為末酒服一錢 醫學正傳

大風癘疾

潔古家珍用凌霄花

五錢地龍焙礞鹽炒全蠍炒各七箇為末每服二錢

溫酒下先以藥湯浴過服此出臭汗為效 儒門事

親加蟬蛻五品

鼻上酒皸

王璆百一選方用凌霄花山巵子等分為末每茶服

各九箇作一眼

二錢日二服數日除根臨川曾子仁用之有效楊

氏家藏方用凌霄花半兩硫黃一兩胡桃四箇膩粉

一錢研膏走皮趨瘡滿頰滿項浸淫濕爛延及兩耳

生絹已楷瘡出水發歇不定田野名悲

羊瘡用凌霄花并葉煎湯日婦人陰瘡紫葢為未用

日洗之楊仁齋直指方

調搽耳卒聾閉凌霄葉杵取自然女經不行凌霄

摘玄方汁滴之斗門方花為

末每服二錢食前溫附錄骨路走此餘鈔書遺落

酒下徐氏胎產方詳見下卷之末

營實牆薜

音眉本經上品

釋名薜薇

別錄山棘

別錄牛棘

本經牛勒

別錄刺花

綱目時珍曰此草蔓

柔靡依牆援而生故名牆薜其莖多棘刺勒人牛喜食之故有山刺牛勒諸名其子成簇而生如營星然

故謂之

營實

集解

別錄曰營實生零陵川谷及蜀郡八月九月采

莖葉可煮作飲其根亦可煮釀酒保升曰所在有之
蔓生莖間多刺其花有百葉八出六出或赤或白子
若杜棠子時珍曰薔薇野生林塹間春抽嫩葉小兒
指去皮刺食之既長則成叢似蔓而莖硬多刺小葉
尖薄有細齒四五月開花四出黃心有白色粉紅二
者結子成簇生青熟紅其核有白毛如金櫻子核八
月采之根采無時人家栽玩者莖粗葉大延長數丈
花亦厚大有白黃紅紫數色花最大者名佛見笑小
者名木香皆香艷可人不入藥用南畝
有薔薇露云是此花之露水香馥異常

營實氣味酸溫無毒

別錄曰微寒

主治癰疽惡瘡結肉跌

筋敗瘡熱氣陰蝕不瘳利關節

經本

久服輕身益氣

別錄

治上焦有熱好瞑

時珍

附方新眼熱昏暗

營實枸杞子地膚子各二兩為末每服三錢溫酒下聖惠方

根氣味苦瀋冷無毒主治止洩痢腹痛五臟客熱除

邪逆氣疽癰諸惡瘡金瘡傷撻生肉復肌

別錄

治熱毒

風除邪氣止赤白痢腸風瀉血通結血治牙齒痛小

兒疳蟲肚痛癰疽疥癬

大明

頭瘡白禿

甄權

除風熱濕熱

縮小便止消渴

時珍

發明

時珍曰營實薔薇根能入陽明經除風熱濕熱生肌殺蟲故癰疽瘡癰古方常用而洩痢消渴

遺尿好瞑亦皆陽明病也

附方

舊七新五

消渴尿多

薔薇根一把水煎日服之千金方

小便失禁

薔薇

根煮汁飲或為末酒服野聖惠方

少小尿牀

薔薇根五錢煎酒夜飲外臺

祕要小兒疳痢

類數用生薔薇根洗切煎濃汁細飲以愈為度千金方

口咽痛痒

語聲不出薔薇根皮射干一兩甘草炙半兩每服二錢水煎服之普濟方

口舌糜爛

薔薇

根避風打去土煮濃汁溫含冷吐冬用根皮夏用枝葉口瘡日久延及胸中生瘡三年已上不瘡者皆效

金方千小兒月蝕

薔薇根四兩地榆二錢為末先鹽以鹽湯洗過傳之全幼心鑒癰腫

癰毒

潰爛疼痛用善薇皮更炙熨之千金方

筋骨毒痛

因患楊梅瘡服輕粉毒藥成者

野舊薇根白皮洗三斤水酒十斤煮一炷香每日任飲以愈為度 鄧筆峰雜興方用刺善薇根三錢五加皮木瓜當歸茯苓各二錢 金瘡腫痛 善薇根燒灰以酒二盞煎一盞日服一次 每白湯服方寸匕一日三服 抱朴子 箭刺入肉 驢囊不出以善薇根末摻之服鼠撲十日即穿皮出也 外臺 骨哽不出 善薇根末水服方寸匕日三服 同上

葉主治下疳瘡焙研洗傳之黃花者更良 攝生方

月季花

綱目

釋名月月紅 見勝春 瘦客 關雪紅

集解

時珍曰處處人家多栽插之亦薔薇類也青莖長蔓硬刺葉小於薔薇而花深紅千葉厚瓣逐

月開放不

結子也

氣味甘溫無毒主治活血消腫傳毒

時珍

附方

一新

療廔未破

用月季花頭二錢沉香五錢芫花炒三錢碎剉入大鯽魚腹中就以

魚腸封固酒水各一盞煮熟食之即愈魚須安糞水內遊死者方效此是家傳方活人多矣談莖翁試

方驗

枯樓

本經中品

校正

併入圖經天花粉

釋名果羸

音裸

瓜萋

綱目

天瓜

別錄

黃瓜

別錄

地樓

本經

澤姑

別錄

根名白藥

經圖

天花粉

經圖瑞雪

時珍曰羸與蘇同許慎云木上曰果地下曰蘇

此物蔓生附木故得兼名詩云果羸之實亦施于字足矣枯樓即果羸二字音轉也亦作蘇蘇後人又轉為瓜蔓愈轉愈失其真矣古者瓜姑同音故有澤姑之名齊人謂之天瓜象形也雷斅炮炙論以圖者為枯長者為樓亦出牽強但分雌雄可也其根作粉潔白如雪故謂之天花粉蘇頌圖經重出天花粉膠矣今削之

集解

別錄曰枯樓生弘農川谷及山陰地根入土深者良生園地者有毒二月八月采根曝乾三十

日成弘景曰出近道藤生狀如土瓜而葉有叉入土六七尺大二三圍者服食亦用之實入摩膏用恭曰出陝州者白實最佳頌曰所在有之三四月生苗引藤蔓葉如甜瓜葉而窄作叉有細毛七月開花似壺

蘆花淺黃色結實在花下大如拳生青至九月熟赤黃色其形有正圓者有銳而長者功用皆同根亦名白藥皮黃肉白時珍曰其根直下生年久者長數尺秋後掘者結實有粉夏月掘者有筋無粉不堪用其實圓長青時如瓜黃時如熟柿山家小兒亦食之內有扁子大如蛛瓜子殼色褐仁色綠多脂作青氣炒乾搗爛水熬取油可點燈

實修治

敦曰凡使皮子莖根其效各別其括圓黃皮厚蒂小捷則形長赤皮蒂粗陰人服捷陽人

服括並去殼皮革膜及油用根亦取大二三圍者去皮搗爛以水澄粉用時珍曰括捷古方全用後世乃分子蘇各用

氣味苦寒無毒

時珍曰味甘不苦

主治胸痺悅澤人面
別錄潤

肺燥降火治欬嗽滌痰結利咽喉止消渴利大腸消

癰腫瘡毒

時珍

子炒用補虛勞口乾潤心肺治吐血腸

風瀉血赤白痢手面皴

大明

發明

震亨曰枯樓實治胸痺者以其味甘性潤甘能補肺潤能降氣胸中有痰者乃肺受火逼失其

降下之令今得甘緩潤下之助則痰自降宜其為治嗽之要藥也且又能洗滌胸膈中垢膩鬱熱為治消渴之神藥時珍曰張仲景治胸痺痛引心背欬唾喘息及結胸滿痛皆用枯樓實乃取其甘寒不犯胃氣能降上焦之火使痰氣下降也成無己不知此意乃云苦寒以瀉熱蓋不啻其味原不苦而隨文傳會爾

附方

舊十二
新八

痰欬不止

瓜蒌仁一兩文蛤七分為末以薑汁澄濃脚九彈子大噲

之 摘 乾欬無痰 熟瓜蔓搗爛絞汁入蜜等分加白
玄方 礬一錢熱膏頻含熱汁 楊起簡

便 欬嗽有痰 熟瓜蔓十箇明礬二兩搗和餅陰乾研
方 末糊丸梧子大每薑湯下五七十九

醫方 摘要 痰喘氣急 蘇蘇二箇明礬一棗大同燒存性研
末以熱蘿蔔煎食藥盡病除 普濟

方 熱欬不止 用濃茶湯一鍾蜜一鍾大熟瓜蔓一箇
去皮將瓢入茶蜜湯洗去子以鹽盛于

飯上蒸至飯熟取出時時 肺熱痰欬 胸膈塞滿用瓜
挑三四匙熱之 摘玄方 蔓仁半夏湯泡

七次焙研各一兩薑汁打麵糊丸梧子大每 肺痿欬
服五十丸食後薑湯下 嚴用和濟生方

血 不止用枯樓五十箇連瓢丸焙烏梅肉五十箇焙
杏仁去皮尖炒二十一箇為末每用一捻以楮肺

一片切薄摻末入內炙熟冷 酒痰欬嗽 用此救肺瓜
爵燕之日二服 聖濟錄 蔓仁青黛等

分研末薑汁蜜凡芡子大飲酒發熱即上方研膏日
每噙一九丹溪心法食數匙一男子

年二十病此服之飲酒痰癖兩脅脹滿時復嘔吐腹
而愈摘玄方中如水聲枯樓實去殼

焙一兩神麴炒半兩為末每小兒痰喘欬嗽膈熱久
服二錢葱白湯下聖惠方不瘥瓜蒌實

一枚去子為末以寒食麴和作餅子灸黃再研末每
服一錢溫水化下日三服效乃止劉河間宣明方

婦人夜熱痰嗽月經不調形瘦者用瓜蒌仁一兩青
黛香附童尿浸晒一兩五錢為末蜜調嚥

化之丹胸痺痰嗽胸痛徹背心腹痞滿氣不得通
溪心法及治痰嗽大瓜蒌去瓢取子炒

熟和穀研末麵糊九梧子大每水胸中痺痛引背喘
飲下二三十九日二服杜士方息欬唾

短氣寸脈沉遲關上紫數用大栝樓實一枚切薤白
半斤以白酒七斤煮二升分再服加半夏四兩更善

仲景

清痰利膈

治欬嗽用肥大栝樓洗取子切焙半夏四十九箇湯洗十次搥焙等

金匱方
分為末用洗栝樓水并瓢同熬成膏和丸梧子大每薑湯下三五十九良

中風喎

斜

用瓜蒌絞汁和大麥麴作餅炙熟
聖惠方
熱病頭痛

發熱退

用大栝樓一枚取瓢細剉置甕中用熟湯一盞沐之蓋定良久去滓服

時疾發黃

狂悶煩熱不識人者大瓜蒌實黃者一枚以新汲水九合浸淘取汁入蜜半合朴消八分盡分再服便瘥

蘇頌圖

小兒黃疸

眼黃脾熱用青瓜蒌焙研每服一錢水半盞煎七分臥時服五

更瀉下黃物立可名

酒黃疸疾

上方同

小便不通

用腹脹

逐黃散

普濟方

薑焙研每服二錢熱酒下頻服以通為度紹興劉駐云魏明州病此御醫用此方治之得效
聖惠方

消渴煩亂

黃栝樓一箇酒一盞洗去皮子取瓤煎成膏入白礬末一兩九梧子大每采飲下十

九聖

燥渴腸秘

九月十月熟蘇蘇實取瓤拌乾葛粉銀石菰中慢火炒熟為末食後

惠方

夜臥各以沸湯點服

吐血不止

栝樓泥固煨存性研三錢糯米飲服日再

二錢

寇宗奭行義

栝樓一箇燒灰赤小豆半兩為

惠錄

腸風下血

末每空心酒服一錢普濟方久

痢五色

大熱瓜蒌一箇煨存性出大毒為末作一服溫酒服之胡大卿一僕患痢半年杭州一道

人傳此而愈

大腸脫肛

生栝樓搗汁溫服之以豬肉汁洗手按之令暖自入

本事方

洪肘小兒脫肛

唇白齒焦久則兩頰光眉赤唇焦啼哭黃瓜蒌一箇入白礬五錢在內固

濟煨存性為末糊丸梧子大每米飲下二十九

牙齒疼痛

瓜蒌皮露蜂房燒灰擦牙

以烏柏根荊柴根蔥根
煎湯漱之危氏得效方
咽喉腫痛
語聲不出經進方

炒甘草炒各二錢半為末每服三錢半薑湯下或以
綿裹半錢含嚥一日二服名發聲散
御藥院方

堅齒烏鬚

大栝樓一箇開頂入青鹽二兩杏仁去皮
失三七粒原頂合扎定蚯蚓泥和鹽固濟

炭火煨存性研末每日揩牙三次令熱百日有驗如
先有白鬚拔去以藥投之即生黑者其治口齒之功

未易具陳
面黑令白

栝樓瓢三兩杏仁一兩豬脰一
具同研如膏每夜塗之令人光

潤冬月不皴
聖濟錄

胞衣不下

栝樓實一箇取子細研以酒
與童子小便各半薑煎七分

溫服無實用根亦可
陳良甫婦人良方

乳汁不下

瓜蒌子淘洗控乾炒
香瓦上翕令白色酒

服一錢七合面臥一夜
流出姚僧坦集驗方

乳癰初發

搗以大熟栝樓一枚熟
以白酒一斗煮

取四升去滓溫服一升
日三服 子母秘錄

諸癰發背

初起微赤枯樓搗末并華水服方寸

匕梅 師方

便毒初發

黃瓜萸一箇黃連五錢水煎連服效 李仲南永類方

風瘡

疥癩

生枯樓一二箇打碎酒浸一夜熱飲 羅仙乾坤秘韞

熱遊丹腫

枯樓子仁末二

大雨醞醋調塗 楊氏產乳集驗方

楊梅瘡疽

小如指頂過身者先服敗毒散後用此解皮膚

風熱不過十服愈用枯樓皮為末每服三錢燒酒下日三服 集簡方

根修治天花粉

周憲王曰秋冬采根去皮寸切水浸逐日換水四五日取出搗泥以絹衣

濾汁澄粉 晒乾用

氣味苦寒無毒

時珍曰甘微苦酸微寒之才曰枸杞為之使惡乾薑畏牛膝乾漆反烏頭

主治消渴身熱煩滿大熱補虛安中續絕傷

本經除腸

胃中痼熱八疸身面黃唇乾口燥短氣止小便利通

月水

別錄

治熱狂時疾通小腸消腫毒乳癰發背痔瘻

瘡癰排膿生肌長肉消撲損瘀血

大明

發明

恭曰用根作粉潔白美好食之大宜虛熱人果曰枯樓根純陰解煩渴行津液心中枯癰者非

此不能除與辛酸同用導腫氣成無已曰津液不足則為渴枯樓根味苦微寒潤枯燥而通行津液是為渴所宜也時珍曰枯樓根味甘微苦酸其莖葉味酸酸能生津咸召之理故能止渴潤枯微苦降大甘不傷胃昔人只言其苦寒似未深察

附方

舊十二
新十二

消渴飲水

千金方作粉法取大栝樓根
去皮寸切水浸五日逐日易

水取出搗研濾過澄粉曬乾每服方寸匕水化下日
三服亦可入粥及乳酪中食之
時后方用栝樓根
薄切炙取五兩水五升煮四升隨意飲之
外臺祕
要用生栝樓根三十斤以水一石煮取一斗半去滓
以牛脂五合煎至水盡用煖酒先食服如雞子大日
三服最妙
聖惠方用栝樓根黃連三兩為末蜜丸
梧子大每服三十九日二
又玉壺丸用栝樓根人
參等分為末蜜丸梧子大每服三十九麥門冬湯下
傷寒煩渴
思飲栝樓根三兩水五升煮一升分二服
先以淡竹瀝一斗水二升煮好銀二兩半
冷飲汁然後服
百合病渴
栝樓根牡蠣熬等分為散
飲服方寸匕
永類方
此
外臺祕傳

黑疸危疾

瓜蒌根一斤搗汁六合頓服隨有黃水
從小便出如不出再服
楊起簡便方小

兒發黃

皮肉面目皆黃用生栝樓根搗取汁二合小蜜二大匙和勻暖服日一服廣利方

兒熱病

壯熱頭痛用栝樓根末乳汁調服半錢聖惠方 虛熱欬嗽一兩人

參三錢為末

每服一集簡方

偏疝痛極

劫之立住用綿袋包暖陰囊取天花粉五

錢米湯下

集簡方

偏疝痛極

劫之立住用綿袋包暖陰囊取天花粉五

錢以醇酒一盞浸之自卯至午微煎滾露一夜次早

低凳坐定兩手按膝飲下即愈未下再一服本草

蒙

小兒囊腫

天花粉一兩炙甘草一錢半水煎入酒服全幼心鑒

耳卒烘烘

栝樓根削尖以臘豬脂煎三沸

耳聾未久

栝樓根三十斤細切

取塞耳三日即愈

肘后方

耳聾未久

栝樓根三十斤細切

以水煮汁如常釀酒

產後吹乳

腫硬疼痛輕則為妬乳重則為乳癰用栝

久服甚良

肘后方

產後吹乳

腫硬疼痛輕則為妬乳重則為乳癰用栝

樓根末一兩乳香一錢為末溫

乳汁不下

栝樓根燒存性研末

酒每服二錢

李仲南永類方

飲服方寸匕或以五錢癰腫初起孟詵食療用栝樓根

以苦酒和塗紙上貼之楊文蔚方用天泡濕瘡天栝樓根赤小豆等分為末醋調塗之

粉滑石等分為末水楊梅天泡天花粉川芎各四兩槐花一兩為末

調搽之普濟方折傷腫痛栝樓根搗塗重湯下七八十九簡便方

即止葛箭簇不出栝樓根搗傅之日三易鍼刺入

肉方同痘後目障天花粉蛇蛻洗培等分為末羊子肝批開入藥在內米泔汁煮熟切

食次女病此服之旬餘而愈周密齊東野語

莖葉氣味酸寒無毒主治中熱傷暑別錄

王瓜

本經
中品

釋名土瓜

本經

鉤藟

郭璞

老鴉瓜

圖經

馬爬瓜

爬音
電

赤雹子

行野甜瓜

綱目

師姑草

土宿

公公鬚

頌曰

日月令四月王瓜生即此也均房間人

呼為老鴉瓜亦曰菟瓜按爾雅云黃菟瓜郭璞注云似土瓜而土瓜自謂之藥姑又名鉤藟則菟瓜別是一物也又曰芴菲亦謂之土瓜別是一物非此土瓜也異類同名甚多不可不辨時珍曰土瓜其根作土氣其實似瓜也或云根味如瓜故名土瓜王字不知何義瓜似雹子熟則色赤鴉喜食之故俗名赤雹老鴉瓜一葉之下一鬚故俚人呼為公公鬚與地黃苗名婆婆奶可為屬對

集解

別錄曰生魯地平澤田野及人家垣牆間三月采根陰乾弘景曰今土瓜生蘇院間子熟時赤

如彈丸其根不入大方正單行小小爾鄭玄注月令四月王瓜生以爲莢莢殊謬矣恭曰四月生苗延蔓葉似枯樓葉但無叉缺有毛刺五月開黃花花下結子如彈丸生青熟赤根似葛而細多縆謂之土瓜根北間者其子累累相連大如棗皮黃肉白苗子相似根狀不同若療黃疸破血南者大勝也宗奭曰王瓜其殼徑寸長二寸許上微圓下尖長七八月熟紅赤色殼中子如螻蛄頭者今人又謂之赤雹子其根即土瓜根也於細根上又生淡黃根三五相連如大指許根與子兩用時珍曰王瓜三月生苗其蔓多鬚嫩時可茹其葉圓如馬蹄而有尖面青背淡澁而不光六七月開五出小黃花成簇結子累累熟時有紅黃二色皮亦粗澁根不似葛但如枯樓根之小者澄粉甚白膩須深掘二三尺乃得正根江西人栽之沃土取根作蔬食味如山藥

根氣味苦寒無毒

權曰平藏器曰有小毒能吐下人取汁制雄汞

主治消渴

內痺瘀血月閉寒熱酸疼益氣愈聾

本經

療諸邪氣熱

結鼠癭散癰腫留血婦人帶下不通下乳汁止小便

數不禁逐四肢骨節中水治馬骨刺人瘡

別錄

天行熱

疾酒黃病壯熱心煩悶熱勞排膿消撲損瘀血破癥

癖落胎

大明

主蠱毒小兒閃癖痞滿痰瘧并取根及葉

搗汁少少服當吐下

藏器

利大小便治面黑面瘡

時珍

附方

舊五
新七

小兒發黃

土瓜根生搗汁三合與服
不過三次

黃疸

變黑

醫所不能治用土瓜根汁平旦溫服一小便如

泔

乃腎虛也王瓜散用王瓜根一兩白石脂二兩薏

二錢大麥粥飲

小便不通

土瓜根搗汁入少水解之

大便不通

上方吹入肛門內二便不通

根為末酒服一錢一日

經水不利

帶下少腹滿或經

根散主之土瓜根芍藥桂枝廬蟲各三兩婦人陰癰

方同**一切漏疾**

土瓜根搗傅之燥

中諸蠱毒

土瓜根

長三寸切以酒半升漬一

宿服當吐下

面上痱瘡

土瓜根搗末漿

以漿水洗面塗藥且復洗之百日光彩射
人夫妻不相識也曾用有效 肘後方 耳聾灸法

濕土瓜根削半寸塞耳內以艾灸
七壯每旬一灸愈乃止 聖濟錄

子氣味酸苦平無毒主治生用潤心肺治黃病炒用

治肺痿吐血腸風瀉血赤白痢 大主蠱毒 反胃吐

食 時珍

附方 新八消渴飲水

電瓜去皮每食後嚼二三
兩五七度瘥 聖惠方

傳尸勞

療

赤電兒俗名王瓜焙為末
每酒服一錢 十藥神書

反胃吐食

馬電兒燈上
燒存性一錢

入好棗肉平胃散末二錢酒服食即可
下即野甜瓜北方多有之 井溪纂要 痰熱頭風 懸

樓一箇赤電兒七箇焙大力子即牛旁子焙四兩
為末每食後茶或酒服三錢忌動風發熱之物 筋

骨痛攣

馬電兒子炒開口為末酒服一錢日二服

赤目痛澇

不可忍小圓瓜

甄羅上大如彈丸紅色皮上有刺者九月十月采日乾槐花炒赤芍藥等分為末每服二錢臨臥溫酒下

衛生方 瘀血作痛

赤電兒燒存性研末無灰

大腸下

血

王瓜一兩燒存性地黃二兩黃連半兩為末蜜丸梧子大米飲下三十九 指南方

葛

本經中品

校正

併入開寶葛粉

釋名雞齊

本經

鹿藿

別錄

黃斤

別錄時珍曰葛從曷諧聲也鹿食九草此其一種故

曰鹿藿黃

斤未詳

集解

別錄曰葛根生汶山山谷五月采根曝乾弘景曰即今之葛根人皆蒸食之當取入土深大者

破而日乾之南康廬陵間最勝多肉而少筋甘美但為藥不及耳恭曰葛雖除毒其根入土五六寸已上者名葛𧄸𧄸者頸也服之令人吐以有微毒也本經葛𧄸即是其實也頌曰今處處有之江浙猶多春生苗引藤蔓長一二丈紫色葉頗似楸葉而小色青七月著花粉紫色似豌豆花不結實根形大如手臂紫色黑色五月五日午時采根曝乾以入土深者為佳今人多作粉食宗奭曰澶縣之間冬月取生葛搗爛入水中揉出粉澄成堞入沸湯中良久色如膠其體甚韌以蜜拌食搽入生薑少許尤妙又切入茶中待蜜雖甘而無益又將生葛根煮熟作果實賣吉州南安亦然時珍曰葛有野生有家種其蔓延長取治可作緋綌其根外紫內白長者七八尺其葉有三尖如楓葉而長面青背淡其花成穗累累相綴紅紫色其莢

如小黃豆莢亦有毛其子綠色扁扁如鹽梅子核生
嚼腥氣八九月采之本經所謂葛穀是也唐蘇恭亦
言葛穀是實而宋蘇頌謂葛花不
結實誤矣其花晒乾亦可燉食

葛根氣味甘辛平無毒

別錄曰生根汁大寒好古曰氣平味甘升也陽也陽明經

行經的藥也

主治消渴身大熱嘔吐諸痺起陰氣解諸毒

本經

療傷寒中風頭痛解肌發表出汗開腠理療金瘡

止脇風痛

別錄

治天行上氣嘔逆開胃下食解酒毒

甄權

治胸膈煩熱發狂止血痢通小腸排膿破血傳蛇蠱

嚙署毒箭傷

本明

殺野葛巴豆百藥毒

之才

生者墮胎蒸

食消酒毒可斷穀不飢作粉尤妙

藏器

作粉止渴利大

小便解酒去煩熱壓丹石傳小兒熱瘡搗汁飲治小

兒熱痞

開寶

獬狗傷搗汁飲并末傳之

蘇恭

散鬱火

時珍

發明

弘景曰生葛搗汁飲解溫病發熱五月五日中時取根為屑療金瘡斷血為要藥亦療瘡及瘡

至良頌曰張仲景治傷寒有葛根湯以其主大熱解肌發腠理故也元素曰升陽生津脾虛作渴者非此不除勿多用恐傷胃氣張仲景治太陽陽明合病桂枝湯內加麻黃葛根又有葛根黃芩黃連解肌湯是用此以斷太陽入陽明之路非即太陽藥也頭顱痛如破乃陽明中風可用葛根葱白湯為陽明仙藥若太陽初病未入陽明而頭痛者不可便服升麻葛根發之是反引邪氣入陽明為引賊破家也震亨曰凡

痲痘已見紅點不可用葛根升麻湯恐表虛反增痲
爛也。又曰乾葛其氣輕浮鼓舞胃氣上行生津液又
解肌熱治脾胃虛弱泄瀉聖藥也。徐用誠曰葛根氣
味俱薄輕而上行浮而微降陽中陰也其用有四止
渴一也解酒二也發散表邪三也發瘡疹難出四也
時珍曰本草十劑云輕可去實麻黃葛根之屬蓋麻
黃乃太陽經藥兼入肺經肺至皮毛葛根乃陽明經
藥兼入脾經脾主肌肉所以二味藥皆輕揚發散而
所入迥然不同也。

附方

舊十五
新八

數種傷寒

庸人不能分別今取一藥兼治天行時氣初覺頭痛內熱

脈洪者葛根四兩水二升入豉一升煮取半升服生薑汁尤佳傷寒類要

時氣頭痛

壯熱

生葛根洗淨搗汁一大盞豉一合煎六分去滓分服汗出即瘥未汗再服若心熱加梔子仁十枚聖惠

方傷寒頭痛

二三日發熱者葛根五兩香豉一升以童子小便八升煎取二升分三服食葱

粥取汗

梅師方

妊娠熱病

葛根汁二升分二服傷寒類要

預防熱病

急黃

賊風葛粉二升生地黃一升香豉半升為散每食後米飲服方寸匕日三服有病五服龐安常傷寒論

辟瘴不染

生葛搗汁一小盞服去熱毒氣也聖惠方

煩躁熱渴

葛粉四兩先以

水浸粟米半升一夜漉出拌勻煮熟以糜飲和食食醫心鏡

小兒熱渴

久不止葛根半兩水

煎服

乾嘔不息

葛根搗汁服一升瘥肘后方

小兒嘔吐

壯熱食痢葛粉

二錢水二合調勻傾入錫鐸中重湯盪熟以糜飲和食

皆殿食醫心鏡心熱吐血

不止生葛

搗汁半升頓服立瘥廣利方

衄血不止

生葛搗汁服三服即止聖惠方

熱毒下

血

因食熱物發者生葛根二斤搗汁一升入藕一升和服梅師方

傷筋出血

搗葛根汁

飲乾者煎服仍熬屑傳之外臺秘要

腎腰疼痛

生葛根嚼之嚥汁取效乃止肘后方

金創中風

一升去滓分服口噤者灌之若乾者搗末

調三指撮仍以此及竹瀝多服取效貞元廣利方

服藥過劑

苦煩生葛汁飲之乾者煎汁服

肘方酒醉不醒

生葛汁飲二升便愈千金方

諸藥中毒

發狂煩悶吐下欲死

葛根煮汁服

解中鴆毒

氣欲絕者葛粉三合水三盞調服口噤者灌之聖惠方

虎傷人瘡

生葛煮濃汁洗之仍搗末水服方寸七日夜五六服梅師方

葛穀氣味甘平無毒主治下痢十歲已上

本經

解酒毒

時珍

葛花氣味

同殺

主治消酒

別錄弘景曰同小豆花乾末酒服飲酒不醉也

腸風

下血

時珍

葉主治金瘡止血按傳之

別錄

蔓主治卒喉痺燒研水服方寸匕

蘇恭

消癰腫

時珍

附方

新三

婦人吹乳

葛蔓燒灰酒服二錢

三

癰子初起

衛生易簡方

三

癰子初起

三

癰子初起

葛蔓燒灰水調傳

之即消

千金方

小兒口噤

病在咽中如麻豆許令

兒吐沫不能乳食葛蔓

燒灰一字和乳汁點

之即瘥

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

之即瘥

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

聖惠方

附錄鐵葛

拾遺藏器曰根味甘溫無毒主一切風血氣羸弱今人性健久服治風緩偏風生山

南峽中葉似枸杞根如葛黑色

黃環

本經下品

狼跋子

別錄下品

釋名凌泉

本經

大就

本經

就葛

本唐

生芻

吳普

根韭

吳普

實名狼

跋子

別錄

度穀

唐本時珍曰此物葉黃而圓故名黃環如蘿藦呼白環之義亦是葛類故名就

葛跋乃狼足名其莢似之故曰狼跋子

集解

別錄曰黃環生蜀郡山谷三月采根陰乾普曰蜀黃環一名生芻二月生苗正赤高二尺葉黃

開端大經曰葉有汁黃白五月實圓三月采根黃色從理如車輻解弘景曰似防己亦作車輻理解蜀都

賦云青珠黃環即此或云是大戟花定非矣用甚稀
市人鮮有識者又曰狼跋子出交廣形扁扁制搗以
雜木投水中魚無大小皆浮出而死恭曰黃環惟襄
陽大有餘處雖有亦稀巴西人謂之就葛今園庭亦
種之作藤生大者莖徑六七寸根亦葛類陶云似防
己者近之取葛根誤食之吐利不止土漿解之此真
黃環也今太常收劍南來者乃雞屎葛根非黃環也
其花紫色其子名狼跋子角生似皂莢交廣送入太
常者正是黃環子也花實與葛同時珍曰吳普所
說甚詳而唐宋本草不收何也范子計然云黃環出
魏郡以黃
色者為善

黃環

根也

氣味苦平有毒

普曰神農黃帝有毒桐君扁鵲苦權曰大寒有小毒之才

曰為尾為之使惡
茯苓防己乾薑

主治蠱毒鬼症鬼魅邪氣在臟中

除欬逆寒熱本經治上氣急及百邪甄權治痰嗽消水腫

利小便時珍

附方新水腫黃環根晒乾每服五錢水煎服小便利為效儒門事親

狼跋子氣味苦寒有小毒主治惡瘡蝟疥殺蟲魚別錄

苦酒磨塗瘡疥效弘景

天門冬本經上品

釋名藟冬音顛勒本經顛棘爾雅天棘綱目萬歲藤禹錫曰按爾雅

云藟藟冬注云門冬也一名滿冬抱朴子云一名顛棘或名地門冬或名筵門冬在東岳名淫羊藿在

中岳名天門冬在西岳名管松在北岳名無不愈在南岳名百部在京陸山阜名顯勒在越人名浣草雖處處有之其名不同其實一也別有百部草其根有百許如一而苗小異其苗似菰蔴惟可治欬不中服食須分別之時珍曰草之茂者為蒙俗作門此草蔓茂而功同麥門冬故曰天門冬或曰天棘爾雅云髦顛棘也因其細葉如髦有細棘也顛天音相近也按救荒本草云俗名萬歲藤又名婆蘿樹其形與治肺之功頗同百部故亦名百部也蔣薜乃營實苗而爾雅指為門冬蓋古書錯簡也

集解

別錄曰天門冬生奉高山谷二月三月七月八月采根曝乾弘景曰奉高泰山下縣名也今處

處有之以高地大根味甘者為好桐君藥錄云蔓生葉有刺五月花白十月實黑根數十枚張華博物志云天門冬莖間有逆刺若葉滑者名絳體一名顯棘按根入湯可以浣縑素白如絨紵類也今越人名為

浣草勝於用灰此非門冬乃相似爾按此說與桐君之說相亂今人所采皆是有刺者本名顧勒亦粗相似用此浣衣則淨不復更有門冬恐門冬自一種或即是浣草耶又有百部根亦相類但苗異爾恭曰此有二種一種苗有刺而濇一種無刺而滑皆是門冬俗云顧棘浣草者形貌詔之雖作數名終是一物二根浣垢俱淨門冬浣草互名也詔音命目之也頌曰處處有之春生藤蔓大如釵股高至丈餘葉如茴香極尖細而疎滑有逆刺亦有濕而無刺者其葉如絲杉而細散皆名天門冬夏生細白花亦有黃色及紫色者秋結黑子在其根枝旁入伏後無花暗結子其根白或黃紫色大如手指圓實而長二三寸大者為勝一科一二十枚同撮頗與百部根相類洛中出者大葉粗餘殊不相類嶺南者無花餘無他異禹錫曰抱朴子言生高地根短味甜氣香者為上生水側下地葉似細蘆而微黃根長而味多苦氣臭者次之若

以服食令人下氣為益又遲也入山便可蒸煮啖之
斷穀或為散仍取汁作酒服散尤佳時珍曰生苗時
亦可以沃地栽種
子亦堪種但晚成

根修治

弘景曰門冬采得蒸剝去皮食之甚甘美止
飢雖曝乾猶脂潤難搗必須曝於日中或火

烘之今人呼苗為棘刺煮作飲宜人而終非真棘刺
也頌曰二三八月采根蒸剝去皮四破去心曝乾
用穀曰采得去皮心用柳木甑及柳木柴蒸一伏時
洒酒令遍更添火蒸作小架去地二尺攤于上曝乾
用

氣味苦平無毒

別錄曰甘大寒好古曰氣寒味微苦
而辛氣薄味厚陽中之陰入手太陰

足少陰經氣分之藥之才曰垣衣地黃貝母為之使
畏曾青捐之曰服天門冬禁食鯉魚誤食中毒者浮

萍汁解之搗汁
制雄黃礞砂

主治諸暴風濕偏痺強骨髓殺三蟲

去伏尸久服輕身益氣延年不飢

本經

保定肺氣去寒

熱養肌膚利小便冷而能補

別錄

肺氣欬逆喘息促急

肺萎生癰吐膿除熱通腎氣止消渴去熱中風治濕

疥宜久服煮食之令人肌體滑澤白淨除身上一切

惡氣不潔之疾

甄權

鎮心潤五臟補五勞七傷吐血治

嗽消痰去風熱煩悶

大明

主心病噤乾心痛渴而欲飲

痿蹙嗜臥足下熱而痛

好古

潤燥滋陰清金降火

時珍

陽

事不起宜常服之

思邀

發明

權曰天門冬冷而能補患人五虛而熱者宜加用之

肺熱之功為多其味苦專泄而不專收寒多人禁服之元素曰苦以泄滯血甘以助元氣及治血妄行此天門冬之功也保定肺氣治血熱候肺上氣喘促宜加人參黃芪為主用之神效嘉謨曰天麥門冬並入手太陰祛煩解渴止欬消痰而麥門冬兼行手少陰清心降火使肺不犯邪故止欬立效天門冬行足少陰陰滋腎助元全其母氣故清痰殊功蓋腎主津液燥則凝而為痰得潤則化所謂治痰之本也好古曰手太陰足太陰經營衛枯涸宜以濕劑潤之天門冬人參五味枸杞子同為生脈之劑此上焦獨取寸口之意趙繼宗曰五藥雖為生脈之劑然生地黃貝母為天門冬之使地黃車前為麥門冬之使茯苓為人

參之使若有君無使是獨行無功也故張三丰與胡
澹尚書長生不老方用天門冬三月地黃一斤乃有
君而有使也禹錫曰抱朴子言入山便可以天門冬
蒸煮啖之取足以斷穀若有力可餌之或作散酒服
或搗汁作液膏服至百日丁壯兼倍馱于未及黃精
也二百日強筋髓駐顏色與煉成松脂同蜜丸服尤
善杜紫微服之御八十妾一百四十歲日行三百里
慎微曰列仙傳云赤松子服天門冬齒落更生細髮
復出太原甘始服天門冬在人間三百餘年聖化經
云以天門冬茯苓等分為末日服方寸匕則不畏寒
大寒時單衣汗出也時珍曰天門冬清金降火益水
之上源故能下通腎氣入滋補方合羣藥用之有效
若脾胃虛寒人單餌既久必病腸滑反
成痼疾此物性寒而潤能利大腸故也

附方

舊三新
十四

服食法

孫真人枕中記云八九月采天
門冬根曝乾為末每服方寸匕

日三服無問山中人間久服補中益氣治虛勞絕傷
年老衰損偏枯不隨風濕不仁冷痺惡瘡癰疽癩疾
鼻柱敗爛者服之皮脫蟲出釀酒服去癥病積聚風
痰顛狂三蟲伏尸除濕痺輕身益氣令人不飢百日
還年耐老釀酒初熟微酸久停則香美諸酒不及也
忌鯉魚 羅仙神隱云用乾天門冬十斤杏仁一斤
搗末蜜漬每服方辟穀不飢天門冬二斤熟地黃一
寸七名仙人糧 辟穀不飢斤為末煉蜜丸彈子大
每溫酒化三九日三服居山遠行辟穀良服至十日
身輕目明二十日百病愈顏色如花三十日髮白更
黑齒落重生五十日行及奔馬百日延年又法天
門冬搗汁微火煎取五斗入白蜜一斗胡麻炒末二
升合煎至可丸即止大下大豆黃末和作餅徑三寸
厚半寸一服一餅一日三服百日已上有益又法
天門冬末一升松脂末一升蠟蜜一升和天門冬酒
煎丸如梧子大每日早午晚各服三十九

補五臟調六腑令人無病天門冬三十斤去心搗碎以水二石煮汁一石糯米一斗細麴十斤如常炊釀

酒熱日飲三盃天門冬膏去積聚風痰補肺療欬嗽失血潤五臟殺三蟲伏尸除蠱疫輕身益

氣令人不飢以天門冬流水泡過去皮心搗爛取汁砂鍋文武炭火煮勿令大沸以十斤為率熬至三斤

却入蜜四兩熬至滴水不散瓶盛埋土中一七去火毒每日早晚白湯調服一匙若動大便以酒服之

醫方摘要肺痿欬嗽吐涎沫心中溫溫咽燥而不渴生天門冬搗汁一斗酒一斗飴一升紫苑

四合銅器煎至可九每服杏陰虛火動有痰不堪用仁大一丸日三服肘后方

冬一斤水浸洗去心取肉十二兩石臼搗爛五味子水洗去核取肉四兩晒乾不見火共搗九梧子大每

服二十九茶下日滋陰養血溫補下元三才九月天門冬去心生地黃二兩

三服簡便方

滋陰養血

溫補下元三才九月天門冬去心生地黃二兩

二味用柳甑單以酒洒之九蒸九晒待乾秤之人參一兩為末蒸棗肉搗和九梧子大每服三十九食前

溫酒下日三服

虛勞體痛

天門冬末酒服方寸匕日三忌鯉魚千金方

肺勞風熱

止渴去熱天門冬去皮心煮食或曝乾為末蜜丸服尤佳亦可洗面並說食療

婦人骨蒸

煩熱寢汗口乾引飲氣喘天門冬十兩麥門冬八兩並去心為末以生地黃三斤取

汁熬膏和九梧子大每服五十丸以酒送散去甘草煎湯下活法機要

風顛發作

則吐耳如

蟬鳴引脇牽痛天門冬去心皮曝搗為末酒服方寸匕日三服久服良外臺秘要

小腸偏墜

天門冬三錢烏藥五錢以水煎服吳球活人心統面黑令白

天門冬曝乾同蜜搗作丸日用

洗面聖濟總錄

口瘡連年

不愈者天門冬麥門冬並去心玄參等分為末煉蜜丸彈子大

每噲一九乃僧居寮所傳諸般癰腫新掘天門冬三五兩洗淨沙盆

方也齊德之外科精義插細以好酒濾汁頓服未效再服必愈

此祖傳經驗方也虞傳醫學正傳

百部

別錄中品

釋名婆婦草

日華

野天門冬

綱目

時珍曰其根多者百十連屬如部伍然故以名

之

集解

弘景曰山野處處有之其根數十相連似天門冬而苦強但苗異爾博物志云九真一種草似

百部

但長大兩懸火上令乾夜取四五寸切短含嚙

汁主暴嗽甚良名為嗽藥疑此即百部也其土肥潤

是以長大也藏器曰天門冬根有十餘莖圖短實潤

味甘百部多者五六十莖長尖內虛味苦不同苗蔓

亦別今人以門冬當百部說不明也頌曰今江湖淮
陝齊魯州郡皆有之春生苗作藤蔓葉大而尖長頗
似竹葉而青色而光根下一撮十五六枚黃白色二
三八月采曝乾用時珍曰百部亦有細葉如茴香者
其莖青肥嫩時亦可煮食其根長者近尺新時亦肥
實但乾則虛瘦無脂潤爾生時擘開去心曝之鄭樵
通志言葉如
薯蕷者謬矣

根修治

斲曰凡采得以竹刀劈去心皮花作數十條
懸簷下風乾却用酒浸一宿漉出焙乾剉用

或一窠八十三條者號曰地
仙苗若修士餌之可千歲也

氣味甘微溫無毒

權曰甘無毒大明曰苦無毒恭曰
微寒有小毒時珍曰苦微甘無毒

主治欬嗽上氣火炙酒漬飲之

別錄治肺熱潤肺
權治

傳尸骨蒸勞治疔殺虺蟲寸白蟻蟲及一切樹木蛀

蟲燼之即死殺虱及蠅蠓

大明弘景曰作湯洗牛犬去虱

火炙酒浸

空腹飲治疥癬去蟲蠶咬毒

藏器

發明

時珍曰百部亦天門冬之類故皆治肺病殺蟲但百部氣溫而不寒寒嗽宜之天門冬性寒而

不熱熱嗽宜之此為異耳

附方

舊五新五

暴欬嗽

張文仲方用一升日三服

百部根漬酒每溫服葛洪方用百部生

薑各搗汁等分煎服二合

續十全方用百部藤根

搗自然汁和蜜等分沸湯煎膏噉

普濟方治卒

欬不止用百部根懸火上

小兒寒嗽

百部丸用百部炒麻黃去節各

炙乾每含嚥汁勿令人知

七錢半為末杏仁去皮尖炒仍以水畧煮三五沸研
泥入熟蜜和九皂子大每服二三丸溫水下錢乙

小兒三十年嗽百部根二十斤搗取汁煎如飴服方

方一 三十年 嗽百部根二十斤搗取汁煎如飴服方

千金方 遍身黃腫搗新鮮百條根洗搗罨臍上以

蓋在藥上以帛包住住待一二日後口內作酒氣則水
從小便中出腫自消也百條根一名野天門冬一名

百奶狀如葱頭其苗葉柔細一根誤吞銅錢百部根

下有百餘箇數楊氏經驗方

一升清一宿溫服一升百蟲入耳百部炒研生油調

日再服外臺秘要

聖濟 熏衣去虱百部秦朮為末入竹籠燒烟熏之

錄 附錄白并別錄曰味苦無毒主肺欬上氣行五臟令

如小竹根黃皮白三月四月采根曝乾時
珍曰此物氣味主治俱近百部故附之

何首烏

宋開寶

釋名交藤

本傳

夜合

本傳

陳知白

開寶

馬肝石

綱目

地精

本傳

桃

柳藤

日華

九真藤

綱目

赤葛

斗門

瘡帚

綱目

紅內消

大明

曰其藥本草無

名因何首烏見藤夜交何即采食有功因以采人為
名爾時珍曰漢武時有馬肝石能治人髮故後人隱
此名亦曰馬肝石赤者能消腫毒外科呼為瘡帚紅
內消斗門方云取根若獲九數者服之乃仙故名九

真藤

集解

頌曰何首烏本出順州南河縣今在處有之嶺
外江南諸州皆有以西洛嵩山及河南栢城縣

者為勝春生苗蔓延竹木牆壁間莖紫色葉葉相對如薯蕷而不光澤夏秋間黃白花如葛勒花結子有稜似蕎麥而雜小纓如粟大秋冬取根大者如拳各有五稜瓣似小甜瓜有赤白二種赤者雄白者雌一云春采根秋采花九蒸九曝乃可服此藥本名交藤因何首烏服而得名也唐元和七年僧文象遇茅山老人遂傳此事李翱乃著何首烏傳云何首烏者順州南河縣人祖名能嗣父名延秀能嗣本名田兒生而閹弱年五十八無妻子常慕道術隨師在山一日醉臥山野忽見有藤二株相去三尺餘苗蔓相交久而方解解了又交田兒驚訝其異至旦遂掘其根歸問諸人無識者後有山老忽來示之答曰子既無嗣其藤乃異此恐是神仙之藥何不服之遂杵為末空心酒服一錢七日而思人道數月似強健因此常服又加至二錢經年舊疾皆痊髮烏容少十年之內即生數男乃改名能嗣又與其子延秀服皆壽百六十

歲延秀生首烏首烏服藥亦生數子年百三十歲髮
猶黑有李安期者與首烏鄉里親善竊得方服其膏
亦長遂敘其事傳之云何首烏味甘性溫無毒茯苓
為使治五痔腰膝之病冷氣心痛積年勞瘦痿痺風
虛敗劣長筋力益精髓壯氣駐顏黑髮延年婦人惡
血痿黃產後諸疾赤白帶下毒氣入腹久痢不止其
功不可具述一名野苗二名交藤三名夜合四名地
精五名何首烏本出處州江南諸道皆有苗如木葉
葉有光澤形如桃柳其背偏皆單生不相對有雌雄
雄者苗色黃白雌者黃赤根遠不過三尺夜則苗蔓
相交或隱化不見春末夏中秋初三時候晴明日兼
雌雄采之乘潤以布帛拭去泥生勿損皮烈日曝乾
密器貯之每月再曝用時去皮為末酒下最良遇有
疾即用茯苓湯下為使凡服用偶日二四六八日服
訖以衣覆汗出導引尤良忌猪肉血羊血無鱗魚觸
藥無力其根形大如拳連珠其有形如鳥獸山岳之

狀者珍也。掘得去皮生喫，得味甘，甜可作糧。讚曰：神效助道。著在仙書。雌雄相交，夜合，晝疏服之，去穀日居月諸，返老還少，變安病軀，有緣者遇。最爾自如。明州刺史李遠附錄云：何首烏以出南河縣及嶺南恩州、韶州、潮州、賀州、廣州、潘州、四會縣者為上。邕州、桂州、康州、春州、高州、勒州、循州、晉興縣出者次之。真仙草也。五十年者如奉大號山，奴服之一年，髮髭青黑；一百年者如益大號山，哥服之一年，顏色紅悅；一百五十年者如益大號山，伯服之一年，齒落更生；二百年者如斗栲栳大號山，翁服之一年，顏如童子；行及奔馬，三百年者如三斗栲栳大號山，精純陽之體，久服成地仙也。時珍曰：凡諸名山深山產者即大，而佳也。

根修治

志曰：春夏秋采其根，雌雄共用，乘濕以布拭去土，曝乾。臨時以苦竹刀切，米泔浸，經宿曝。

乾木杵臼搗之忌鐵器慎微曰方用新采者去皮銅刀切薄片入甑內以瓷鍋蒸之旋以熱水從上淋下勿令滿溢直候無氣息乃取出曝乾用時珍曰近時治法用何首烏赤白各一斤竹刀刮去粗皮米泔浸一夜切片用黑豆三斗每次用三升三合三勺以水泡過砂鍋內鋪豆一層首烏一層重重鋪盡蒸之豆熟取出去豆將何首烏晒乾再以豆蒸如此九蒸九晒乃用

氣味苦瀋微溫無毒

時珍曰茯苓為之使忌諸血無鱗魚蘿蔔蒜葱鐵器同于地黃

能伏味砂

主治療癰消癰腫療頭面風瘡治五痔止心痛

益血氣黑髭髮悅顏色久服長筋骨益精髓延年不

老亦治婦人產後及帶下諸疾

開寶

久服令人有子治

腹臟一切宿疾冷氣腸風

大瀉肝風

好古

發明

時珍曰何首烏足厥陰少陰藥也白者入氣分赤者入血分腎主閉藏肝主疏泄此物氣溫味

苦澆苦補腎溫補肝能收斂精氣所以能養血益肝固精益腎健筋骨烏髭髮為滋補良藥不寒不燥功在地黃天門冬諸藥之上氣血太和則風虛癰腫瘰癧諸疾可知矣此藥流傳雖久服者尚寡嘉靖初邵應節真人以七寶美髯丹方上進世宗肅皇帝服餌有效連生皇嗣於是何首烏之方天下大行矣宋懷州知州李治與一武臣同官怪其年七十餘而輕健面如渥丹能飲食叩其術則服何首烏丸也乃傳其方後治得病盛暑中半體無汗已二年竊自憂之造丸服至年餘汗遂決體其活血治風之功大有補益其方用赤白何首烏各半斤米泔浸三夜竹刀刮去皮切焙石白為末煉蜜丸梧子大每空心溫酒下五

十九亦
可未服

附方

舊四新
十二

七寶美髯丹

烏鬚髮壯筋骨固精氣續
嗣延年用赤白何首烏各

一斤米泔水浸三四日瓷片刮去皮用淘淨黑豆二
升以砂鍋木甑鋪豆及首烏重鋪蓋蒸之豆熟取
出去豆暴乾換豆再蒸如此九次曝乾為末赤白茯
苓各一斤去皮研末以水淘去筋膜及浮者取沉者
搗塊以人乳十盞浸勻曬乾研末牛膝八兩去苗酒
浸一日同何首烏第七次蒸之至第九次止曬乾當
歸八兩酒浸晒枸杞子八兩酒浸晒兔絲子八兩酒
浸生芽研爛晒補骨脂四兩以黑脂麻炒香並忌鐵
器石臼為末煉蜜和丸彈子大一百五十九每曰三
丸清晨溫酒下午時薑湯下臥時鹽湯下其餘並丸
梧子大每日空心酒服一百丸
久服極驗忌見前
積善堂方
服食滋補
和劑局方
何首烏丸

專壯筋骨長精髓補血氣久服黑鬚髮壯陽道令人
多于輕身延年月計不足歲計有餘用何首烏三斤
銅刀切片乾者以米泔水浸軟切之牛膝去苗一斤
切以黑豆一斗淘淨用本甑鋪豆一層鋪藥一層重
重鋪盡瓦鍋煮至豆熟取出去豆曝乾換豆又蒸如
此三次為末蒸棗肉和九梧子大每服三五十丸空
心溫酒下忌見前 鄭巖山中丞方只用赤白何首
烏各半斤去粗皮陰乾石臼杵末每旦無灰酒服二
錢 積善堂方用赤白何首烏各半極大者八月采
以竹刀削去皮切片用米泔水浸一宿曬乾以壯婦
男兒乳汁拌晒三度候乾木臼春為末以蜜雲棗肉
和杵為丸如梧子大每服二十九丸每十日加十九至
百九止空心溫酒鹽湯任下一方不用人乳 筆峯
雜興方用何首烏雌雄各半斤分作四分一分用當
歸汁浸一分生地黃汁浸一分旱蓮汁浸一分人乳
浸三日取出各曝乾瓦焙石臼為末蒸棗肉和九梧

子大每服四十九空心
百沸湯下禁忌見前

骨軟風疾

腰膝疼痛行步不得
遍身瘙癢用何首

烏大而有花紋者同牛膝各一斤以好酒一斤浸七
宿曝乾木臼杵末棗肉和丸梧子大每一服三五

九空心酒下

寬筋治損

何首烏十斤生黑豆半斤同
煎熟皂莢一斤燒存性牽牛

十兩炒取頭末薄荷十兩木香牛膝各五兩川烏頭
炮二兩為末酒糊丸梧子大每服三十丸茶湯下

永類

皮裏作痛

不問何處用何首烏末薑汁調成膏
塗之以帛裹住火炙鞋底熨之經

驗方

何首烏末津調封
瘡中集簡方

腸風臟毒

下血不止
何首烏二

兩為末食前米飲
服二錢聖惠方

小兒龜背

龜尿調紅內消貼背
上骨節久久自安破

傷血出

何首烏末傅之即止
神效筆峰雜興方

癰廔結核

或破或不破
下至胸前者

皆治之用九真藤一名赤葛即何首烏其葉如杏其根如雞卵亦類癰子取根洗淨日日生嚼并取葉搗塗之數服即止其藥久服延

癰疽毒瘡

紅內消不限多少瓶中文

年黑髮用之神效

斗門方

武火熬煎臨熟入好無灰酒相等再煎數沸時時飲之其滓焙研為末酒煮麵糊丸梧子大空心溫酒下

三十九疾退宜常服之即赤何首烏也建昌產者良陳自明外科精要

大風癰疾

何首烏大

而有花紋者一斤米泔浸一七九蒸九晒胡麻四兩九蒸九晒為末每酒服二錢日二

疥


癬滿身

不可治者何首烏艾葉等分水煎濃湯洗浴甚能解痛生肌肉

王衮博濟方

莖葉主治風瘡疥癬作痒煎湯洗浴甚效

時珍



本草綱目卷十八上

欽定四庫全書

子部
本草綱目卷十八下

詳校官太醫院醫官臣姜晟

編修臣倉聖脈覆勘

總校官庶吉士臣何思鈞

校對官中書臣潘奕雋

謄錄監生臣黃熙純

欽定四庫全書

本草綱目卷十八下

明 李時珍 撰

草之七

蔓草類四十九種內附二十種
外附錄諸藤十九種補遺一種

草薺

別錄
中品

釋名赤節

別錄

百枝

吳普

竹木

炮炙
論

白菝葜

時珍曰草薺
名義未詳日

華本草言時人呼為白菝葜象
形也赤節百枝與狗脊同名

集解

別錄曰草薺生真定山谷二月八月采根曝乾
弘景曰今處處有之根似菝葜而小異根大不

甚有角節色小淺奉曰此有二種莖有刺者根白實
無刺者根虛軟軟者為勝蔓生葉似薯蕷頌曰今河
峽汴東荆蜀諸郡皆有之作蔓生苗葉俱青葉作三
叉似山薯又似綠豆葉花有黃紅白數種亦有無花
結白子者根黃白色多節三指許大春秋采根曝乾
今成德軍所產者根亦如山薯而體硬其苗引蔓葉
似蕎麥子三稜不拘時月采根利刀切片曝乾用時
珍曰草薺蔓生葉似菰萸而大如盤其根長硬大者
如商陸而堅今人皆以土茯苓為草薺誤矣莖葉根
苗皆不同吳普本草又以草薺為狗脊亦誤矣詳狗
脊下宋史以懷
慶草薺充貢

根氣味苦平無毒

別錄曰甘之才曰薺為之使畏葵根大黃柴胡前胡

主治

腰脊痛強骨節風寒濕周痺惡瘡不瘳熱氣

本經

傷中

患怒陰痿失溺老人五緩關節老血

別錄

冷風痺痺腰

脚癱緩不遂手足驚掣男子腎腰痛久冷腎間有膀胱

眇宿水

甄權

頭旋癰疾補水臟堅筋骨益精明目中風

失音

大明

補肝虛

好古

治白濁莖中痛痔瘻壞瘡

時珍

發明

時珍曰草薢足陽明厥陰經藥也厥陰主筋屬風陽明主肉屬濕草薢之功長于去風濕所以

能治緩弱癰痺遺濁惡瘡諸病之屬風濕者草薢菝
莫土茯苓三物形雖不同而主治之功不相遠豈亦
一類數種乎雷斅炮炙論序云囊皺凝多夜煎竹木
竹木草薢也凝多白濁皆是濕氣下流草薢能除陽
明之濕而固下焦故能去濁分清楊使家藏方治真
元不足下焦虛寒小便頻數白濁如膏有草薢分清

飲正此意也又楊子建萬全護命方云凡人小便頻數不計度數便時莖內痛不可忍者此疾必先大腑秘熱不通水液只就小腸大腑愈加乾竭甚則渾身熱心躁思涼水如此即重證也此疾本因貪酒色積有餘毒腐物瘀血之類隨虛水入于小腸故便時作痛也不飲酒者必平生過食辛熱膏膩之物又因色傷而然此乃小便頻數而痛與淋證澀而痛者不同也宜用草薢一兩水浸少時以鹽半兩同炒去鹽為末每服二錢水一盞煎八分和平澤服之使水道轉入大腸仍以葱湯頻洗穀道令氣得通則小便數及痛自減也

附方

舊二
新三

腰脚痺軟

行履不穩者草薢二十四分杜仲八分搗篩每旦溫酒服三錢

七禁牛肉 唐德宗貞元廣利方

小便頻數

川草薢一斤為末酒糊丸梧子大每鹽酒下七

十九
集主方

白濁頻數

凝面如油澄下如膏乃真元不足
下焦虛寒草薺分清飲用草薺石

菖蒲益智仁烏藥等分每服四錢水一盞入
鹽一捻煎七分食前溫服日一服效乃止

腸風痔

漏

如聖散用草薺貫衆去土等分為末每服三
錢溫酒空心服之

頭痛

發汗

草薺旋覆花虎頭骨酥炙等分為散欲發
時以溫酒服二錢暖臥取汗立瘥聖濟錄

菝葜

上蒲入切下棄入
切別錄中品

釋名菝葜

同

金剛根

日華

鐵菱角

綱目

王瓜草

日華

時珍

菝葜也菝葜短也此草莖蔓強堅短小故名菝葜而
江浙人謂之菝葜根亦曰金剛根楚人謂之鐵菱角

皆狀其堅而有尖刺也鄭樵通志
云其葉頗近王瓜故名王瓜草

集解

別錄曰生山野二月八月采根曝乾弘景曰此有三種大畧根苗並相類拔莖莖紫而短小多

刺小減草薺而色深人用作飲恭曰陶云三種乃狗脊拔莖草薺相類非也草薺有刺者葉粗相類根不相類草薺細長而白色拔莖根作塊結黃赤色殊非狗脊之流頌曰今近道及江浙州郡多有之苗莖成蔓長二三尺有刺其葉如冬青烏藥葉而差大秋生黃花結黑子如櫻桃大其根作塊人呼金剛根時珍曰拔莖山野中甚多其莖似蔓而堅強植生有刺其葉團大狀如馬蹄光澤似柿葉不類冬青秋開黃花結紅子其根甚硬有硬鬚如刺其葉煎飲酸湯野人采其根葉入漆家用名鐵菱角吳普本草以拔莖為狗脊非矣詳見狗脊下

根氣味甘酸平溫無毒主治腰背寒痛風痺益血氣

止小便利

別錄

治時疾瘟瘧

大明

補肝經風虛

好古

治消渴

月崩下利

時珍

發明

時珍曰拔莢足厥陰少陰藥氣溫味酸性瀋而收與葶藶彷彿孫真人元旦所飲辟邪屠蘇酒

中亦用之頌曰取根沒赤汁煮粉食辟瘴

附方

新五

小便滑數

金剛骨為末每服三錢溫酒下睡時

儒門事親方

沙石淋

疾

重者取去根本用莢二兩為末每米飲服二錢後以地椒煎湯浴腰腹須臾即通也

聖濟錄

消渴不止

拔莢即莢咬咀半兩水三盞梅一個煎一盞溫服

下痢赤

白

金剛根蠟茶等分為末白梅肉搗丸芡子大每服五七丸小兒三九白痢甘草湯下赤痢烏梅湯下

衛生 風毒脚弱 痺滿上氣田舍貧家用此最良菰
易蘭方 莫洗到一斛以水三斛煮取九斗

酒麴去滓取一斛漬飲如常
釀酒任意日飲之 肘後方

土茯苓

綱目

校正

併入拾遺
禹餘糧

釋名土草薜

綱目

刺猪苓

綱目

山猪糞

綱目

草禹餘糧

拾遺

仙

遺糧

綱目

冷飯團

綱目

硬飯

綱目

山地栗

綱目

引景注石部禹餘

釋云南中平澤有一種藤生葉如菰莢根作塊有節
似菰莢而色赤味如薯蕷亦名禹餘糧言昔禹行山
之食采此充糧而棄其餘故有此名觀陶氏此說即
今土茯苓也故今尚有仙遺糧冷飯團之名亦其遺
意陳藏器本草草禹餘糧蘇頌圖經猪苓下刺猪苓
皆此物也今皆併之茯苓猪苓山地栗皆象形也俗

又名過崗
龍謬稱也

集解

藏器曰草禹餘糧生海畔山谷根如蓋連綴半在土上皮如茯苓肉赤味澀人取以當穀食不

飢頌曰施州一種刺猪苓蔓生春夏采根削皮焙乾彼土人用傳瘡毒殊效時珍曰土茯苓楚蜀山箐中甚多蔓生如萆薢有細點其葉不對狀頗類大竹葉而質厚滑如瑞香葉而長五六寸其根狀如菰蔞而圓其大若雞鴨子連綴而生遠者離尺許近或數寸其肉軟可生啖有赤白二種入藥用白者良按中山經云鼓鐙之山有草焉名曰榮莫其葉如柳其本如雞卵食之已風恐即此也昔人不知用此近時弘治正德間因楊梅瘡盛行率用輕粉藥取效毒留筋骨潰爛終身至人用此遂為要藥諸醫無從考證往往指為萆薢及菰蔞然其根苗迥然不同宜參考之但其功用亦頗相近蓋亦萆薢菰蔞之類也

根氣味甘淡平無毒

時珍曰
忌茶茗

主治食之當穀不飢調

中止洩健行不睡

藏器

健脾胃強筋骨去風濕利關節

止泄瀉治拘攣骨痛惡瘡癰腫解汞粉銀朱毒

時珍

發明

机曰近有奸淫之人多病楊梅毒瘡藥用輕粉愈而復發久則肢體拘攣變為癰漏延綿歲月

竟致廢篤惟劉士革蘇三兩或加皂莢牽牛各一錢水六盞煎三盞分三服不數劑多瘡蓋此疾始由毒氣干於陽明而發加以輕粉燥烈久而水衰肝挾相火來凌脾土土屬濕主肌肉濕熱鬱蓄于肌滕故發為癰腫甚則拘攣內經所謂濕氣害人皮肉筋骨是也上革蘇甘淡而平能去脾濕濕去則營衛從而筋脉柔肌肉實而拘攣癰漏愈矣初病服之不效者火盛而濕未鬱也此藥長于去濕不能去熱病久則熱

衆氣耗而濕鬱為多故也時珍曰楊梅瘡古方不載
亦無病者近時起于嶺表傳及四方蓋嶺表風土卑
炎嵐瘴熏蒸飲啖辛熱男女淫戢濕熱之邪積蓄既
深發為毒瘡遂致互相傳染自南而北遍及海宇然
皆注邪之人病之其類有數種治之則一也其證多
屬厥陰陽明二經而兼乎他經邪之所在則先發出
如兼少陰太陰則發于咽喉兼太陽少陽則發于頭
耳之類蓋相火寄于厥陰肌肉屬于陽明故也醫用
輕粉銀朱劫劑五七日即愈蓋水銀性走而不守加
以鹽礬升為輕粉銀朱其性燥烈善逐痰涎涎乃脾
之液此物入胃氣歸陽明故涎被劫隨火上升從喉
頰齒縫而出故瘡即乾痿而愈若服之過劑及用不
得法則毒氣竄入經絡筋骨之間莫之能出痰涎既
去血液耗涸筋失所養營衛不從變為筋骨攣痛發
為癰毒瘡漏久則生蟲為癬手足皴裂遂成廢癰惟
土茯苓氣平味甘而淡為陽明本藥能健脾胃去風

濕脾胃健則營衛從風濕去則筋骨利故諸證多愈此亦得古人未言之妙也今醫家有搜風解毒湯治楊梅瘡不犯輕粉病深者月餘淺者半月即愈服輕粉藥筋骨攣痛癰瘰不能動履者服之亦效其方用土茯苓一兩薏苡仁金銀花防風木瓜木通白鮮皮各五分皂莢子四分氣虛加人參七分血虛加當歸七分水二大盞煎飲一日三服惟忌飲茶及牛羊雞鵠魚肉燒酒法麪房勞蓋祕方也

附方

新六

楊梅毒瘡

鄧筆峰雜興方用冷飯團四兩皂角子七個水煎代茶飲淺者二七

深者四七見效子苦參各三錢

金銀花一方冷飯團一兩五加皮皂角

小

兒楊梅

瘡起于口內延及遍身以土革薛末乳汁調服月餘自愈外科發揮

骨攣癰

漏

薛已外科發揮云服輕粉致傷脾胃氣血筋骨疼痛久而潰爛成癰連年累月至于終身成廢疾者

土草薺一兩有熱加苓連氣虛加四君子湯血虛加四物湯水煎代茶月餘即安 朱氏集驗方用過山龍四兩即硬飯加四物湯一兩皂角子七箇川椒四十九粒燈心七根水煎日飲 療癰潰爛冷飯團切片或為末水煎服或入粥內食之須多食為妙江西所出色白者良忌鐵器發物 陸氏積德堂方

白斂

本經下品

釋名白草

本經

白根

別錄

兔核

別錄

貓兒卵

綱目

崑崙

別錄

與曰白

飲服餌方少用惟斂瘡方多用之故名曰斂時珍曰兔核貓兒卵皆象形也崑崙言其皮黑也 集解別錄曰白斂生衡山山谷二月八月采根曝乾弘景曰近道處處有之作藤生根如白芷破片竹穿日乾

恭曰根似天門冬一株下有十許根皮赤黑肉白如芍藥不似白芷蔓生枝端有五葉所在有之頌曰今江淮及荆襄懷孟商齊諸州皆有之二月生苗多在林中作蔓赤莖葉如小桑五月開花七月結實根如雞鴨卵而長三五枚同一窠皮黑肉白一種赤斂花實功用皆同但表裏俱赤爾

根氣味苦平無毒

別錄曰甘微寒權曰有毒之才曰代赭為之使反烏頭

主治

癰腫疽瘡散結氣止痛除熱目中赤小兒驚癇溫瘧

女子陰中腫痛帶下赤白

本經

殺火毒

別錄

治發背癰瘰

面上庖瘡腸風痔漏血痢刀箭瘡撲損生肌止痛

大明

解狼毒

時珍

發明

弘景曰生取根搗傳瘰腫有效頌曰今醫治風及金瘡面藥方多用之往往與白及相須而用

附方

新舊三發背初起之水調白斂末塗丁瘡初起方同

聖惠

一切癰腫

權曰白斂赤小豆菴草為末雞子白調塗之陶隱居方用白斂二分藜

蘆一分為末酒和貼之日三上

面鼻酒皸

白斂白石脂杏仁各半兩為末雞子清調塗旦洗

御藥院方

面生粉刺

白斂二分杏仁半分雞屎白一分為末蜜和雞水拭面肘後方凍

耳成瘡

白斂黃藥等分為末生油調搽談堃翁方

湯火灼爛

白斂末傳之外臺

方諸物哽咽

白斂白芷等分為末水服二錢聖惠方

鐵刺諸哽

及竹木哽在咽

中白斂半夏泡等分為末酒服半錢日二服聖惠方

刺在肉中

方同胎孕不

下

白斂生半夏等分為末滴水九梧子
大每榆皮湯下五十九保命集

風痺筋急

腫痛

屈轉易常處白斂二分熟附子一分為末每酒服半
刀圭日二服以身中熱行為候十日便覺忌猪肉冷

水

千

諸瘡不斂

白斂赤斂黃蘗各三錢炒研輕粉
一錢用葱白漿水洗淨傳之瑞

金方

竹堂

方

女萎

李當之
本草

集解

恭曰女萎葉似白斂蔓生花白子細荆藎之間
名為女萎亦名蔓楚用苗不用根與萎蕤全別

今太

常謬以為白頭翁者是也時珍曰
諸家誤以女萎解蕤正誤見歲時下

修治

斂曰凡采得陰乾去頭并白蕊於槐砧
上剉拌豆淋酒蒸之從已至未出晒乾氣味辛

溫無毒主治止下痢消食之當風寒洒洒霍亂洩痢腸

鳴遊氣上下無常驚癇寒熱百病出汗唐本

附方

新三

久痢脫肛

女萎切一升燒熏之

楊氏產乳方

蠱下不止

女萎雲實

各一兩川烏頭二兩桂心五錢為末蜜丸梧子大每服五丸水下一日三服

身體瘕

瘍

斑駁女歲膏用魯國女歲白芷各一分附子一枚雞舌香木香各二分為末臘猪脂七合和煎入麝

香一錢以浮石磨破日擦之古今錄驗

赭魁

本經下品

釋名

時珍曰其根如魁有汁如赭故名魁乃酒器名

集解

別錄曰生山谷中二月采弘景曰狀如小芋肉白皮黃近道亦有恭曰赭魁大者如斗小者如

升蔓生草木上葉似杜衡陶所說乃土卵也土卵不堪藥用梁漢人蒸食之名黃獨非赭魁也保昇曰苗蔓延生葉似蘿摩根若拔莢皮紫黑肉黃赤大者輪因如升小者如拳所在有之時珍曰赭魁閩人用之染青甌中云易上色沈括筆談云本草所謂赭魁皆未詳審今南中極多膚黑肌赤似何首烏切破中有赤理如檳榔有汁赤如赭彼人以染皮製靴閩人謂之餘糧本草石部禹餘糧陶氏所引乃此物也謹按沈氏所說赭魁甚明但謂是禹餘糧者非矣禹餘糧乃今之土茯苓可食故得糧名赭魁不可食豈得稱糧耶土卵即土芋也見菜部

根氣味甘平無毒

恭曰有小毒

主治心腹積聚除三蟲

本經

鵝抱

水同經

集解

頌曰生宜州山林下附石而生作蔓似大豆其根形似菜蕈大者如三升器小者如拳二月八

月采根切片陰乾用

氣味苦寒無毒主治風熱上壅咽喉腫痛

及解蜜箭藥毒搗末酒服有效亦消風熱結毒酒摩

塗之立愈

蘇頌

伏雞子根

拾遺

釋名承露仙

集解

藏器曰生四明天台山蔓延生葉圓薄似錢根似鳥形者良

氣味苦寒無毒

主治解百藥毒諸熱煩悶急黃天行黃疸瘡瘴中惡寒熱頭痛疽瘡馬黃牛瘡水磨服之新者尤佳亦傳

癰腫與陳家白藥同功

藏器

附錄仰盆

拾遺藏器曰味辛溫有小毒水磨服少許治蠱飛尸喉痺亦磨傳皮膚惡腫生東陽

山谷苗似承露仙根圓如仰盆狀大如雞卵

人肝藤

拾遺藏器曰主解諸藥毒遊風手脚軟痺

並生研服之塗之生嶺南山石間引蔓而生葉有三
椹花紫色與伏雞子同名承露仙而伏雞子葉圓時
珍曰以根三兩磨汁或煎濃汁服並解蠱毒

千金藤

宋開寶

校正

自木部移入此

集解

藏器曰千金藤有數種南北名模不同大畧主療相似或是皆近干藤也生北地者根大如指

色似漆生南土者黃赤如細辛舒廬間有一種藤似木蓼又有烏虎藤遶樹生冬青亦名千金藤江西林間有草生葉頭有癭子似鶴膝葉如柳亦名千金藤又一種似荷葉只大如錢許亦呼為千金藤又名古藤主痢及小兒大腹千金者以貴為名豈俱一物亦狀異而名同耶若取的稱未知孰是又云嶺南有陳思炭亦名千金藤 氣味 缺 主治一切血毒諸氣霍亂中惡天

行虛勞瘡瘴痰嗽不利癰腫大毒藥石發癰瀉悉主

之

藏器

附錄陳思炭

拾遺藏器曰出嶺南山野蔓生如小豆根及葉辛香一名石黃香一名千金藤

其根味辛平無毒解諸藥毒熱毒丹毒癰腫天行壯熱喉痺蟲毒並磨汁服之亦磨塗瘡腫詢曰味苦平

浸酒服治風補益輕身

九仙子

綱目

釋名仙女嬌

集解

時珍曰九仙子出均州太和山一根連綴九枝大者如雞子小者如半夏白色二月生苗蔓高

六七尺莖細而光葉如烏桕葉而短扁不圓每葉極生子枝或一或二葉裏下垂六七月開碎青黃色花

隨即結實碎子叢簇如穀精草子狀九月采根氣味苦涼無毒主治咽痛喉

痺散血以新汲水或醋磨汁含嚥甚良

時珍

山豆根

宋開寶

釋名解毒

綱目

黃結

綱目

中藥

綱目

曰其蔓如大豆因以為名

集解

頌曰山豆根生劍南及宜州果州山谷今廣西亦有以忠州萬州者為佳苗蔓如豆葉青經冬

不凋八月采根廣南者如小槐高尺餘石鼠食其根故嶺南人捕鼠取腸胃曝乾解毒攻熱効氣味

甘寒無毒

時珍曰按沈括筆談云山豆根味極苦本草言味甘大誤矣

主治解諸

藥毒止痛消瘡腫毒發熱欬嗽治人及馬急黃殺小

蟲

開寶

含之嚙汁解咽喉腫毒極妙

蘇頌

研末湯服五分

治腹脹喘滿酒服三錢治女人血氣腹脹又下寸白

諸蟲丸服止下痢磨汁服止卒患熱厥心腹痛五種

痔痛研汁塗諸熱腫禿瘡蛇狗蜘蛛傷

時珍

附方

舊十新三

解中蠱毒

密取山豆根和水研服少許未定再服已禁聲者亦愈

五

般急黃

山豆根末水服二錢若帶蠱氣以酒下

霍亂吐利

山豆根末橘皮湯下三錢

赤白下痢

山豆根末蜜丸梧子大每服二十九丸空腹白湯下三服自止已上並備急方

水

蠱腹大

有聲而皮色黑者山豆根末酒服二錢聖惠方

卒患腹痛

山豆根水研半

蓋服入口即定頭風熱痛

山豆根末油調塗兩太陽

頭上白屑

山豆根末浸油日塗

之牙齦腫痛

山豆根一片含于痛所已上並備急方

喉中發癰

山豆根磨醋噙

之追涎即愈勢重不能言者頻以雞翎
掃入喉中引涎出就能言語 永類方 麩豆諸瘡 煩

甚者水研山豆根汁 疥癬蟲瘡 山豆根末臘猪脂
服少許 經驗方 調塗 備急方 喉

風急證 牙關緊閉水穀不下山豆根白藥等分水
煎嚙之嚙下二三口即愈 楊清叟外科

黃藥子

宋開寶

校正

自本部移入此

釋名木藥子

綱目

大苦

綱目

赤藥

圖經

紅藥子

時珍曰按沈括筆談云本

草甘草注引郭璞注爾雅云蒿大苦者云即甘草也
蔓生葉似薄荷而色青黃莖亦有節節有枝相當此

乃黃藥也其味極苦
故曰大苦非甘草也

集解

頌曰黃藥原出嶺南今夔陝州郡及明越秦隴
山中亦有之以忠州萬州者為勝藤生高三四

尺根及莖似小桑十月采根秦州出者謂之紅藥子
施州謂之赤藥葉似蕎麥枝梗赤色七月開白花其
根濕時紅赤色曝乾即黃本經有藥實根云生蜀郡
山谷蘇恭云即藥子也用其核仁疑即黃藥之實但
言葉似杏其花紅白色子肉味酸此為不同時珍曰
黃藥子今處處人栽之其莖高二三尺桑而有節似
藤實非藤也葉大如拳長三寸許亦不似桑其根長
者尺許大者圍二三寸外褐內黃亦有黃赤色者肉
色頗似羊蹄根人皆擣其根入染藍甌中云易變色
也唐蘇恭言藥實根即藥子宋蘇頌遂以為黃藥之
實然今黃藥冬枯春生開碎花無實蘇恭所謂藥
子亦不專指黃藥則蘇頌所以言亦未可憑信也

根氣味苦平無毒

大明曰涼治
馬心肺熱疾

主治諸惡腫瘡癰喉

痺蛇犬咬毒研水服之亦含亦塗

開寶

涼血降火消癭

解毒

時珍

發明

頌曰孫思邈千金月令方療忽生瘰疾一二年者以萬州黃藥子半斤須緊重者為上如輕虛

即是他州者力慢須用加倍取無灰酒一斗投藥入中固濟瓶口以糠火燒一復時待酒冷乃開時時飲一盃不令絕酒氣經三五日後常把鏡自照覺消即停飲不爾便令人項細也劉禹錫傳信方亦著其效云得之邕州從事張岩岩目擊有效復試其驗如神其方非同惟小有異處是燒酒候香出外瓶頭有津出即止不待一宿火不可得猛耳

附方

舊三新三

項下瘰氣

黃藥子一斤洗剉酒一斗浸之每日早晚常服一盞忌一切毒

物及戒怒仍以線逐日度吐血不止藥子一兩水煎之乃知其效也斗門方聖惠方

咯血吐血

百一選方用蒲黃黃藥子等分為末掌中
紙之王家博濟方用黃藥子漢防己各

一兩為末每服一錢小麥
湯食後調服一日二服

鼻衄不止

黃藥子為末每
服二錢煎淡膠

湯下良久以新水調麪一匙頭服之兵部手集
方只以新汲水磨汁一盞頓服簡要濟衆方

產後

血運

惡物冲心四肢冰冷唇青腹脹昏迷紅藥子一
兩頭紅花一錢水二盞婦人油釵二隻同煎一

蓋服大小便俱利血自
下也禹講師經驗方

天泡水瘡

黃藥子末搽
之集簡方

解毒子

唐本草

釋名地不容苦藥子

唐本經

集解

恭曰地不容生川西山谷采無時鄉人呼為解
毒子也頌曰出戎州蔓生葉青如杏葉而大厚

硬凌冬不凋無花實根黃白色外皮微粗褐纍纍相連如藥實而圓大采無時又開州與元府出苦藥子大抵與黃藥相類春采根曝乾亦入馬藥用時珍曰四川志云苦藥子出忠州性寒解一切毒川蜀諸處皆有即解毒子也或云邛州苦藥子即黃藥子方言稱呼不同耳理亦近之

根氣味苦大寒無毒主治解蠱毒止煩熱辟瘴癘利喉閉及痰毒

唐本

治五臟邪氣清肺壓熱

蘇頌

消痰降火

利咽喉退目赤

時珍

附方

新二

咽喉腫痛

水漿不下苦藥山豆根甘草硝石各一分射干柑皮升麻各半兩為

末蜜丸噙之

聖惠方

眉稜骨痛

熱毒攻眼頭痛眉痛壯熱不止解毒子木香川大黃各三

分為末漿水調膏攤貼
乾即易之 普濟方

附錄奴會子

海藥珣曰味辛平無毒主小兒無辜冷
疳虛渴脫肛骨立瘦損脾胃不磨劉五

娘方用為煎服生西國
諸戎大小如苦藥子

藥實根

本經曰味辛溫無毒
主邪氣諸痺疼酸續

絕傷補骨髓一名連木別錄曰生蜀郡山谷采無時
恭曰此藥子也當今盛用胡名那疏出通州渝州其
子味辛平無毒主破血止痛消腫除蟲瘕蛇毒樹生
葉似杏花紅白色子肉味酸止用其仁本經誤載根
字時珍曰此藥子雖似黃藥苦藥子而稍有不同二
藥子不結子此則樹之子也葛洪肘後方云婆羅門
名那疎樹子中國人名藥子去
皮取中仁細研服治諸病也

白藥子

唐本草

集解

恭曰白藥子出原州三月生苗葉似苦苣四月抽赤莖長似壺盧蔓六月開白花八月結子亦

名瓜蒌九月葉落枝折采根洗切日乾根皮黃色名白藥子頌曰今夔施合州江西嶺南亦有之江西出者葉似烏桕子如綠豆至六月變成赤色治馬熱方用之

根氣味辛溫無毒

權曰苦冷

主治金瘡生肌

唐本

消腫毒喉

痺消痰止嗽治渴并吐血

大明

治喉中熱塞不通咽中

常痛腫

甄權

解野葛生金已豆藥毒刀斧折傷乾末傳

之能止血痛

馬志

散血降火消痰解毒

時珍

附方

舊四新八

天行熱病

白藥為末漿水一盞冷調二錢服仰臥少頃心悶或腹鳴疔痛

當吐利數行如不止喫冷
粥一盃止之
聖濟錄
心痛解熱
白藥根野豬尾
二味洗去粗皮

焙乾等分搗篩酒服一錢甚
效黔人用之
蘇頌圖經
風熱上壅
咽喉不利白
藥三兩黑牽

牛半兩同炒香去牽牛一半為末防風
末三兩和勻每茶服一錢
聖惠方
喉中熱塞
腫痛

散血消痰白藥朴消等分為
末吹之日四五次
直指方
咽喉腫痛
白藥末一兩
龍腦一分蜜

和丸芡子大每含
燕一丸
聖惠方
吐血不止
白藥燒存性糯米飲
服三錢
聖惠方
衄

血不止
紅棗白藥各燒存性等分為末糯米飲服
或煎湯洗鼻頻頻縮藥令入
經驗良方
胎

熱不安
鐵單散用白藥子一兩白芷半兩為末每服
二錢紫蘇湯下心煩熱入砂糖少許
聖惠

方一切疳眼
赤爛生醫白藥子一兩甘草半兩為末
猪肝一具批開摻末五錢煮熟食之

直指方 小兒疳瀉

吐利方同上

諸骨哽咽

白藥煎米醋細嚥在上即吐出在下

即下出 普濟方

癰腫不散

生白藥根搗貼乾則易之無生者研末水和貼圖經

附錄陳家白藥

拾遺藏器曰味苦寒無毒主解諸藥毒水研服之入腹與毒相攻必吐出

未盡更服亦去心胸煩熱天行瘟疫瘡出蒼梧陳家故有陳家之號明山有之蔓及根並似土瓜葉如錢根似防己緊小者良人亦采食之與婆羅門白藥及赤藥功用並相似時珍曰按劉恂嶺表錄云陳家白藥善解毒諸藥皆不及之救人甚多封州康州有種之者廣府每歲充土貢按此藥當時充貢今無復有或有之古今名 甘家白藥 拾遺藏器曰味苦大寒有小毒解諸藥毒水研服即吐出 謂不同耳 未盡再吐與陳家白藥功相似二物性冷與霍亂下利人相反出龔州以南生陰處葉似車前根如半夏

其汁飲之如蜜因人而名嶺南多毒物亦多解毒物豈天資之乎

會州白藥

拾遺藏器曰主

金瘡生膚止血碎末傳之出會州葉如白斂

衝洞根

拾遺藏器曰味苦平無毒主熱毒蛇犬蟲

癰瘡等毒出嶺南恩州取根陰乾功用同陳家白藥而苗蔓不相似詢曰苗蔓如土瓜根亦相似味辛溫主平完毒氣及蛇傷取根磨水服之諸毒悉皆吐出也

突厥白

宋開寶藏器曰味苦主金瘡生

血止血補腰續筋出突厥國色白如灰乃云石灰諸藥合成者志曰今所用者出潞州其根黃白色狀似茯苓而虛軟苗高三四尺春夏葉如薄荷花似牽牛而紫上有白稜二月八月采根曝乾

威靈仙

宋開寶

釋名

時珍曰威言其性猛也靈仙言其功神也

集解

志曰出商州上洛山及華山并平澤以不聞水聲者良生先于衆草方莖數葉相對冬月丙丁

戊己日采根用恭曰九月未至十二月采根陰乾餘月並不堪采頌曰今陝西及河東河北汴東江湖州郡皆有之初生作蔓莖如釵股七月內生花六出淺紫或碧白色作穗似蒲臺子亦有似菊花頭者實青色根稠密多鬚似穀每年朽敗九月采根時珍曰其根每年旁引年深轉茂一根叢鬚數百條長者二尺許初時黃黑色乾則深黑俗稱鐵腳威靈仙以此別有數種根鬚一樣但色或黃或白皆不可用

根氣味苦溫無毒

元素曰味甘純陽入太陽經杲曰可升可降陰中陽也時珍曰味微

辛鹹不苦忌茗麪湯

主治諸風宣通五臟去腹內冷滯心膈痰

水久積癥瘕疰癖氣塊膀胱宿膿惡水腰膝冷疼療

折傷久服無有溫疫瘧

開寶

推新舊積滯消胸中痰唾

散皮膚大腸風邪

李杲

發明

頌曰唐貞元中嵩陽子周君巢作威靈仙傳云威靈仙去衆風通十二經脈朝服暮效疎宣五

臟冷膿宿水變病微利不瀉人服此四肢輕健手足微煖並得清涼先時商州有人病手足不遂不履地者數十年良醫殫技莫能療所親置之道旁以求救者遇一新羅僧見之告曰此疾一藥可活但不知此土有否因為之入山求索果得乃威靈仙也使服之數日能步履其後山人鄧思齊知之遂傳其事此藥治丈夫婦人中風不語手足不遂口眼喎斜言語蹇滯筋骨節風遠勝風胎風頭風暗風心風風狂大風皮膚風痒白癩風熱毒風瘡頭旋目眩手足頑痺腰膝疼痛久立不得曾經損墜腎腰痛腎臟風壅傷寒

瘴氣憎寒壯熱頭痛流涕黃疸黑疸頭面浮腫腹內
宿滯心頭痰水膀胱宿膿口中涎水冷熱氣壅肚腹
脹滿好喫茶滓心痛注氣膈氣冷氣攻衝脾肺諸氣
痰熱欬嗽氣急坐臥不安氣衝眼赤攻耳成膿陰汗
盜汗大小腸秘服此立通氣痢痔疾瘰癧疥癬婦人
月水不來動經多日氣血衝心產後祕塞孩子無辜
並皆治之其法采得根陰乾月餘搗末溫酒調一錢
七空腹服之如人本性殺藥可加及六錢利過兩行
則減之病除乃停服其性甚善不獨諸藥但惡茶及
麵湯以甘草卮子代飲可也又以一味洗焙為末以
好酒和令微濕入在竹筒內緊塞九蒸九曝如乾添
酒酒之以白蜜和丸梧子大每服二十至三十丸溫
酒下崔元亮海上集驗方著其詳如此恭曰腰腎脚
膝積聚腸內諸冷病積年不瘥者服之無不立效宗
爽曰其性快多服疏人五臟真氣震亨曰威靈仙屬
木治痛風之要藥也在上下者皆宜服之尤效其性

好走亦可橫行故崔元亮言其去衆風通十二經脈
朝服暮効凡采得聞流水聲者知其性好走也須不
聞水聲者乃佳時珍曰威靈仙氣溫味微辛鹹辛泄
氣鹹泄水故風濕痰飲之病氣壯者服之有捷效其
性大抵疎利久服恐損真
氣氣弱者亦不可服之

附方

舊四新
一十六

腳氣入腹

脹悶喘急用威靈仙末每服
二錢酒下痛減一分則藥亦

減一分
簡便方

腰脚諸痛

千金方用威靈仙末空心溫酒
服一錢逐日以微利為度
經

驗方用威靈仙一斤洗乾好酒浸七日為
末麵糊丸梧子大以浸藥酒每服二十九

腎臟風壅

腰膝沉重威靈仙末蜜丸梧子大溫酒服八十九平
明微利惡物如青膿膠即是風毒積滯如未利再服
一百丸取下後食粥補之一月仍常
服溫補藥孫兆方名故杖丸
集驗

筋骨毒痛

因患
楊梅

瘡服輕粉毒藥年久不愈者威靈仙三斤水酒十瓶封煮一炷香出大毒逐日飲之以愈為度集簡方

破傷風病

威靈仙半兩獨頭蒜一個香油一錢同搗爛熱酒衝服汗出即愈衛生易簡方

手足麻痺

時發疼痛或打撲傷損痛不可忍或癱瘓等證威靈仙炒五兩生川烏頭五靈脂各

四兩為末醋糊丸梧子大每服男婦氣痛不拘久近七丸用鹽湯下忌茶普濟方

兩生韭根二錢半烏藥五分好酒一盞雞子一個灰火煨一宿五更視雞子殼軟為度去渣溫服以乾物

壓之側睡向塊邊再煎次日服噎塞膈氣威靈仙覺塊刺痛是其驗也摘玄方

蜜各半盞煎五分服之吐停痰宿飲喘欬嘔逆全不出宿痰愈唐珣經驗方

半夏薑汁浸焙為末用皂角水熬膏九綠豆大每服七丸至十九薑湯下一日三服一月為驗忌茶麵

腹中痞積

威靈仙 楮桃兒 各一兩 為末 每大腸冷積

威靈仙末蜜丸 梧子大一更時生薑 腸風瀉血 威靈

湯下十九至二十九 經驗良方 仙雞冠花各二兩 米醋二升 煮乾炒為末 以雞子白

和作小餅炙乾 再研每服二錢 陳米飲下 日二服 聖濟痔瘡腫痛 威靈仙三兩水一斗煎湯先熏 諸骨哽

咽 威靈仙一兩二錢 砂仁一兩 沙糖一盞 水二鍾煎 一鍾溫服 乾坤生意用威靈仙米醋浸二日晒

研末醋糊丸 梧子大每服二三九 半茶半湯下 如欲 吐以銅青末半匙入油一二點茶服 探吐 聖濟錄

治雞鵞骨哽赤莖威靈仙五錢井 飛絲纏陰 腫痛欲 華水煎服即軟如綿吞下也 甚效 斷以威

靈仙搗汁浸洗一人病 痘瘡黑陷 鐵脚威靈仙炒研 此得效 李懷怪證方 一錢腦子一分溫

水調服取下瘡痂為效
意同百祥九儒門事親

茜草

本經上品

校正

併入有名未用別錄苗根

釋名蒨

音蒨

茅蒐

音蒐

茹蘆

音如

地血

別錄

染緋草

蜀本

血見

愁

土宿

風車草

土宿

過山龍

補遺

牛蔓

時珍曰按陸佃云許

氏說文言蒐乃人血

所化則草鬼為蒐以此也陶隱居本草言東方有而
少不如西方多則西草為蒨又以此也陸璣云齊人
謂之蒨徐人謂之牛蔓又草之盛者為蒨牽別為茹
連覆為蘆則蒨茹蘆之名又取此義也人血所化之
說恐亦俗傳耳土宿真君本草云四補草其根蒨草
也一名西天王草一名四岳近陽草一名鐵塔草風
車兒草藏器曰有名未用苗根即蒨根
也蒨苗二字相似傳寫之誤爾宜併之

集解

別錄曰苗根生喬山山谷二月三月采根曝乾

又曰苗根生山陰谷中蔓草大上莖有刺實如

椒弘景曰此即今染絳苗草也東間諸處乃有而少

不如西多詩云茹蕕在阪者是也保昇曰染緋草葉

似棗葉頭尖下闊莖葉俱濇四五葉對生節間蔓延

草木上根紫赤色所在皆有八月采頌曰今圃人亦

作畦種蒔故史記云千畝蒔其人與千戶侯等言

其利厚也時珍曰苗草十二月生苗蔓延數尺方莖

中空有筋外有細刺數寸一節每節五葉葉如烏藥

葉而糙澀面青背綠七八月開花結實如小椒大中

子

有細

根修治

數曰凡使用銅刀於槐砧上剉日乾勿犯鉛

鐵氣勿用赤柳草根真相似只是味酸濇誤

服令人患內障眼速服氣味苦寒無毒

甘草水止之即毒氣散

權曰甘大明曰酸入藥炒

用震亨曰熱元素曰微酸鹹溫陰中之陰別錄
曰苗根鹹平無毒之才曰畏鼠姑汁制雄黃 主治

寒濕風痺黃疸補中

本經

止血內崩下血膀胱不足痿

跌蠱毒久服益精氣輕身可以染絳又苗根主痺及

熱中傷跌折

別錄

治六極傷心肺吐血瀉血

甄權

止鼻洪

尿血產後血運月經不止帶下撲損淤血泄精痔瘻

瘡癰排膿酒煎服

大明

通經脈治骨節風痛活血行血

時珍

發明

藏器曰苗草主蠱毒煮汁服周禮庶民掌除蠱毒以嘉草攻之嘉草者藁荷與苗也主蠱為最

震亨曰俗人治痛風用草藥取速效如石缺為君過山龍等佐之皆性熱而燥不能養陰却能燥濕病之淺者濕痰得燥而開於血得熱而行故亦暫效若病深而血少者則愈劫愈虛而病愈深矣時珍曰茜根色赤而氣溫味微酸而帶鹹色赤入營氣溫行滯味酸入肝而鹹走血手足厥陰血分之藥也專于行血活血俗方用治女子經水不通以一兩煎酒服之一日即通甚效名醫別錄言其久服益精氣輕身日華子言其泄精殊不相合恐未可憑

附方 舊三吐血不定

茜根一兩搗末每服二錢水煎冷服亦可水和二錢服 周應

簡要濟

吐血躁渴

及解毒用茜根雄黑豆去皮甘草炙等分為末井水丸彈子大每溫

水化服一九

鼻血不止

茜根艾葉各一兩烏梅肉二錢半為末煉蜜九梧子大每

聖濟錄

烏梅湯下五十

五旬行經

婦人五十後經水不止者
作敗血論用茜根一名過

山薑一兩阿膠側柏葉炙黃芩各五錢生地黃一兩
小兒胎髮一枚燒灰分作六帖每帖水一盞半煎七

分入髮灰服之

女子經閉

方見前

心痺心煩

內熱茜根煮汁

服傷寒類要

解中蠱毒

吐下血如豬肝茜草根葉荷葉各
三分水四升煮二升服即愈自當

呼蠱主姓名也
陳延之小品方

黑髭烏髮

茜草一斤生地黃三斤
取汁以水五大盞煎茜

絞汁將滓再煎三度以汁同地黃汁微火煎如膏以
瓶盛之每日空心溫酒服半匙一月髭髮如漆也忌

蘿蔔五辛
聖濟錄

螻蛄漏瘡

茜根燒灰千年石灰等分為
末油調傳之儒門事親方脫

肛不收

茜根石榴皮各一握酒一
盞煎七分溫服

聖惠方

預解瘡疹

時行瘡疹正發

服此則可無患
入少酒飲之
奇效良方

附錄血藤

宋圖經頌曰生信州葉如蔓蘭葉根如大
梅指其色黃彼人五月採用攻血治氣塊

時珍曰按虞搏云血藤即過山
龍理亦相近未知的否姑附之

剪草

日華

集解

藏器曰剪草生山澤間葉如茗而細江東用之
頌曰生潤州二月三月采曝乾用時珍曰按許

叔微本事方言剪草狀如茜草又如細辛婺台二州
皆有之惟婺州者可用其說殊詳今遍詢訪無識者
或云即茜草也未有的據

根氣味苦涼無毒

頌曰

主治諸惡瘡疥癬風瘙癢蝕

有蟲浸酒服

大明主一切失血時珍

發明

元素曰上部血須用剪草牡丹皮天門冬麥門冬時珍曰許學士本事方云剪草治勞瘵吐血

損肺及血妄行名曰神傳膏其法每用一斤淨洗晒為末入生蜜二斤和為膏以器盛之不得犯鐵器一日一蒸九蒸九曝乃止病人五更起面東坐不得語言以匙抄藥四匙食之良久以稀粟米飲壓之藥只冷服米飲亦勿大熱或吐或否不妨如久病肺損咯血只一服愈尋常嗽血妄行每服一匙可也有一貴婦病瘵得此方九日藥成前一夕病者夢人戒令翌日勿亂服藥次日將服藥屋上土墜器中不可用再合成將服為籍覆器又不得食再合未就而夫人卒矣此藥之異有如此若小小血妄行只一啜而愈也此藥絕妙若此而世失傳惜哉

附方

新

風蟲牙痛

剪草細辛藁本等分煎水熱漱少頃自止中藏經

風瘡瘙

痒

滑肌散治風邪客于肌中渾身瘙痒致生瘡疥及脾肺風毒攻衝生瘡乾濕日久不瘥用剪草七兩

不見火輕粉一錢為末摻之乾者麻油調摻和劑局方

防已

本經中品

釋名解離

本經

石解

時珍曰按東垣李杲云防已如險健之人幸災樂禍能首為亂階若

善用之亦可禦敵其名或取此義解離因其紋解也

集解

別錄曰防已生漢中川谷二月八月采根陰乾當之曰其莖如葛蔓延其根外白內黃如桔梗

內有黑紋如車輻解者良弘景曰今出宜都建平大而青白色虛軟者好黑點木强者不佳服食亦須之

頌曰今黔中亦有之但漢中出者破之文作車輻解黃實而香莖梗甚嫩苗葉小類牽牛折其莖一頭吹之氣從中貫如木通然他處者青白虛軟又有腥氣皮皺上有丁足子名木防己蘇恭言木防己不任用而古方張仲景治傷寒有增減木防己湯及防己地黃湯五物防己湯黃芪六物等湯孫思邈治遺尿小便澀亦有三物木防己湯藏器曰如陶所說漢木二防己即是根苗為名

修治

數曰凡使勿用木條色黃腥皮皺上有丁足子不堪用惟要心有花文黃色者細剉以車前草

根相對蒸半日晒乾取用時珍

氣味辛平無毒

別錄曰苦

溫普曰神農辛黃帝岐伯桐君苦無毒李當之大寒權曰若有小毒元素曰大苦辛寒陰也泄也之才曰殷孽為之使殺雄黃毒惡細

主治風寒溫瘧熱氣諸

辛畏草薺女苑鹵鹹伏消石

癰除邪利大小便

經本

療水腫風腫去膀胱熱傷寒熱

邪氣中風手脚攣急通腠理利九竅止洩散癰腫惡

結諸痼疥癬蟲瘡

別錄

治濕風口面喎斜手足拘痛散

留痰肺氣喘嗽

甄權

治中下濕熱腫洩脚氣行十二經

元素

木防己主治男子肢節中風毒風不語散結氣擁

腫溫瘡風水腫去膀胱熱

甄權

發明

弘景

曰防己是療風水要藥藏器曰治風用木

并泄膀胱火邪必用漢防己草龍膽為君黃蘗知母
甘草佐之防己乃太陽本經藥也杲曰本草十劑云

通可去滯通草防己之屬是也夫防己大苦寒能瀉血中濕熱通其滯塞亦能瀉大便秘陰瀉陽助秋冬瀉春夏之藥也比之於人則險而健者也幸災樂禍能首為亂階然善用之亦可敵兇突險此瞑眩之藥也故聖人存而不廢大抵聞其臭則可惡下咽則令人身心煩亂飲食減少至于十二經有濕熱壅塞不通及下注脚氣除膀胱積熱而庇其基本非此藥不可真行經之仙藥無可代之者若夫飲食勞倦陰虛生內熱元氣穀食已虧以防己泄大便則重亡其血此不可用一也如人大渴引飲是熱在上焦肺經氣分宜滲泄而防己乃下焦血分藥此不可用二也外傷風寒邪傳肺經氣分濕熱而小便黃赤乃至不通此上焦氣病禁用血藥此不可用三也大抵上焦濕熱者皆不可用下焦濕熱流入十二經致二陰不通者然後審而用之

附方

新九

皮水附腫

按之沒指不惡風水氣在皮膚中四肢聶聶動者防已茯苓湯

主之防已黃芪桂枝各三兩茯苓六兩甘草三兩每服一兩水一升煎半升服日二服張仲景方風

水惡風

汗出身重脈浮防已黃芪湯主之防已一兩黃芪二兩二錢半白朮七錢半炙甘草半兩

劉散每服五錢生薑四片棗一枚水一盞半煎風濕八分溫服良久再服腹痛加芍藥仲景方

相搏

關節沉痛微腫惡風方同上

小便淋瀝

三物木防已湯用木防已防風葵子各二

兩呋咀水五升煎二升半分三服千金方

膈間支飲

其人喘滿心下痞堅面黎黑其脈沉

緊得之數十日醫吐下之不愈木防已湯主之虛者即愈實者三日復與之不愈去石膏加茯苓芒消主

之用木防已三兩人參四兩桂枝二兩石膏雞傷寒子大十二枚水六升煮二升分服張仲景方

喘急

防已人參等分為末桑白湯服二錢不拘老小

肺痿喘嗽

漢防已末二錢漿水一盞

煎七分細呷

肺痿咯血

多痰者漢防已葶藶等分為末糯米飲每服一錢古今

儒門事親

錄鼻衄不止

生防已末新汲水服二錢仍少許啗之

霍亂吐利

防已

白芷等分為末新汲水服二錢聖惠方

目睛暴痛

防已酒浸三次為末每一服二錢溫酒下

玄方 摘雄黃毒

防已煎汁服之

實主治脫肛焙研煎飲代茶

肘后

通草

本經中品

釋名木通

士良

附支

本經

丁翁

吳普

萬年藤

甄權

子名燕覆

時珍

曰有細細孔兩頭皆通故名通草即今所謂木通也
今之通草乃古之通脫木也宋本草混注為一名實
相亂今分出之

集解

別錄曰通草生石城山谷及山陽正月二月采
枝陰乾弘景曰今出近道遶樹藤生汁白莖有

細孔兩頭皆通含一頭吹之則氣出彼頭者良或云
即菑藤莖也恭曰此物大者徑三寸每節有二三枝
枝頭有五葉子長三四寸核黑瓢白食之甘美南人
謂為燕覆子或名烏覆子遇七八月采之藏器曰江
東人呼為畜菑子江西人呼為拏子如算袋瓢黃子
黑食之去皮蘇云色白者乃猴菑也頌曰今澤路漢
中江淮湖南州郡亦有之藤生蔓大如指其莖幹大
者徑三寸一枝五葉頗類石韋又似芍藥二葉相對
夏秋開紫花亦有白花者結實如小木瓜食之甘美
即陳士良本草所謂椶椶子也其枝今人謂之木通

而俗間所謂通草乃通脫木也古方所用通草皆今之木通其通脫木稀有使用者或以木通為葡萄苗者非矣按張氏燕吳行紀載揚州甘泉東院兩廊前有通草其形如椿少葉子垂稍際如苦楝與今所說不同或別一物也時珍曰今之木通有紫白二色紫者皮厚味辛白者皮薄味淡本經言味辛別錄言味甘是二者皆能通利也

氣味辛平無毒

別錄曰甘權曰微寒普曰神農黃帝辛雷公苦杲曰味甘而淡氣平味薄

降也陽中陰也

主治除脾胃寒熱通利九竅血脈關節令人

不忘去惡蟲

本經

療脾疸常欲眠心煩噦出音聲治耳

聾散癰腫諸結不消及金瘡惡瘡鼠癰痿折艷鼻息

肉墮胎去三蟲

別錄

治五淋利小便開關格治人多睡

主水腫浮大

甄權

利諸經脈寒熱不通之氣

說

理風熱

小便數急疼小腹虛滿宜煎湯并蔥飲有效

士良

安心

除煩止渴退熱明耳目治鼻塞通小腸下水破積聚

血塊排膿治瘡癰止痛催生下胞女人血閉月候不

勻天行時疾頭痛目眩羸劣乳結及下乳

大利

大小

便令人心寬下氣

藏器

主諸癰瘡喉痺咽痛濃煎含嚥

珣

通經利竅導小腸火

杲

發明

杲曰本草十劑通可去滯通草防己之屬是也夫防己大苦寒能瀉血中濕熱之滯又通大便

通草甘淡能助西方秋氣下降利小便專瀉氣滯也肺受熱邪津液氣化之原絕則寒水斷流膀胱受濕熱癰閉約縮小便不通宜此治之其症胸中煩熱口燥舌乾咽乾大渴引飲小便淋瀝或閉塞不通脛痠脚熱並宜通草主之凡氣味與之同者茯苓澤瀉燈草猪苓琥珀瞿麥車前子之類皆可以滲濕利小便泄其滯氣也又曰木通下行泄小腸火利小便與琥珀同功無他藥可比時珍曰木通手厥陰心包絡手足太陽小腸膀胱之藥也故上能通心清肺治頭痛利九竅下能泄濕熱利小便通大腸治遍身拘痛本經及別錄皆不言及利小便治淋之功甄權日華子輩始發揚之蓋其能泄丙丁之火則肺不受邪能通水道水源既清則津液自化而諸經之濕與熱皆由小便泄去故古方導赤散用之亦瀉南補北扶西抑

東之意楊仁齋直指方言人遍身胸腹隱熱疼痛拘急足冷皆是伏熱傷血血屬于心宜木通以通心竅則經絡流行也

附方

舊二新

一心熱尿赤

面赤唇乾咬牙口渴導赤散用木通生地黃炙甘草等分入水

竹葉七片水煎服

錢氏方婦人血氣

木通濃煎三五盞飲之即通

孟詵本草金瘡

踣折

通草煮汁釀酒日飲

鼠瘻不消

方同上

根主治項下瘰癧

甄權

子氣味甘寒無毒

詵曰平南人多食之北人不知其功

主治厚腸胃令

人能食下三焦惡氣續五臟斷絕氣使語聲足氣通

十二經脈和核食之

孟詵

除三焦客熱胃口熱閉胃不

下食

士良

止渴利小便

時珍

通脫木

法象

釋名通草

綱目

活茺

音奪

離南

頌曰

爾雅離南活茺即通

倚商杲曰陰竅瀉而不利水腫閉而不行用之立通
因有通草之名與木通同功嘉謨曰白瓢中藏脫木

得之故名通脫

集解

藏器曰通脫木生山側葉似蓖麻其莖空心中有白瓢輕白可愛女人取以飭物俗名通草頌

曰郭璞言生江南高丈許大葉似荷而肥莖中瓢正
白今園圃亦有種蒔者或作蜜煎充果食之甘美時

珍曰蔓生山中
莖大者圍數寸

氣味甘淡寒無毒

果曰甘平降也陽中陰也

主治利陰竅治五淋

除水腫癰閉瀉肺

李杲

解諸毒蟲痛

蘇頌

明目退熱下乳

催生

汪機

發明

杲曰通草瀉肺利小便甘平以緩陰血也與燈草同功宜生用之時珍曰通草色白而氣寒味

淡而體輕故入太陰肺經引熱下降而利小便入陽明胃經通氣上達而下乳汁其氣寒降也其味淡升也

附方

新

洗頭風痛

新通草瓦上燒存性研末二錢熱酒下可關緊者幹口灌之王璆

百一
選方

花上粉主治諸蟲癭惡瘡痔疾納之藏器療癰癰及胸

中伏氣攻胃咽

蘇頌

附錄天壽根

圖經頌曰出台州每歲土貢其性涼治胸膈煩熱上人常用有效

釣藤

別錄下品

校正

自木部移入此

釋名

弘景曰出建平亦作弔藤療小兒不入餘方時珍曰其刺曲如釣鈎故名或作弔從簡耳

集解

恭曰釣藤出梁州葉細長其莖間有刺若鈎頌曰今秦中興元府有之三月采宗奭曰湖南

湖北江南江西山中皆有之藤長八九尺或一二丈大如莓指其中空小人用致酒甕中盜取酒以氣吸

之涓涓不斷時珍曰狀如葡萄藤而有鈎紫
色古方多用皮后世多用鈎取其力銳爾

氣味甘微寒無毒

保昇曰苦權曰甘平時
珍曰初微甘後微苦平

主治小兒寒熱十二驚癇

別錄

小兒驚啼癰癧熱壅客

忤胎風

權

大人頭旋目眩平肝風除心熱小兒內釣

腹痛發斑疹

時珍

發明

時珍曰釣藤手足厥陰藥也足厥陰主風手厥
陰主火驚癇眩運皆肝風相火之病釣藤通心

包于肝木風靜火息則諸證自除或
云入數寸于小麥中蒸熟喂馬易肥

附方

新

小兒驚熱

釣藤一兩消石半兩甘草炙一分
為散每服半錢溫水服日三服名

延齡散

聖濟錄

卒得癰疾

鈞藤甘草炙各二錢水五合煎二合每服棗許日五夜三度

聖惠

斑疹不快

鈞藤鈎子紫草茸等分為末每服一字或半錢溫酒服錢氏方

方

附錄倒掛藤

拾遺藏器曰味苦無毒主一切老血及產後諸疾結痛血上欲死煮汁服之生

深山有逆刺如懸鈎

倒掛于樹葉尖而長

黃藤

綱目

集解

時珍曰黃藤生嶺南狀若防己俚人常服此藤縱飲食有毒亦自然不發席鞭刺史云甚有效

氣味甘苦平無毒主治飲食中毒利小便煮汁頻服

即解

時珍

白兔藿

本經上品

釋名白葛普

集解

別錄曰生交州山谷弘景曰此藥解毒莫之與敵而人不復用不聞識者恭曰荆襄山谷今有

之蔓生山南人謂之白葛苗似蘿蘆葉圓厚莖有白毛與衆草異用藿療毒有効而交廣又有白花藤亦解毒用根不用苗保昇曰蔓生葉圓者尊今襄州北汝州南岡上有五月六月采苗日乾

氣味苦平無毒主治蛇虺蜂蠆獬狗菜肉蠱毒鬼症

風症諸大毒不可入口者皆消除之又去血可末著

痛上立清毒入腹者煮汁飲即解本經風邪熱極煮汁

飲搗末傳諸毒妙

李珣

白花藤

唐本草

集解

恭曰生嶺南交州廣州平澤苗似野葛葉似女貞莖葉俱無毛而白花其根似葛而骨柔皮厚

肉白大療毒用根不用苗保昇曰蔓生白花葉有細毛根似牡丹骨柔皮白而厚凌冬不凋斃曰凡使勿用菜花藤真相似只是味酸濇白
花藤味甘采得去根細剉陰乾用

氣味苦寒無毒主治解諸藥菜肉中毒漬酒主虛勞

風熱

唐本

發明

時珍曰蘇言用根雷言用苗都可用爾按葛洪肘后方云席辦刺史在嶺南日久言俚人皆因

飲食入毒多不即覺漸不能食或心中漸脹先寒似瘴急含白銀一宿變色者即是也銀青是藍藥銀黃者是菌藥菌音混草名也但取白花藤四兩出嵩州者為上不得取近野葛生者洗切同乾藍實四兩水七升煮取半空腹頓服少悶勿怪其毒即解

白英

本經上品

校正

併入別錄鬼目

釋名穀菜

別錄

白草

同上

白幕

拾遺

排風

同上

子名鬼目

時珍曰白

英謂其花色穀菜象其葉文排風言其功用鬼目象其子形別錄有名未用復出鬼目雖苗子不同實一物也故併之

集解

別錄曰白英生益州山谷春采葉夏采莖秋采花冬采根又曰鬼目一名來甘實赤如五味十

月采弘景曰鬼目俗人呼為白草子是矣又曰白英
方藥不復用此有斛菜花益州乃有苦菜土人專食
之充健無病疑或是此恭曰白英鬼目草也蔓生葉
似王瓜小長而五極實圓若龍葵子生青熟紫黑東
人謂之白草陶云白草似識之而不力辨藏器曰白
英鬼目菜也蔓生三月延長爾雅名符郭璞云似葛
葉有毛子赤色如耳瑠珠若云子黑誤矣江東夏月
取其莖葉煮粥食極解熱毒時珍曰此俗名排風子
是也正月生苗白色可食秋開小白花子如龍葵子
熟時紫赤色吳志云孫皓時有鬼目菜緣棗樹長丈
餘葉廣四寸厚三分人皆異之即此物也又羊蹄草
一名鬼目嶺南有木果亦名鬼目葉似楮子大如鴨
子七八月熟黃色味酸可
食皆與此同名異物也

根苗氣味甘寒無毒

主治寒熱八疸消渴補中益氣久服輕身延年

本經

作羹飲甚療勞

引景

煩熱風癰丹毒瘡瘡寒熱小兒結

熱煮汁飲之

藏器

鬼目

子也

氣味酸平無毒主治明目

別錄

附方

一新

目赤頭旋

眼花

面腫

風熱

上攻

用排

風子

焙

甘草灸菊花焙各一兩為末每服

二錢臥時溫水下
聖濟錄

蘿摩

唐本草

校正

併入拾遺
斫合子

釋名

音

苽蘭

詩疏

白環藤

拾遺

實名雀瓢

陸璣

斫合子

拾遺

羊婆奶

綱目

婆婆鍼線包

藏器

曰漢高帝用子傅軍士

金瘡故名斫合子時珍曰白

環即芄字之訛也其實嫩時有漿裂時如瓢故有雀
瓢羊婆奶之稱其中一子有一條白絨長二寸許故
俗呼婆婆婆鍼線包又
名婆婆鍼袋兒也

集解

弘景曰蘿摩作藤生摘之有白乳汁人家多種
之葉厚而大可生啖亦蒸煮食之謂云去家十
里勿食蘿摩枸杞言其補益精氣強盛陰道與枸杞
葉同也恭曰按陸機詩疏云蘿摩一名芄蘭幽州謂
之雀瓢然雀瓢是女青別名也蘿摩葉似女青故亦
名雀瓢女青葉似蘿摩兩葉相對子似瓢形大如囊
許故名雀瓢根似白薇莖葉並臭生平澤別錄云葉
嫩時似蘿摩圓端大莖實黑藏器曰蘿摩東人呼為
白環藤生蘿落間折之有白汁一名雀瓢其女青終
非白環二物相似不能分別又曰斫合子作藤生蔓
延蘿落間至秋霜合子如柳絮一名雞腸一名薰桑
時珍曰斫合子即蘿摩子也三月生苗蔓延蘿垣極

易繁衍其根白軟其葉長而後大前尖根與莖葉斷之皆有白乳如構汁六七月開小長花如鈴狀紫白色結實長二三寸大如馬兜鈴一頭尖其殼青軟中有白絨及漿霜后枯裂則子飛其子輕薄亦如兜鈴子商人取其絨作坐褥代綿云甚輕暖詩云芄蘭之支童子佩觿芄蘭之葉童子佩鞶觿音畦解結角錐也此物實尖垂于支間似之鞶音涉張弓指彊也此葉后彎似之故以比興也一種莖葉及花皆似蘿摩但氣臭根紫結子圓大如豆生青熟赤為異此則蘇恭所謂女青似蘿摩陳藏器所謂二物相似者也蘇恭言其根似白微子似瓢形則誤矣當從陳說此乃藤生女青與蛇銜根之女青名同物異宜互攷之

子氣味甘辛溫無毒

時珍曰
甘微辛

主治虛勞補益精氣強陰道葉煮食功同子

唐
本擣子

傳金瘡生膚止血搗葉傳腫毒藏器取汁傳丹毒赤腫

及蛇蟲毒即消蜘蛛傷頻治不愈者搗封二三度能

爛絲毒即化作膿也時珍

附方新補益虛損

極益房勞用蘿摩四兩枸杞根皮五味子柏子仁酸棗仁乾地黃各

三兩為末每服方寸匕酒下日三服千金方

損傷血出

痛不可忍用蘿上婆婆鍼袋兒搗水

服渣卷瘡口立效袖珍

赤地利

唐本草

校正

併入拾遺五毒草

釋名赤薜荔

綱目

五毒草

拾遺

五葢

拾遺

蛇苺

拾遺

山蕎麥

圖經

時珍曰

並未詳

集解

恭曰所在山谷有之蔓生葉似蘿藦根皮赤黑肉黃赤二月八月采根日乾頌曰所在皆有今

惟華山有之春夏生苗作蔓繞草木上莖赤葉青似蕎麥葉七月開白花亦如蕎麥結子青色根若菰蔞皮紫赤肉黃赤八月采根曬乾收藏器曰五毒草生江東平地花葉並如蕎麥根紫硬似狗脊亦名蛇蒿名同物異時珍曰五毒草即赤地利今併為一

根修治

穀曰凡采得細剉用藍葉并根同入生絹袋盛之蒸一伏時去藍晒用

氣味苦平無毒

藏器曰酸平伏丹砂

主治赤白冷熱諸痢斷血

破血帶下赤白生肌肉

唐本

主癰疽惡瘡毒腫赤白游

瘰癧蠶蛇犬咬並醋摩傳之亦擣莖葉傳之恐毒入

腹煮汁飲

藏器

發明

時珍曰唐張仲文備急方治青赤黃白等痢鹿茸丸方中用之則其功長于涼血解毒可知矣

附方

舊二

小兒熱瘡

身面皆有如火燒者赤地利末粉之

火瘡滅癥

赤地利末

油調塗

聖惠

紫葛

唐本草

集解

恭曰生山谷中苗似葡萄長丈許根紫色大者徑二三十寸保昇曰所在皆有今出雍州葉似蓼

萸其根皮肉俱紫色三八月采根皮日乾大明曰紫葛有二種此是藤生者頌曰今惟江寧府及台州生

之春生冬枯似
葡萄而紫色

根皮氣味甘苦寒無毒

大明曰苦滑冷
燒反制消石

主治癰腫惡

瘡擣米醋和封之

恭

主癰緩攣急并熱毒風通小腸

大生肌散血

時珍

附方

舊二

產后煩渴

血氣上冲也紫葛三兩水
二升煎一升去滓呷之

金瘡傷

損

生肌破血用紫葛二兩順流水三盞煎
一盞半分三服酒煎亦妙並經效方

烏薺莓

唐本草

釋名五葉莓

弘景

龍草

同

拔

爾雅

龍葛

同

赤葛

綱目

五爪龍

同
赤潑藤

時珍曰五葉如白薇故曰烏薇俗名五爪龍江東呼龍尾亦曰虎葛曰龍曰葛並取

蔓形赤潑與赤葛及拔音相近

集解

弘景曰五葉莓生籬援間作藤擣根傳癰瘡有效恭曰蔓生平澤葉似白薇四月五月采之保

昇曰莖端五葉開花青白色所在有之夏采苗用時珍曰墜塹間甚多其藤柔而有稜一枝一鬚凡五葉葉長而光有疎齒面青背淡七八月結苞成簇青白色花大如粟黃色四出結實大如龍葵子生青熟紫內有細子其根白色大者如指長一二尺擣之多涎滑傳滋醫學集成謂即紫葛楊起簡便方謂即老鴉眼睛草斗門方謂即何首烏並誤矣

氣味酸苦寒無毒

主治癰癤瘡腫虫咬擣根傳之弘景風毒熱腫游丹擣

傳并飲汁恭涼血解毒利小便根搗酒服消癰腫神

效時珍

附方五小便尿血

五葉藤陰乾為末每服二錢白湯下衛生易簡方喉痺腫

痛

五爪龍草車前草馬蘭菊各一握擣汁徐燠祖傳方也醫學正傳項下熱腫俗名

瘰癧五葉藤擣傳一切腫毒發背乳癰便毒惡瘡初起者並用五葉藤或根一握

生薑一塊擣爛入好酒一盞絞汁熱服取汁以跌撲

損傷

五爪龍擣汁和童尿熱酒服之取汗簡便方

葎草

唐本草

校正

併入有名
未用勒草

釋名勒草

別錄

葛勒蔓

蜀圖經

來莓草

別本時珍曰此草
莖有細刺善勒入

膚故名勒草訛為葎草又訛為來莓
皆方音也別錄勒草即此今併為一

集解

恭曰葎草生故墟道旁葉似蓖麻而小且薄蔓
生有細刺亦名葛葎蔓古方亦時用之保昇曰

野處多有之葉似大麻花黃白色子若大麻子俗名
葛勒蔓夏采莖葉曝乾用別錄曰勒草生山谷如枯
樓時珍曰二月生苗莖有細刺葉對節生一葉五尖
微似蓖麻而有細齒八九月開細紫花成簇結子狀
如黃
麻子

氣味甘苦寒無毒主治勒草主瘀血止精益盛氣

別錄

葎草主五淋利小便止水痢除瘡虛熱渴煮汁或生

擣汁服

恭

生汁一合服治傷寒汗後虛熱

宗

療膏淋

久痢疥癩

頌

潤三焦消五穀益五臟除九蟲辟溫疫

傅蛇蠍傷

時珍

附方

舊三

小便石淋

葛葎掘出根挽斷以盂于坎中承取汁服一升石當出不出更

服范

小便膏淋

葎草擣生汁三升酢二合合和頓服當尿下白汁

尿血淋

瀝

同上

產婦汗血

汚衣赤色

方同上

久痢成疳

葛勒蔓末以管吹入肛門中不

過數次

新久瘡疾

用葛葎草一握一名勒蔓去兩頭秋冬用乾者恒山末等分以淡漿

水二大盞浸藥星月下露一宿
五更煎一盞分二服以吐痰愈
遍體癩瘡葦草一擔以水二石

煮取一石漬之不過三
作愈並葦宙獨行方
烏癩風瘡葛葦草三秤切洗益母草一秤切以

水二石五斗煮取一石五斗去滓入甕中浸浴一時
方出坐密室中又暖湯浴一時乃出暖臥取汗勿令
見風明日又浴如浴時瘙痒不可忍切勿搔動
少頃漸定后隔三日一作以愈為度
聖濟錄

羊桃本經下品

釋名鬼桃本經羊腸同萇楚爾雅鉞芑音姚弋或作御弋細子並未

詳

集解別錄曰羊桃生山林川谷及田野二月采陰乾弘景曰山野多有勝似家桃又非山桃花甚赤

子小細而苦不堪食詩云隰有萋楚即此方藥不復用保昇曰生平澤中處處有之苗長而弱不能為樹葉花皆似桃子細如棗核今人呼為細子其根似牡丹郭璞云羊桃葉似桃其花白色子如小麥亦似桃形陸機詩疏云葉長而狹花紫赤色其枝莖弱過一尺引蔓于草上今人以為汲灌重而善沒不如楊柳也近下根刀切其皮著熱灰中脫之可韜筆管也時珍曰羊桃莖大如指似樹而弱如蔓春長嫩條柔軟葉大如掌上綠下白有毛狀似芋麻而圓其條浸水有涎滑

莖根氣味苦寒有毒

藏器曰甘無毒

主治燔熱身暴赤色除

小兒熱風水積聚惡瘍

本經

去五臟五水大腹利小便

益氣可作浴湯

別錄

煮汁洗風痒及諸瘡腫極效

恭

根

浸酒服治風熱羸老

藏器

附方

舊一
新三

傷寒變慝

四肢煩疼不食多睡羊桃十斤
搗熟浸熱湯三斗日正午時入

坐一炊久不過
三次愈千金

傷寒毒攻

手足腫痛羊桃煮汁
入少鹽漬之時後

水氣

鼓脹

大小便瀉羊桃根桑白皮木通大戟炒各半斤
剉水一斗煮五升熬如稀餲每空心茶服一匙

二便利食粥補
之聖惠方

蜘蛛咬毒

羊桃葉搗傅之
立愈備急方

絡石

本經
上品

釋名石鮫

吳普作
鮫石

石龍藤

別錄

懸石

同

耐冬

恭

雲花

普

雲英

普

雲丹

普

石血

恭

雲珠

別錄

石石

蹉恭曰俗名耐冬

石石

蹉恭曰俗名耐冬

石石

蹉恭曰俗名耐冬

石石

蹉恭曰俗名耐冬

石石

蹉恭曰俗名耐冬

以其包絡石木而生故名絡石山南
人謂之石血療產後血結大良也

集解

別錄曰絡石生太山川谷或石山之陰或高山
巖石上或生人間五月采弘景曰不識此藥方

法無用者或云是石類既生人間則非石猶如石斛
繫石為名耳恭曰此物生陰濕處冬夏常青實黑而
圓其莖蔓延遶樹石側若在石間者葉細厚而圓短
遶樹生者葉大而薄人家亦種之為飾保昇曰所在
有之生木石間凌冬不凋葉似細橘葉莖節著處即
生根鬚包絡石旁花白子黑六月七月采莖葉日乾
藏器曰在石者良在木者隨木性有功與薜荔相似
更有石血地錦等十餘種藤並是其類大畧皆主風
血暖腰脚變白不老蘇恭言石血即絡石殊誤矣絡
石葉圓正青石血葉尖一頭赤色時珍曰絡石帖石
而生其蔓折之有白汁其葉小于指頭厚實木強面
青背淡濇而不光有尖葉圓葉二種功用相同蓋一

物也蘇恭所說
不誤但欠詳耳

莖葉脩治

雷曰凡采得用粗布揩去毛子以熟甘草水浸一伏時切晒用

氣味苦溫無毒

別錄曰微寒普曰神農苦小雷公苦平無毒扁鵲桐君甘無毒當之曰

大寒藥中君也采無時時珍曰味甘微酸不苦之才曰杜仲牡丹為之使惡鐵落畏貝母菖蒲殺殷蘘毒

主治風熱死肌癰傷口乾舌焦癰腫不消喉舌腫閉

水漿不下

經本

大驚入腹除邪氣養腎主腰髁痛堅筋

骨利關節久服輕身明目潤澤好顏色不老延年通

神錄主一切風變白宜老

藏器

蝮蛇瘡毒心悶服汁并

洗之刀斧傷瘡傳之立瘥 恭

發明

時珍曰絡石性質耐久氣味平和神農列之上品李當之稱為藥中之君其功主筋骨關節風

熱癰腫變白耐老即醫家鮮知用者豈以其近賤而忽之耶服之當浸酒耳仁存堂方云小便白濁緣心腎不濟或由酒色遂至已甚謂之上淫蓋有虛熱而腎不足故土邪干水史載之言夏則土燥水濁冬則土堅水清即此理也醫者往往峻補其疾反甚惟服博金散則水火既濟源潔而流清矣用絡石人參茯苓各二兩龍骨煨一兩為末每服二錢空心米飲下日二服

附方

舊二新二

小便白濁

上方見

喉痺腫塞

喘息不通須臾欲絕神驗方用

絡石草一兩水一升煎一大蓋細細呷之少頃即通外臺祕要

癰疽炊痛

止痛靈寶散用

鬼繫腰生竹籬陰濕石岸間絡石而生者好絡木者無用其藤柔細兩葉相對形生三角用莖葉一兩洗晒勿見火皂莢刺一兩新瓦炒黃甘草節半兩大瓜萋一箇取仁炒香乳香沒藥各二錢每服二錢水一盞酒半盞慢火煎至一盞溫服外科精要

木蓮

拾遺

釋名薜荔

拾遺

木饅頭

綱目

鬼饅頭

時珍曰木蓮饅頭象其實形也薜荔音壁

利未詳山海經作草荔

集解

藏器曰薜荔黃緣樹木三五年漸大枝葉繁茂葉長二三寸厚若石韋生子似蓮房打破有

白汁停久如漆中有細子一年一熟子亦入藥采無時頌曰薜荔絡石極相類莖葉粗大如藤狀木蓮更

大干絡石其實若蓮房時珍曰木蓮延樹木垣牆而生四時不凋厚葉堅强大干絡石不花而實實大如盃微似蓮蓬而稍長正如無花果之生者六七月實內空而紅八月後則滿腹細子大如稗子一子一鬚其味微瀉其殼虛輕烏鳥童兒皆食之

葉氣味酸平無毒

主治背癰乾末服之下利即愈頌主風血暖腰脚變

白不衰器治血淋痛瀉藤葉一握甘草炙一分日煎

服之時珍

發明慎微曰圖經言薛荔治背瘡近見宜興縣一老舉人年七十餘患發背村中無醫藥急取薛荔

葉爛研絞汁和蜜飲數升以滓傳之後用他藥傳帖遂愈其功實在薛荔乃知圖經之言不妄

藤汁主治白癰風癰瘍風惡瘡疥癬塗之

大

木蓮氣味甘平瀉無毒

時珍曰嶺南人言食之發瘡

主治壯陽道

尤勝

頌

固精消腫散毒止血下乳治久痢腸痔心痛

陰癰

時珍

附方

新

驚悸遺精

木饅頭炒白牽牛等分為末每服二錢用米飲調下乾坤秘韞

陰瘡囊腫

木蓮即木饅頭燒研酒服二錢又方木饅頭子小茴香等分為末每空心酒服二

錢

取効酒痢腸風

黑散子治風入臟或食毒積熱大便鮮血疼痛肛出或久患酒痢木

饅頭燒存性 搜櫚皮燒存性 烏梅去核粉草炙等
分為末 每服二錢水一盞煎服 惠民和劑局方 腸

風血下

大便更瀉 木饅頭燒 枳殼炒等分 為末 每服二錢 槐花酒下 楊俟家藏方

大腸

脫下

木饅頭連皮子切炒 茯苓猪苓等分 為末 每服二錢 米飲下 亦治夢遺名鎖陽丹 普濟方

一切癰疽

初起不問發於何處 用木蓮四十個 搗去毛研細 酒解開溫服 功與恐冬草相上

下陳自明
外科精要

乳汁不通

木蓮二個 猪前蹄一個 爛煮食之 并飲汁盡 一日即通 無子婦

人食之亦有乳
也 集簡方

附錄地錦

拾遺藏器曰 味甘溫 無毒 主破老血 產後血結 婦人瘦損 不能飲食 腹中有塊 淋瀝

不盡 赤白帶下 天行心悶 並煎服之 亦浸酒生淮南
林下葉如鴨掌 藤蔓著地 節處有根 亦緣樹石 冬月

不死山人產後用之一名地噤時珍曰
別有地錦草與此不同見草之六

扶芳藤

拾遺

釋名滂藤

集解

藏器曰生吳郡藤苗小時如絡石蔓延樹本山人取楓樹上者用亦如桑上寄生之意忌采塚墓間者隋朝稠禪師作青飲進煬帝止渴者即此

莖葉氣味苦小温無毒主治一切血一切氣一切冷

大主風血腰脚去百病久服延年變白不老劉細浸

酒飲

藏器

常春藤

拾遺

釋名土鼓藤

拾遺龍鱗薜荔

日華藏器曰小兒取其藤於地打作鼓聲故名土鼓

李邕改為

常春藤

集解

藏器曰生林薄間作蔓繞草木上其葉頭尖結子正圓熟時如珠碧色

氣味莖葉苦子甘溫無毒主治風血羸老腹內諸冷

血閉強腰脚變白煮服浸酒皆宜

藏器

凡一切癰疽腫

毒初起取莖葉一握研汁和酒溫服利下惡物去其

根本

時珍外科精要

附方

新

二丁瘡黑凹

用髮經剉住將尖葉薜荔搗汁和蜜一盞服之外以葱蜜搗傳四圍

聖

血不止

龍鱗薜荔研水飲之

聖濟錄

千歲藥

別錄上品

校正

併入有名未用別錄藥根

釋名藥蕪錄

拾遺藏器曰此藤冬只凋葉大者盤薄故曰千歲藥

集解

別錄曰千歲藥生太山山谷弘景曰藤生如葡萄葉似鬼桃蔓延木上汁白今俗人方藥都不

識用仙經數處須之藏器曰蔓似葛葉下白其子赤條中有白汁陸璣草木疏云一名芭瓜連蔓而生蔓

白子亦可食酢而不美幽州人謂之推藥毛詩云葛藟注云似葛之草蘇恭謂為蓂蕒深是妄言頌曰處

處有之藤生蔓延木上葉如葡萄而小四月摘其莖汁白而味甘五月開花七月結實八月采子青黑微

赤冬惟凋葉春夏間取汁用陶陳二氏所說得之宗
爽曰唐開元末訪隱民姜撫年幾百歲召至集賢院
言服常春藤使白髮還黑長生可致藤生太湖終南
帝遣使多取以賜老臣詔天下使自求之擢撫銀青
光祿大夫號冲和先生又言終南山有旱藕餌之延
年狀類葛粉帝取之作湯餅賜大臣右驍騎將軍甘
守誠云常春藤乃千歲藥也旱藕乃牡蒙也方家久
不用故撫易名以神之民以酒漬藤飲之多暴死乃
止撫內慙乃請求藥牢山遂逃去今書此以備世疑
時珍曰按千歲藥原無常春之名惟陳藏器本草土
鼓藤下言李邕名為常春藤浸酒服羸老變白則撫
所用乃土鼓藤也其葉與千歲藥不同或名同耳

正誤

見果部
蔓莫下

氣味甘平無毒主治補五臟益氣續筋骨長肌肉去

諸痺久服輕身不飢耐老通神明

別錄

藁根主治緩筋令不痛

別錄

忍冬

別錄上品

釋名金銀藤

綱目

鴛鴦藤

綱目

鷺鷥藤

綱目

老翁鬚

綱目

左纏

藤金釵股

綱目

通靈草

土宿

蜜桶藤

弘景曰

處處有之藤生凌冬不凋故

名忍冬時珍曰其花長瓣垂鬚黃白相半而藤左纏故有金銀鴛鴦以下諸名金釵股貴其功也土宿真君云蜜桶藤陰草也取汁能伏硫制汞故有通靈之稱

集解

別錄曰忍冬十二月采陰乾恭曰藤生繞覆草木上莖苗紫赤色宿蔓有薄皮膜之其嫩蔓有

毛葉似胡豆亦上下有毛花白藥紫今人或以絡石當之非矣時珍曰忍冬在處有之附樹延蔓莖微紫色對節生葉葉似薜荔而青有濇毛三四月開花長寸許一蒂兩花二瓣一大一小如半邊狀長藥花初開者藥瓣俱色白經二三日則色變黃新舊相參黃白相映故呼金銀花氣甚芬芳四月采花陰乾藤葉不拘時采陰乾

氣味甘溫無毒

權曰辛藏器曰小寒云溫者非也

主治寒熱身腫久

服輕身長年益壽

別錄

治腹脹滿能止氣下澀

甄權

熱毒

血痢水痢濃煎服

藏器

治飛尸遁尸風尸沉尸尸注鬼

擊一切風濕氣及諸腫毒癰疽疥癬楊梅諸惡瘡散

熱解毒

時珍

發明

弘景曰忍冬煮汁釀酒飲補虛療風此既長年益壽可常采服而仙經少用凡易得之草人多

不肯為之更求難得者貴遠賤近庸人之情也時珍曰忍冬莖葉及花功用皆同昔人稱其治風除脹解痢逐尸為要藥而後世不復知用後世稱其消腫散毒治瘡為要藥而昔人並未言及乃知古今之理萬變不同未可一轍論也按陳自明外科精要云忍冬酒治癰疽發背初發便當服此其効甚奇勝于紅內消洪內翰邁沈內翰括諸方所載甚詳如瘍醫丹陽僧江西僧鑒清金陵王琪王尉子駿海州劉秀才純臣等所載療癰疽發背經効奇方皆是此物故張相公云誰知至賤之中乃有殊常之効正此類也

附方

舊一新
十七

忍冬酒

治癰疽發背不問發在何處發眉發頤或頭或項或背或腰或

脇或乳或手足皆有奇效鄉落之間僻陋之所貧乏之中藥材難得但虔心服之俟其疽破仍以神異膏貼之其效甚妙用忍冬藤生取一把以葉入沙盆研爛入生餅子酒少許稀稠得所塗于四圍中留一口洩氣其藤只用五兩木槌槌損不可犯鐵大甘草節生用一兩同入沙瓶內以水二盃文武火慢煎至一盃入無灰好酒一大盃再煎十數沸去滓分為三服一日一夜喫盡病勢重者一日二劑服至大小腸通利則藥力到沈內翰云如無生者只用乾者然力終不及生者效速陳自明外科精要忍冬圓治消渴愈後預防發癰疽先宜服此用忍冬草根莖花葉皆可不拘多少入瓶內以無灰好酒浸以糠火煨一宿取出晒干乾入甘草少許碾為細末以浸藥酒打麵糊丸梧子大每服五十丸至百丸湯酒任下此藥不特治癰疽大能五痔諸瘻上方同一切腫毒已潰止渴外科精要

未潰或初起發熱用金銀花俗名甜藤采花連莖葉自然汁半盞煎八分服之以渣傳上敗毒托裏散氣和血其功獨勝
萬表積善堂方
丁瘡便毒方同
喉痺乳蛾方同
敷

腫拔毒

金銀藤大者燒存性葉焙乾為末各三錢大黃焙為末四錢凡腫毒初發以水酒調搽四

圍留心洩氣
楊誠經驗方

癰疽托裏

治癰疽發背腸癰奶癰無名腫毒癰毒初發以水酒調搽四

寒不問老幼虛實服之未成者內消已成者即潰忍冬葉黃芪各五兩當歸一兩甘草八錢為細末每服二錢酒一盞半煎一盞隨病上下服日再服以渣傳之和劑局方
惡瘡不愈左纏藤一把搗

爛入雄黃五分水二升瓦罐煎之以紙封七重穿一孔待氣出以瘡對孔薰之三時久大出黃水後用生肌藥取效
選奇方
輕粉毒癰方同
瘡久成漏日忍冬草浸酒日常飲之戴原

禮要 熱毒血痢

飲 忍冬藤濃煎 聖惠方

五種尸症

飛尸者遊走 皮膚洞穿臟

腑每發刺痛變動不常也遁尸者附骨入肉攻鑿血脈每發不可見死尸聞哀哭便作也風尸者淫躍四末不知痛之所在每發恍惚得風雪便作也沉尸者纏結臟腑冲引心脇每發絞切遇寒冷便作也尸注者舉身沉重精神錯雜常覺昏廢每節氣至則大作也並是身中尸鬼引接外邪宜用忍冬莖葉剉數斛煮取濃汁煎稠每服雞子大許溫酒化下一日二三服 肘後方 鬼擊身青 作痛用金銀花

一兩水煎飲之 李樓怪病奇方

中野菌毒

急采鴛鴦草啖之即今 忍冬草也 洪邁夷堅

志 口舌生瘡

赤梗蜜桶藤高脚地銅盤馬蹄香等分 以酒搗汁雞毛刷上取涎出即愈 普

濟 忍冬膏

治諸般腫痛金刃傷瘡惡瘡用金銀藤四兩吸鐵石三錢香油一斤熬枯去滓入黃

丹八兩待熬至滴水不散
如常攤用 乾坤秘韞

甘藤

宋嘉祐

校正

自木部移入此

釋名甜藤

嘉祐

感藤

時珍曰甘感音相近也又有甜藤甘露藤皆此類並附之忍冬一名

甜藤與此不同

集解

藏器曰生江南山谷其藤大如雞卵狀如木防己所斷吹之氣出一頭其汁甘美如蜜

汁氣味甘平無毒主治調中益氣通血氣解諸熱止

渴

藏器

除煩悶利五臟治腎釣氣其葉研傅蛇蟲咬

大明

解熱痢及膝腫

時珍

附錄甘露藤

嘉祐藏器曰生嶺南藤蔓如筋人服之得肥一名肥藤味甘溫無毒主風血氣

諸病久服調中溫補令人肥健好顏色甜藤拾遺藏大明曰止消渴潤五臟除腹內諸冷

甜藤

拾遺藏器曰生

江南山林下蔓如葛味甘寒無毒主熱煩解毒調中氣令人肥健搗汁和米粉作糗餌食甜美止洩又治剝馬血毒入肉及狂犬牛馬熱黃傳蛇咬瘡又

有小葉尖長氣辛臭者搗傳小兒腹中悶

含水藤

海藥

校正

自木部移入此併入拾遺大瓠藤

釋名大瓠藤

集解

珣曰按劉欣期交州記云含水藤生嶺南及北海邊山谷狀若葛葉似枸杞多在路旁行人乏

水處便喫此藤故以為名藏器曰安南朱厓儋耳無水處皆種大瓠藤取汁用之藤狀如瓠斷之水出飲

之清美時珍曰顧微廣州記云水藤去地一丈斷之更生根至地水不絕山行口渴斷取汁飲之陳氏所謂大瓠藤蓋即此物也

藤中水氣味甘平無毒

藏器曰寒

主治解煩渴心躁瘴癘

丹石發動亦宜服之

李珣

止渴潤五臟去濕痺天行時

氣利小便其葉搗傳中水爛瘡皮皴

藏器

治人體有損

痛沐髮令長

時珍廣州記

附錄鼠藤

拾遺珣曰顧微廣州記云鼠愛食此藤故名其咬處人取為藥藏器曰生南海海畔

山谷作藤繞樹莖葉滑淨似枸杞花白有節心虛苗頭有毛彼人食之如甘蔗味甘溫無毒主丈夫五勞

七傷陰痿益陽道小便數白腰脚痛冷除風氣壯筋骨補衰老好顏色濃煮服之取微汗亦浸酒服性溫稍令人悶無苦也

天仙藤

宋圖經

集解頌曰生江淮及浙東山中春生苗蔓作藤葉似葛葉圓而小有白毛四時不凋根有鬚夏月采取根苗南人多用之

氣味苦溫無毒主治解風勞同麻黃治傷寒發汗同

大黃墮胎氣

蘇頌

流氣活血治心腹痛

時珍

附方

新六

疝氣作痛

天仙藤

一兩好酒一盞煮至半

孫天仁集效方

痰

注臂痛

天仙藤白朮羌活白芷梢各三錢片子薑黃六錢半夏製五錢每服五錢薑五片水煎服

仍間服千金五套丸

妊娠水腫

始自兩足漸至喘悶似水足趾出水謂之

楊仁齋直指方

子氣乃婦人素有風氣或衝任有血風不可作水妄投湯藥宜天仙藤散主之天仙藤洗微炒香附子炒

陳皮甘草烏藥等分為末每服三錢水一大盞薑三

片木瓜三片紫蘇三葉煎至七分空心服一日三服

小便利氣脈通腫漸消不須多服此乃淮南名醫陳

景初祕方也得于李伯時家陳自明婦人良方

產後腹痛

兒枕痛天仙藤五兩炒焦為末每服炒生薑汁童子小便和細酒調服經驗婦人

方一切血氣

腹痛即上方肺熱鼻瘡用天仙藤燒熟

油傅之
摘玄方

紫金藤

宋圖經

釋名山甘草

集解

頌曰生福州山中春初單生葉青色至冬凋落其藤似枯條采皮晒乾

氣味

缺

主治丈夫腎氣

蘇頌

消損傷淤血搗傳惡瘡腫

毒

時珍

附方

新二

紫金藤丸

補腎臟暖丹田興陽道減小便填精髓駐顏色潤肌肉治元氣虛面

目黎黑口乾舌瀉夢想虛驚耳鳴目淚腰膝沉重百節酸疼項筋緊急背脾勞倦陰汗盜汗及婦人子宮久冷月水不調或多或少或赤白帶下並宜服之用紫金藤巴戟天去心三兩吳茱萸高良薑肉桂青鹽各

二兩為末酒糊丸梧子大每溫
酒下二十九日三服和劑方
死胎不下紫金藤葵根各七錢

土牛膝三兩土當歸四錢肉桂二錢麝香三分為末
米糊丸梧子大硃砂為衣每服五十丸乳香湯下極

驗
靜觀方葛

南藤

宋開寶

校正

自木部移入此併入有名未用別錄丁公寄圖經石南藤

釋名石南藤

圖經

丁公藤

開寶

丁公寄

別錄

丁父

別錄

風藤

志曰

生依南樹故號南藤藏器曰丁公寄即
丁公藤也始因丁公用有效因以得名

集解

別錄曰丁公寄生石間蔓延木上葉細大枝赤
莖大如磧黃有汁七月七日采頌曰南藤即

丁公藤也生南山山谷今泉州榮州有之生依南木
莖如馬鞭有節紫褐色葉如杏葉而尖采無時又曰

天台石南藤四時不凋土人采葉治腰痛時珍曰今江南湖南諸大山有之細藤圓膩紫綠色一節一葉葉深綠色似杏葉而微短厚其莖貼樹處有小紫瘤疣中有小孔四時不凋莖葉皆臭而極辣白花蛇食其葉

氣味辛溫無毒

別錄曰甘

主治金瘡痛延年

別錄

主風血補

衰老起陽強腰脚除痺變白逐冷氣排風邪煮汁服

冬月浸酒服

藏器

煮汁服治上氣欬嗽

時珍

發明

志曰按南史云解叔謙雁門人母有疾夜禱聞空中語云得丁公藤治之即瘥訪醫及本草皆

無此藥至宜都山中見一翁伐木云是丁公藤療風乃拜泣求翁并示以漬酒法受畢失翁所在母服之

遂愈也時珍曰近俗醫治諸風以南藤和諸藥熬膏市之號南藤膏白范蛇喜食其葉故治諸風猶捷

附錄烈節
宋圖經曰生榮州多在林箐中春生蔓苗莖葉俱似丁公藤而纖細無花實九月

采莖曝乾味辛溫無毒主肢節風冷筋脈急痛作湯浴之佳時珍曰楊陝家藏經驗方有烈節酒治歷節

風痛用烈節松節牛膝熟地黃當歸各一兩為粗末絹袋盛之以無灰酒二百盞浸三日每用一盞入生

酒一盞溫服表弟武東叔年二十餘患此痛不可忍涪城馬東之以此治之而安

清風藤
宋圖經

釋名青藤
綱目尋風藤

集解
頌曰生台州天台山中其苗蔓延木上四時常青土人采莖用

欽定四庫全書
本草綱目卷十八下

氣味
缺主治風疾蘇頌治風濕流注歷節鶴膝麻痺瘡

痒損傷瘡腫入酒藥中用時珍

附方
新二風濕痺痛青藤根三兩防己一兩以咀一切

諸風青藤膏用青藤出太平荻港上者二三月采之不拘多少入釜內微火熬七日夜成膏收入甕

器內用時先備梳三五把量人虛實以酒服一茶匙

畢將患人身上拍一掌其後遍身發痒不可當急以

梳梳之要痒止即飲冷水一口便解

百稜藤
宋圖經

釋名百靈藤
綱目

集解
頌曰生台州山中春生苗蔓延木上無花葉冬采皮入藥土人用

氣味
缺主治盜汗蘇頌治一切風痛風瘡以五斤剉水

三斗煮汁五升熬膏每酒服一匙日三服時珍

附方
新三頭風腦痛百靈藤十斤水一石煎汁三斗入糯米三斗作飯俟冷拌神麴炒末

九兩同入甕中如常釀酒經三五日更炊糯米冷投

之待熟澄清每溫飲一小盞服後渾身汗出為效

聖惠一切風痺
不拘久近百靈藤五斤水三斗煎一

斗濾汁再煎至三升入牛膝附子仙

靈脾赤箭何首烏乳香鹿角膠各二兩為末同煎別

入白蜜五合熬如飴狀瓷瓶收之每服一匙溫酒下

一日二服忌毒物

大風瘡疾
百靈藤四兩水一斗煮三升去滓入粳米四合

欽定四庫全書
本草綱目卷十八下

省藤
拾遺校正自木部移入此

釋名赤藤
綱目紅藤

集解
藏器曰生南地深山皮赤大如指堪縛物片片自解也

氣味苦平無毒主治蛇蟲煮汁服之齒痛打碎含之

煮粥飼狗去癰
藏器治諸風通五淋殺蟲時珍

發明
時珍曰赤藤善殺蟲利小便洪邁夷堅志云趙子山苦寸白蟲病醫令戒酒而素性耽之一日

寓居邵武天王寺夜半醉歸口渴甚見廡間甕水映月瑩然即連酌飲之其甘如飴迨曉蟲出盈席心腹頓寬宿疾遂愈皆驚異之視所飲水乃寺僕織草履浸紅藤根水也

附方

一新

五淋瀝痛

赤藤即做草鞋者白茯苓苧麻根等分為末百沸湯下每服一錢如

神方究

紫藤

宋開寶

集解

藏器曰藤皮著樹從心重重有皮四月生紫花可愛長安人亦種飾庭也江東呼為招豆藤其

子作角角中仁熬香著酒中令酒不敗敗酒中用之亦正其花按碎棧酒醋白腐壞

氣味甘微溫有小毒主治作煎如糖服下水瘡病

藏器

落鴈木 海藥

校正

自木部移入此

釋名

珣曰藤蘿高丈餘雁過皆綴其中或云鴈銜至代州鴈門而生以此為名

集解

珣曰按徐表南州記云落鴈木生南海山野中蔓生四邊如刀削代州鴈門亦有之蜀中雅州

亦有頌曰雅州出者苗作蔓纏繞大木苗葉形色大都似茶無花實彼人四月采苗入藥用

莖葉氣味甘平溫無毒主治風痛傷折脚氣腫腹滿

虛脹以粉木皮同煮汁洗之立效又婦人陰瘡浮泡

以椿木皮同煮汁洗之

李珣

產後血氣痛并折傷內損

諸疾煮汁服

蘇頌

附錄折傷木

唐本草恭曰生資州山谷藤繞樹木上葉似莽草葉而光厚八月九月采莖日

乾味甘鹹平無毒主傷折筋骨疼痛散血每始王木補血產後血悶止痛酒水各半煮濃汁飲

唐本草恭曰生資州藤繞樹木上葉似蘿藦葉二月

八月采莖陰乾味苦平無毒主傷折跌筋骨生肌破

血止痛以酒水各半煮濃汁飲之風延莓拾遺藏器曰生南海山野

上細葉南都賦云風衍蔓延于衡臯是也味苦寒無

毒主小兒發熱發強驚癇寒熱熱淋利小便解煩明

目並煮服之珣曰主三消五淋下痰小兒赤

白毒痢蛇毒瘡瘻毒一切瘡腫並宜煎服

千里及

拾遺

校正

併入圖經
千里光

集解

藏器曰千里及藤生道旁籬落間葉細而厚宣湖間有之頌曰千里急生天台山中春生苗秋

有花土人采花葉入服藥又筠州有千里光生淺山及路旁葉似菊而長背有毛枝幹圓而青春生苗秋有黃花不結實采莖葉入眼藥名黃花演蓋一物也

氣味苦平有小毒

頌曰苦甘寒無毒

主治天下疫氣結黃瘡

瘡蟲毒煮汁服取吐下亦搗傳蛇犬咬

藏器

同甘草煮

汁飲退熱明目不入衆藥同小青煎服治赤痢腹

痛

時珍

附方

一新

爛弦風眼

千里光草以筍殼葉包煨熟揔汁滴入目中經驗良方

藤黃

海藥

校正

自木部移入此

釋名樹名海藤

珣曰按郭義恭廣志云出岳鄂等州諸山厓樹名海藤花有藥散落石上

彼人收之謂之沙黃就樹采者輕妙謂之臘黃今人訛為銅黃銅藤音謬也此與石淚采之無異畫家及丹竈家時用之時珍曰今畫家所用藤黃皆經煎煉成者舐之麻人按周達觀真臘記云國有畫黃乃樹脂番人以刀斫樹枝滴下次年收之似與郭氏說微不同不知即一物否也

氣味酸濇有毒主治蚰牙蛀齒點之便落

李珣

附錄諸藤

一十九種

地龍藤

拾遺藏器曰生天目山繞樹蟠屈如龍故名吳中亦有而小異味若無毒主風血羸老腹

內腰脚諸冷食不調不作肌膚浸酒服之

龍手藤

藏器曰出安荔浦石上向陽者葉如龍手采無

時味甘溫無毒主偏風口喎手足癱緩補虛益陽去冷氣風痺以醇酒浸近火令溫空心服之取微汗

牛領藤

藏器曰生嶺南高山形褊如牛領取之陰乾味甘溫無毒主腹內冷腰膝痛弱小便白數

陽道乏煮汁或浸酒服

牛妳藤

藏器曰生深山大如樹牛好食之其中有粉味甘溫無毒主救

荒令人不飢其根食之令人髮落

鬼膊藤

藏器曰生江南林澗邊葉如梨葉子如槿子藤味苦

溫無毒浸酒服去風血同葉搗傳癰腫

斑珠藤

藏器曰生山谷中不凋子如珠而斑冬月取之

味甘溫無毒浸酒服主風血羸瘦婦人諸疾

息王藤

藏器曰生嶺南山谷冬月不凋味苦溫無

毒主產後腹痛血露不盡濃煮汁服

萬一藤

藏器曰生嶺南蔓如小豆一名萬吉主蛇蛟杵末水

和傳之

曼遊藤

藏器曰生無為天門山谷狀如寄生著大樹葉如柳春花紫色蜀人謂之沉藹

藤味甘溫無毒久服長生延年去久嗽治癰

百丈青

藏器曰生江南林澤藤蔓緊硬葉如薯蕷

對生味苦平無毒解諸毒物天行瘡癰疫溫藤藏器曰生

毒並煮汁服亦生搗汁服其根令人下利

藍藤

藏器曰生新羅國根如細辛味

溫無毒浸酒服主風血積冷

瓜藤

宋圖經頌曰生施州四時有葉無花采皮無時味甘涼無毒主

氣欬嗽煮汁服

諸熱毒惡瘡同刺猪苓洗去粗皮

金陵藤

頌曰生施州四時有

焙乾等分搗羅用甘草水調貼之

含春藤

頌曰生台州其苗延木冬

獨用藤

頌曰生施州四

時有葉無花葉上有倒刺采皮無時味苦辛熱無毒主心氣痛和小赤頭葉焙等分研末酒服一錢

婆藤

頌曰生天台山中蔓延木上四時常有土人采葉治諸風有效

野猪尾

頌曰生施州藤

纏大木四時有葉無花味苦濇涼無毒主心氣痛解熱毒同百藥頭等分焙研為末每酒服二錢

石

合草

頌曰生施州藤纏木上四時有葉無花土人采葉味甘涼無毒主一切惡瘡斂瘡口焙研溫水

調貼

骨路支

拾遺藏器曰味辛平無毒主上氣浮腫水氣嘔逆婦人崩中餘血癥瘕殺三虫生崑崙國

苗似凌霄藤

根如青木香安南亦有之名飛藤此條原附錄紫葳之后鈔書遺落附于此也

本草綱目卷十八下